

BIHS

VJ



BIBLIOTHECA
UNIV. JAGELL.
CRACOVIE

cul. homo

910467

Mag. St. Dr.

I




. 910467 I
Mag. St. Dr.

9840



2/10/11





Carl Aigen delin:

St. Martin in Wien

BIBLIOTHECA
UNIV. CELL.
CRACOVIAE

BIBLIOTHECA
UNIV. CELL.
CRACOVIAE

MEMORABILIA
DE
TEMPIO, AC TURRI
AD
S. STEPHANUM
VIENNÆ AUSTRIÆ.

Fide summa è veteribus documentis
cruta

LAUREATIS HONORIBUS
Illustrissimorum, Perillustrium, Reveren-
dorum, Pranobilium, Nobilium ac Eruditorum
DOMINORUM DOMINORUM
AA. LL. ac PHILOSOPHIÆ

NEO-MAGISTRORUM
DEDICATA.

Cum in Antiquissima ac Celeberrima
UNIVERSITATE VIENNENSI

Supremâ Philosophiæ Laureâ ornarentur.

PROMOTORE

R. P. IGNATIO CHOLER è Soc. Jesu,
AA. LL. & Philosophiæ Doctore,
Ejusdémque Professore ordinario.

Nec non Inclytæ Facultatis Philosophicæ
SENIORE CONSISTORIALI.

Ab Illustrissima Rhetorica Viennensi

Anno Incarnationis Domini M. DCC. XXI.

VIENNÆ AUSTRIÆ, Typis Andrea Heyinger, Uni-
versit. Typogr.

MEMORABILIA
DE
TEMPO, AC TURRI
AD
S. STEPHANUM
VIENNE AUSTRIAE.

Hic sunt & veteribus documentis

LAUREATIS HONORIBUS

UNIVERSITATIS VIENNAE

DOMINICANORUM

AD S. STEPHANUM

DEDICATA

UNIVERSITATIS VIENNAE

PRZEDZIECKICH

(Ze zbiorów Prof. Józefa Lepkowsk.)

SENIORIS

ST PR 2016 D. 227/23 (156)

*Illustrissimi, Reverendi, Prænobiles, Nobi-
les, ac Eruditi*

DOMINI DOMINI

NEO-MAGISTRI.

Nemo miretur Palladem nostram, qua lau-
reatis honorum subsellijs vestris assurgere
debut, in templa hodie atque ad Aras de-
lapsam sacra profanis, humanis divina
permiscere. Nempe quæ una Altaribus præst, simul &
adoreis, tributum vestrae gloriae ex utrisque persolvit,
dum Antiquissimi, maximiq; templi initia, Progressus,
ornamenta dentq; singula paucis his paginis descripta in
applausus publici Gratulationisq; materiam deferit, di-
câtque. Quod quidem quàm alienum non sit, à loci hu-
jus apparatu, itsque, quos Philosophia vobis hodie decre-
vit, honoribus. quin imò quàm proprium vobis esse de-
beat; facile negotio deprehendetis, si quàm arcto inter
se fœdere Antiquissima hæc ipsa, in qua Doctores hodie
venunciati estis, Universitas cum sacra hac Divi Stephani
Æde conjuncta sit cogitando Percurratis. Utrâq; Rudol-
phum IV. Archi-Ducem Autorem habuit, eadem utriq;
incunabula, progressus hætenus pares fuere, atque dum
illa quidem tot sapientissimos viros Literaria huic Rei-
publica nostra indies sufficit, hæc tot Disciplinis ad o-
mnem Eruditionem instructos sacra Augustaq; illius Ba-
silica in emolumentum enutrit, enutritosque submit-
tit, utrâque profecto in singulare hætenus decus Urbis
hujus amplissima, in qua vel in lucem editi, vel literis
imbuti estis, exerevit. Quid? quod & ipsa scribendi
ratio litigiosa illa quidem, cùmque Autoribus varijs,
adversantiumque opinionibus commissis quasi signis di-
micans vos præcipue Judices expectet, qui è certami-

nam astu recens ad laureas supremas promoti Docto-
rum subsellia conscendistis. Capite ergo tenue munus,
nostræ in vos observantia pignus, libellum, inquam,
hunc memorabilia Turris ac Templi in Urbe hac vestra
Principis complectentem, in quo si quid minùs elabora-
tum cultumque deprehenderitis, Temporis angustias in-
culcate, quæ rei tam vastæ elegantius pertractandæ obi-
tem posuere, id demum vobis persuadete, cordi nobis
longè magis fuisse, ut vera, quam ut verborum quodam
fuo illita in lucem ederemus: hinc plana ibi omnia, atq;
à sublimiori illo scribendi genere procul remota, nullis
ambagibus diffusa, nullo verborum fastu turgida, ut teri
ab omnibus & intelligi sine tadio laboriosoque studio
possint. Nec deerunt fortassis aliqui, quibus labor hic
noster probari minùs ex eo videbitur, quod à communi
scriptionis genere non parum discedat, nec in Orationum
se se diffundens flumina, nec versuum elegantij floscu-
lisq; ut Eloquentia studiosos deceret, amarus: quod etsi
quidem non abnuamus; haud tamen à rerum peritio-
ribus omnibus vile aded operæ pretium relatu-
ros nos arbitramur, ut non apud multos majorem inituri, hoc
studio nostro, præ omni orationum volumine gratiam
simus: tum quod ætas hæc nostra ejusmodi elucubra-
tionibus deleatur plurimum, tum quod idem semper
in singulos annos recurrentis scribendi genus tadium poti-
ùs lectoribus adferat. Vos, ut ut alij senserint, benignio-
res nobis Humanitas vestra promittit, quam dum no-
bis deinceps faventem, benevolamque constanter exo-
ptamus, vobis quoque, ut honoris hæc nova accessio gra-
dum ad ampliores in Republica dignitates præbeat sin-
cere animo precamur.

Honoris Vestri studiosissimi
Rhetores Viennenses.

TITULUS PRIMUS.

De Prima Templi bujus Fabrica.

Emplum Divo Proto-Martyri Stephano Sacrum, quo inter tot Deo dicatas ædes neque augustiorem mole, neque structuræ artificio, antiquitatisque nomine potiorum Vienna numerat, eadem planè cum hac Ducum Cæsarumque sede exordia nactum est; pares progressus. Autor utriusque Henricus fuit Leopoldi Marchionis jam inter Divos relati Filius, qui primus omnium Ducis insignia, titulosque Austriæ intulit. Ja so mir Gott dictus ab alijs, ducta fortassis exinde cognomenti hujus origine, quod voces hæ Bavaris primùm usitatæ in proverbij eidem consuetudinem abierint.

Destinaverat hic Princeps jam antea quam rerum per Austriam potiretur, seu parentis consilio (ut Chron. Ducum Austriæ M. S. Biblio. h. in Academico Soc. JESU Coll. refert.) seu circumjacentis soli opportunitate allectus, eo ipso in loco sedem suam figere, quem valla nunc Viennæ mænia ambitu suo complectuntur, nullis tunc quidem ædificijs alijs, quàm constructis levissimam manu Venatorum mapalibus frequenti, nec alio nomine, præterquam veteris illius Vindobonæ ruinis insigni. quæ 500. propè ab hinc annis Barbarorum incursionibus deleta, vix sui memoriam reliquerat.

Exstructis hic post Leopoldi pîj mortem paucis civium ædibus, resurgere demum suis è ruderibus Vindobona cæperat, breviq; intervallo ea fecit incrementa, quibus justæ civitatis in speciem redire visa est, ope quidem, ut opinor, atque consilio Henrici, qui, quod

dudum mente conceperat , anno tandem 1156. in amplissimo ejus foro maximis sumptibus Aulam sibi erexit, à qua locus ille nomen retinet , dum vulgi usu patriò-que sermone Hoff' dici hodiedum affolet. Atque hæc quidem Viennæ nostræ , quæ in tantam dein Majestatem, ut videmus , excrevit , fuere initia. Ad primam nunc Magnifici templi hujus, quod describendum sumpsimus , fabricam , ejusque exordia transeamus.

Surrexisse & illud inter prima nascentis urbis ædificia, jacta que ejus fuisse ab Henrico fundamenta restantur tum documenta antiquissima, tum post Lazium scriptores plurimi. Inter quos , uti de primo ejus Autore quam optimè convenit, ita de anno, quo prima ejus fabrica cæpta est , in diversas inter se sententias abeunt. Lazius certè unus tot propè opinionibus , quot libris Commentaria sua de rebus Viennensibus distinxerat , mirâ inconstantia à se ipso discedit. Cujus enim initia lib. 2. fol. 47. facta esse ad Annum Domini 1144. statuit , mox antea à se scriptorum immemor lib. 3. fol. 128. ad Annum 1140. rejicit, ut inspicienti parebit. Sed quid mirum ! virum scribendi cupidum, etsi eodem in opere , diversis tamen in libris sibi adversari , qui eadem in pagina quinquagesima scilicet secunda lib. 2. infeliciore longè errore lapsus ita sibi ipsi dissimilis est, ut non eundem, sed diversum se scriptorem legere prædens quisque arbitraretur. Verba ejusdem hic reddo fide qua potui optimâ excerpta ut sequuntur: Libro enim & paginâ à me hic citatâ: *Demum sub annum (inquit.) salutis nostræ 1144. cum Henricus primus Dux Austriæ OO. SS. in Fabianis eadem posuisset à Reimberto tunc Pataviensi Episcopo consecratam , Parochi primi in Fabianis , quæ jam primâ Syllabâ detractâ Vienna & Bianna nuncupabatur constituti capti sunt. &c.* Cui vix quatuor lineis interjectis subiicit syllabum Parochorum, seu Curionum Viennensium ita referens : *Eberhardus Parochus in recens posito OO. SS. Augustiori paulò , quàm cætera erant , templo à Reimberto Pataviensi Episcopo con-*
stitui-

fituitur Anno salutis nostræ 1140. &c. quæ quàm malè inter se cohæreant, æquo Lectoris iudicio committo. Majori venia dignus videtur Autor Chron. Mellicens. edicti anno 1702. qui primum omnium, qui de rebus Viennensibus scripsere Autorem Iazium secutus, inque diversa ejus loca incidens, parte 4. pag. 240. narrat à Reimberto Pataviensium Episcopo templo huic Eberhardum Parochum præpositum esse Anno 1140. cum tamen eadem parte pag. 224. idem omnino templum ab Henrico primo Anno 1157. constructum esse affirmet. Nec desunt complures alij, qui ejusdem dedicationem ad Annum 1157. cum Fuggero faciã esse, tanquam certissimum statuunt. Abriperer & ego torrente tot tantorumque Autorum, nisi me Hundij in recensendis Pataviensis Ecclesiæ Episcopis accuratissimi Autoritas sustentaret, atque in aliam abire sententiam cogeret, qui pag. 130. Reginbertum seu ut alij scribunt Reimbertum excessisse jam è vivis Anno 1148. ac sequente proximo anno illi subrogatum Conradum Juniores Leopoldi pij Filium scribit, cum citati paulò ante Autores omnes templum hoc consecratum esse à Reimberto Anno 1157. velint.

Ego iacta illius fundamenta ab Henrico quidem statuo, sed jam Anno 1144. 3tio scilicet postquam præfese is Austriæ cepit. Fidem hujus faciunt M. S. Amicissimi mihi viri Curati, ut vulgò vocamus, ad S. Stephani hodie dum munere fungentis beneficio exhibita. Divi Stephani verò honoribus initiatum esse existimo, Anno 1147. inter quod spatium temporis fabrica templi hujus, utpote angustis tunc adhuc limitibus circumscripta absolvi haud difficulter potuit. Confirmat opinionem hanc meam Freherus, qui pag. 319. ad Annum 1147. ita refert (verba subnecto Autoris clarissimi) *Reimbertus Episcopus dedicavit Ecclesiam Viennensem, deinde eo anno obiit Reimbertus Episcopus, cui successit Conradus Frater Henrici Ducis.* Nec aliter sentit Hundius in metropoli sua Salisburgensi pag. 130.

cujus pariter verba subungere placuit: *Hujus Regimberti tempore* (ita ait Autor) *Eugenius 3^{tius} Pontifex summus expeditionem pro recuperatione Palaestina instituit, cui & iste Episcopus interfuit, à qua in Patriam reversus non legitur. Dedicavit primariam Ecclesiam Viennensem, antequam ad terram Sanctam proficisceretur anno nimirum 1147. sequenti verdè anno legitur ex hac vita emigrasse tertio Calend. Octob. &c.* Et certò quis credat optimum Principem, strenuúmque paternæ pietatis æmulum, qui per Bavariam omnem, tum & Austriam tot Deo sacratas erexit ædes, tótque Religiosorum vel fundavit Asceteria, vel censu annuo auxit, adeò immemorem Viennæ suæ fuisse, jam multis antea annis in sedem suam destinatæ, ut cum ea in justæ civitatis jam priùs speciem adoleverit, eam sine templo tamen ullo, atque ita sine omni Parochorum subsidio incultam ad annum usque 1157. relinqui voluerit. Mihi id certum videtur vel Viennam antea justæ civitatis nomen non gessisse, quod tamen rejeçti paulò ante à me scriptores serè omnes contendunt, vel ante eum annum erectam jam fuisse Parochialem Divi Stephani Ecclesiam, cum alia, cui certus Curio præfuisset, nulla, nisi ex Lazij figmentis fortassis, erui possit.

TITULUS II.

Quo statu res Templi hujus ab Anno 1147. usque ad 1159. fuerint.

Statutis jam ritè initijs ad ea transitum facio, quæ per ducentos dein, & ampliùs annos vel res hujus Templi immutârunt, vel ad illius historiam illustrandam luminis adferre quidpiam videntur. Pauca ea quidem esse fateor, si tot annorum, quos hic complector, numerum ineam. At veniam æquus mihi facilè, prudensque lector indulgebit, vera potius, quàm multa scribere laboranti. Multa siquidem hominum ejus

ætatis

ætatis in conscribendis rebus Socordia nostræ memoriæ subduxit, multa temporis diuturnitate injurijsque absumpta sunt. Multa fortassis etiamnum antiqua monumenta in Tabularijs latitant, quæ meum, aliorumque laborem sefellerunt. Ea igitur, quæ tum è M. S. varijs tum antiquioribus Autoribus collegi, hîc subijcio; atque inter hæc primo quidam loco Parochorum, qui templo huic usque ad Annum 1350. præfuerunt syllabum à Lazio lib. 2. in Comment. de rebus Viennensibus, pag. 59. his verbis conscriptum.

Eberhardus Parochus in recens posito OO. SS. augustiori paulò, quàm cætera erant, templo à Reimberto Pataviensi Episcopo constituitur anno salutis nostræ M. C. XL.

Burcardus Prapositura Pataviensi adjecit Parochiam Wiennensem Anno Domini M. C. LX.

Sigebardus, ut Canonicus Pataviensis Parochum Vienna egit anno Domini M. CC. X.

Petrus Magisterij dignitate insignitus ex Parcho Viennensi Bataviensis creatur Episcopus in publico Vienna habito Concilio Anno M. CC. LXVI.

Gerhardus Magisterij item gradu præditus, ut Parochus Viennensis Monasterium ad Cæli portas Vienna & Xenodochium in Clagnapum extra urbem exorsus est anno Domini M. CC. LXX.

Bernbardus Bramboekh ut Parochus Viennensis in Bataviensem eligitur Episcopum, Anno M. CC. LXXX.

Gotofridus Prapositura Bataviensi Viennensem adjecit Parochiam anno salutis nostræ M. CCC. X.

Pollio quispiam ultimus Parochus Viennensis in OO. SS. templo, quod jam à Bataviensis diœcesis Patrono, Divi Stephani nomen adsciverat, in humanis adhuc erat anno M. CCC. L.

Verùm & in his recensendis sæpiùs quoque à vero bonum virum aberâsse deprehendo, eumque vel ideo minore fide dignum esse cenfeo, quod ex arbitrio potius suo, quàm ex antiquis documentis, quorum nullum omnino testimonium adfert, scripsisse plurima videatur.

deatur. De Eberhardo quidem, quàm sibi ipsi repugnet Lazius, satis (ut arbitror) titulo priori ostensum est. Nunc, quantum in ceteris quoque à meliori aliorum Autorum opinione recedat, videamus. Burcardum & Gotofridum Præposituræ Bataviensi adiecisse Parochiam Viennensem memorat Lazius; at in serie Præpositorum Cathedralis illius Ecclesiæ accuratione summa ab Hundio pag. 152. conscripta ne nomen quidem Burcardi reperio. Gotofridi verò et si ibidem mentio fiat, quem etiam Comitem fuisse de Kirchberg Hundius testatur, is tamen non Anno 1310 sed tribus primò annis tardius præesse cæperat in Godefridi de Weissenegk locum subrogatus, qui ab anno 1289. usque ad 1313. eandem dignitatem gessit. Hinc de alijs quid sentiendum sit, facili Lector judicabit. Ego sane certi quidpiam ex hujus scriptoris libris statuere non ausim. Quare non nisi quatuor post Eberhardum Templi hujus Parochos referam, quos ab edaci illa temporis vetustate antiqua quædam documenta, meliorumque Autorum libri exemere. Primum hos inter locum obtinet Petrus, dein ad Episcopi Pataviensis dignitatem evehctus Anno 1266. ut refert Hundius pag. 140. his verbis *Petrus artium & Philosophia Magister vir in Divinis & humanis literis apprime eruditus. Uladislai Polonia Ducis in Paduanò Gymnasio Padagogus Viennensiq; Ecclesiæ primaria Parochus, Bataviensi Ecclesiæ Episcopus tali occasione præfectus est, &c.* Multum quoque ad Petri hujus nomen posteritatis memoriæ transmittendum attulit Concilium Provinciale hic Viennæ Austriæ Anno 1267. habitum: Cujus Henricus Stero scriptor antiquus, qui sub Rudolpho I. Imperatore floruit, his verbis meminit: *Anno ab incarnatione Domini M. CC. LXVII. Dominus Guido Cardinalis Apostolica sedis legatus VI. Idus Maji apud Wiennam Concilium celebravit, cui interfuerunt Joannes Pragensis, Petrus Bataviensis, Bruno Brixinensis, Chunradus Frisingensis, Leo Ratisponensis, Amalricus Laventinensis Episcopi, & alij quàm*

quàm plures de ipsis Diœcesibus Prælati, Archidiaconi & Decani, &c.

Lazius recentior multò Autor præter jam enumeratos lib. 2. pag. 59. Chron. Viennens. addit Aquilejensem, Tridentinum pariter atque Olomucensem Episcopos Conventui huic interfuisse. Verùm cum Gwido ipse Cardinalis in Concilij hujus statutis inter Biblioth. Cæs. M.S. extantibus testetur se ad Salisburgensem solum ac Pragensem Diœcesim cum potestate missum, credibile vix videtur Aquilejensem Tridentinumque Episcopos esse cum ceteris convocatos. Verba Gwidonis ipsius refero: *Hinc est, quòd, cum Sanctissimus in Christo Pater & Clemens Papa IV. ad Salzbουργensem Provinciam & Civitatem, & Diœcesim Pragensem cum plena legationis officio nos duxerit transmittendos, Officij nostri debitum libenter exequimur &c.* At parum fuisse Lazio videbatur à vero in re tantilla discessisse, nisi continuatis erroribus Lectori imponeret. Nam lib. 2. in Coment. suis de rebus Viennens. pag. 62. sub Clemente III. Anno 1267. hoc Viennæ Concilium esse habitum asserit, mox verò pag. 59. ejusdem libri Petrum in hoc eodem Episcoporum Confessu Pataviensi mitra donatum affirmat Anno 1266. Patet hinc ut opinor abundè. quàm parum & hic in referendo Concilij hujus anno sibi constet Lazius; quàmque ineptè id ad Clementis III. tempora referat, utpote quem non isto, sed priori seculo vixisse nemo quidem dubitat, qui vel obiter chronologiæ melioris in studio versatus est. Nec refutatione egere censco errorem alterum, quem de Petro à Concilio hoc in Pataviensem Episcopum creato scriptis suis intexit: Satis is tum Autoritate Steronis superius à me citati refellitur, qui Petrum hunc jam Episcopali dignitate præditum ad synodum hanc evocatum edocet; tum ex Hundij verbis paulò ante recitatis. Quare omiſſis Lazij figmentis ad sinceriora aliorum testimonia tranſeamus, quorum plurima vir clarissimus, deque Eruditorum Republica optimè in libris suis meritis

Lambecius lib. 2. Bibl. suæ adducit. Unum duntaxat ex his referre placuit, ut & de loco, in quo sacer hic Conventus habitus est, & de tempore quo duravit, Lector sciendi cupidus erudiatur. Extat hoc in Bibliot. Cæs. in M. S. Membraneo ab Autore Anonymo conscriptum, qui Chronicon Hermani contracti per annos complures continuatū deduxit atque Coævus huic Concilio extitit, nam cometam Anni 1264. suis se oculis vidisse, ac subsequetas rerum vicissitudines diligenter observasse fatetur, verba ejus hic subnecto: *Anno M. CC. LXVII. Dominus Gwido Apostolica sedis Legatus tituli S. Laurentij in Lucina Presbyter Cardinalis, Abbas Cisterciensis, magna fultus Autoritate venit Wiennam, omnes Episcopos, Prælatos, Abbates, Prapósitos Decanos in Salzburgenst Episcopo constitutos convocat post Joannis ante Portam latinam feriâ 3tâ in Parochiali Ecclesia Wiennæ, tribusque diebus Concilium celebrat, cum jam dictis Prælatiis, &c.*

Constituto hac ratione Concilij hujus tempore, de ijs fortassis, quæ tunc acta, quæve statuta fuerint edoceri à me Eruditus Lector desiderabit? Verùm cùm præfixa brevitatis fusiùs me excurrere prohibeat, eum vel ad Henricum Canisium tom. 1. Antiquar. Læction. vel ad Lambecium qui ex M. S. in August. Cæs. Biblioth. aservatis omnium sincerissimè Canones illius lib. 2. suæ Biblioth. cap. 3. inseruit remittendum judicavi. Illud duntaxat adiicio; Eo ipso anno, quo hæc synodus celebrata est, Parochum templo huic præfuisse Magistrum Gerardum in Petri locum, jam priori anno Pataviensti infula donati, subrogatum. Docent id Gerardi ipsius literæ, quibus Anno M. CC. LXVII. 15. Kalend. Augusti Vineam quandam Sacris Deo Virginibus ad Portam Cœli degentibus dono transcripsit, si ex Divi Augustini Regula vitam exegerint, sin minus, ut ea Ecclesiæ S. Stephani accedat. Hanc ipsam Ecclesiam D. Stephani multis necessarijs ædificijs ab Episcopis Patavienstibus, geminisque Parochis Magistro scilicet Petro

& Bæ.

& Bernardo Prambach, quem & alij Pramock vocitant restauratam fuisse indicant M. S. in Tabulario senatûs Viennens. Civici mihi exhibita. Videturque restaurandi illius necessitas à gravissimo illo incendio orta, cujus Freherus ad annum 1258. his meminit verbis : *Magna pars civitatis Vienn. exusta est, & Parochialis Ecclesia cum Campanis* : Referunt idem incendium M. S. alia ejusdem Tabularij senatûs Civici. Bernardi verò de Brambach etiam Hundius mentionem facit pag. 142. his verbis : *Bernardus nobilis vir de Brambach Austriacus Canonicus Pataviensis ac Vienna ad S. Stephanum, ante restitutum ibi Episcopatum Parochus ab Alberto Austria Duce Rudolphi Habsburgij Filio Pataviensi Ecclesie commendatus eidem praeicitur Anno 1282.* Sub hoc plebano Rudolphus Cæsar post partam Victoriâ Viennam ingressus & ad Divi Stephani ædem divertisse videtur, ut Deo laudes, grâtesque decantaret. Ita enim Ottokarus Horneck in Hist. Austr. M. S. ad annum 1278. refert mihi à Clarissimo viro Literatorumque fautore eximio in August. Cæsar. Biblioth. cujus dignissimus ipse Curam gerit, exhibitus. Autoris ipsius verba subjungo.

So er so emphangen wart
 König Rudolph an der Vart
 Dero groß meng Volck dan
 In das Münster S. Stephan
 Ist geweicht ze ehren
 Da dangt er unsern herrn.

Plura memoratu digna in fide dignis scriptoribus non reperi, præterquam quòd Freherus ad annum 1295. circa nativitatem B. Virginis tantum ventum fuisse ortum memoret, qui Crucem de sinistra turri ad S. Stephanum Ecclesiæ Parochialis deijceret. Cujus ultimum Parochum, antequam ea in Præposituram erigeretur fuisse Leopldum Sachsenganger ex literis in

Tabul. Cathedral. Ecclesiæ ad S. Stephanum deprehendo, quas paulò inferiùs reddam.

TITULUS. III.

*A quo hoc templum amplificatum atque in
eam, qua nunc cernitur formam reda-
tum sit.*

UT res maximæ eam, in quam excreverunt ampli-
tudinem, minimis plerumque debent initijs, ita
splendorem suum Majestatemque, quam & Augusta
ipsa hæc Cæsarum sedes Vienna, & sacrata D. Step-
hani honoribus ædes amplissima istius mœnibus conclusa
hodieum retinet, non nisi è levibus exordijs, angu-
stisque, quibus continebantur, terminis deduxere.
Jecit utriusque fundamenta Babenpergensium per Au-
striam Ducum munificentia, ut superiùs indicavi, sed
utriusque gloriam liberalior dein Habsburgicorum
Principum Cura, ac pietas eò promovit, ut illa urbi-
um jam per Germaniam Princeps faciliè audiat; hæc
neque de structuræ magnificentia, neque de ornamen-
tis cæteris ulli per vicinas latè Provincias Sacræ Basili-
cæ concedat. Et verò urbem hanc nostram amplissi-
mam decus suum omne à tot Cæsarum Majestate tra-
xisse, quot continuata serie Aulam in illa fixere, ne-
mo quidem ut reor sapientum inficiabitur. Templi
duntaxat & illius, cujus ingentem molem, sumptuo-
sumque ædificium indies cernimus, & admiramur, pro-
pè Restauratorem ignoramus, alijs id gloriæ Parenti,
Filio id alijs tributentibus.

Fuggerus scilicet, uti & Autor Chron. Mellicens. su-
periùs titulo imo. à me citat. ac recentiores propè o-
mnes quotquot Templi hujus meminerunt Albertum
II. cognomine sapientem inchoasse hanc novam, quæ
hodieum videtur, fabricam volunt. Sequitur hos

com-

communis ac obfirmata jam populi opinio, quæ de-
terrere me haud parum poterat, quò minus in contra-
ria Sentientium partem transirem. Verùm cum recen-
sitos hos scriptores præter sua verba nil omnino de an-
tiquis documentis adferre, atque ita unius Lazij sen-
tentiam secutos esse videam, faciliè me rem apud eru-
ditos evicturum putabam, si ad hujus scriptoris to-
ties à me reprehensi auctoritatem evertendam, ex ipsius
verbis, quàm malè secum consentiat, ostendero, tum
& ea antiquissima testimonia ex M. S. excepta attu-
lero, quæ vel amicorum beneficio, ipse inspexi, vel
etiamnum dum hoc scribo apud me detineo. Utrum-
que ut præstem, en geminum locum ex Lazio subjun-
go. Refert dictus Autor lib. 3. Comment. de rebus
Vienn. pag. 101. de Rudolpho IV. his verbis: *Tem-
plum verò ipsum ab Henrico quondam primo Austria Duce
omnibus Sanctis Consecratum, & ab Episcopis postea
Pataviensibus Stephani nomine sue Diœcesis Patroni de-
coratum, & novis fornicibus, & turri admirandi operis
(quæ inter orbis miracula est habita) augustius multò red-
didit. Cùm tamen in Comment. alijs Genealog. scilicet
Austr. lib. 3. pag. 229. totum id Alberto Parenti
attribuere videatur sequentibus. Unde & Basilicam S.
Stephani, quæ ante aliquot secula ab Henrico I. Austria
Duce Sanctorum omnium nomini consecrata fuerat, in al-
tiores fornices extulit, multâque sculptili & turri admi-
randi operis exornavit. Quam Filius dein Rudolphus ad
extremam manum perduxit.*

Quis hic non videat (tuam Lector erudite fidem im-
ploro) quàm se ipsum gravis erroris convincat Lazius,
dum ingentes hos fornices jam ab Alberto eductos,
jam à Rudolpho veteri ædificio impositos nescio quo
labilis memoriæ vitio affirmet. Idem esto de turri ju-
dicium, nam quam inferiori loco ab Alberto inchoa-
tam, ac à Rudolpho ad extremum apicem perductam
innuit, superiùs prima à Rudolpho traxisse exordia re-
censet, ut clariùs adjectæ hæc ab Autore ad marginem

notæ

notæ cit. lib. 3. Comment. de rebus Vienn. pag. 101. ostendunt in hæc verba : *Exordia insignis turris Viennensis.*

Rejctis sic uno in Lazio ceterorum omnium, qui illius Autoritati innituntur opinionibus, ad ea memoranda propero, quæ non continuasse tantum cæpta ædificia augustissimi Templi in eam, qua hodie est, formam redacti, sed & primum omnium ejus fundamenta jecisse Rudolphum IV. Alberti sapientis Filium ostendent : Sunt inter hæc M. S. quædam ab A. R. ac Clarissimo quodam Domino, Gurati, ut dicere solemus, hodie ad S. Stephanum munus obeunte amicissimè mihi communicata : Codex est chartaceus in 4to, ut dici amat, conscriptus ab Abrahamo Stauber, qui ad scribendas templi ejusdem rationes, procurandasque res illius usibus servientes non paucis antea annis adhibebatur. Testatur hic memoratus scriptor se in ipsis gradibus, qui ad cryptam subterraneam, seu locum Archi-Ducum Austriacorum sepulturæ destinatum deducunt, lateri parietis immissam, insculptamque lapidi crucem non unâ, sed vicibus pluribus vidisse, cujus geminas extremitates superius bina ambiunt insignia, ad dexteram quidem Aquilam Coronatam, ad lævam verò bicipitem sine diademate exhibentia. Imminet medium inter hæc duo Crucis vertici scutum tertium Austriacum rubris albisque coloribus distinctum. Verba verò inferius lapidi insculpta leguntur sequentia.

RUDOLPHI FUNDATORIS ECCLESIAE S. STEPHANI.

Adjungit idem Author prædicti codicis testimonium alterum multò ad rem nostram clarius, atque præstantius. Narrat siquidem in media hac crypta jacere Rudolphum, è sublimi magnos cineres ejus demonstrante manu è nubibus protensa cum hac adjecta Epigraphe :

HIC JACET FUNDATOR.

Nè verò id de sola Ecclesiæ hujus in Collegiatam erectione possit intelligi , addit : Pij Principis hujus ossibus impositum gladium jam penè rubigine consumptum crucemque plumbeam cum sequenti Epitaphio à se accuratè descripto.

Anno Domini M. CCC. LXV. die Dominica post festum S. Jacobi Apostoli VI. Calend. Augusti obiit Mediolani Serrenissimus Princeps Rudolphus Dux Austriæ, Styriæ, & Carinthiæ Anno ætatis suæ XXVI. qui probitate sua, dominiõve obtinuit Comitatum Tyrolensem & Construxit Ecclesiam S. Stephani Parochialem Viennæ, & mutavit eam in Ecclesiam Collegiatam & hic sepultus est.

Fidem tantò libentius viro huic optimo adhibeo, tum, quòd non semel cryptam hanc lustraverit, ut ipse fatetur, quando ex recepto jam more demortuorum Archi-Ducum viscera inferebantur, tum quòd hæc ab eodem relata antiquissimorū scriptorum testimonijs apprimè convenient. Exhibitum mihi horum unum in August. Biblioth. Cæsarea scriptoris Anonymi in M S. Codice antiquissimo, qui Chronologiam Ducum Austriæ unà & diem obitus continet, atque inter cetera de Rudolpho IV. his verbis accuratè non minùs quàm sincere à me excerptis ita meminit :

Anno M. CCC. LXV. am Sontag nach Sand Jacobs tag starb der durchleuchste Fürst, Herzog Rudolff von Ostereick der Vierd ze Mailand der het ein Gemahel, die war Kaiser Karl Tochter des Vierden genant Katherina, der obgenant Herzog Ruedolff hat her zu pracht die Graffschafft zuo Tirol der hat auch gestift den Probst und dy chor herren ze
Wien

Wien zu Sand Stephan, und hieb auch an
das neu pau ze Wien zuo Sand Stephan, und
ist daselbs pegraben.

En bone Lector, quàm hæc diversa sint à Lazio, ejusque sequacium opinione testimonia! non unius Autoris toties jam de errore convicti è cerebro, sed ex monumentis vetustissimis eruta atque deducta. Non hæc Rudolphum IV. paternæ pietatis æquè accepti ædificij instauratorem, sed Ecclesiæ Fundatorem, Autorémque statuunt. Non perfecisse, atque ad ultimam manum deduxisse turrim, sed construxisse Ecclesiam, non inchoatos à Parente erexisse fornices, sed novam inchoasse ædificij molem demonstrant. Et sufficere hæc fortassis properanti ad alia Lectori videbuntur, at non mihi, qui pluribus congestis testimonijs ad convellendam multorum opinionem tot jam annis, recentiorumque nonnullorum editis libris confirmatam opus esse censeui. Haslbachij itaque olim ad Divum Stephanum Canonici hac super re judicium, sententiámque adijciam, qui in Chron. Austr. M. S. accuratè à me in Biblioth. Cæs. perlecto lib. 3. fol. mihi 80. ita de Rudolpho scribit: *Ecclesiam denique præfadam (loquebatur autem prius de hoc ipso D. Stephani Templo) ferè à fundo diruit, & ipsam in septennio pretioso opere cum 2bus turribus à latere, quarum una jam sumptuosissimè completa cernitur, & alterius jacta sunt fundamenta, reedificare proposuit. Prout hæc & alia palam de se facturum esse differuit. Pro quibus Consummandis ex omnibus Provincijs famulos operarios accessit. Quorum omnium Magistrum tandem in Neuburga Clausurali comperit virum mira Industria in Architectonico opere, opibus inopem, sed ingenio clarum, cujus ingenium omnes Latomi ex imagine ipsius Ecclesia in suporem vertuntur &c.* Consentit huic & alter antiquus pariter Autor in eadem Bibliot. Cæs. asservatus, quem & Lambecius in Comment. suis de Bibl. lib. 2. cap. 5. pag. 88. addu-

adducit. Albertus scilicet Bonstetten, dum in hactenus inedita Historia Austriaca templi hujus mentionem frequentibus facit. Rudolphus Dux Austria Filius Alberti Ducis cognomine contracti, fundans Præposituram Wiennensem, Ecclesiam eandem ampliavit, & Mediolani sine liberis Anno M. CCC. LXV. obiit, ejusq. ossa apud S. Stephanum Vienna sepulta sunt. At pondus omnium gravissimum sententiæ meæ adijciunt Rudolphi ipsius literæ, quibus se inchoasse hanc novam templi fabricam aperte testatur. Omisissis brevioris causâ ceteris, earundem duntaxat initium ac finem fideliter reddo.

Wir Rudolff von Gottes Gnaden Phallenz
Erzherzog ze O. sterr. ze Steyr, und ze Kern-
den, Fürst ze Swaben, und ze Elsass, Herr
ze Krain, uf der Marich und ze Portnau, und
des heiligen Römischen Richs obrister Jeger-
meister, und Wir Cathrein von Beheim Toch-
tè des aller unüberwundnesten Herrn Carlen
Römischen Kayfers, und Kunges ze Beheim
Gemachel des iezgen unsers hêtzen lieben
Herzogen, Herzogin, Fürstin, und Frau der
obgenant landen, begern ze wizzen alle
Christi gelaubigen, gegenwärtige, und künf-
tige eweklich, die diesen Brief sechen, lesent,
oder hören lesen; Seind Wir nach erkant-
nuz billichei donkbeer die Pfarrkirchen dez
Sand Stephân ze Wien der lechen recht uns
angehört, ze witren an der grundvest ze gra-
ben, den ernstten Slag mit unser selbs henden
getan haben, auff den ainl. sten tag merzen
von Christi Geburt in dem neuen und funffzi-
sten

sten Jahr, und darnach dez selben Jares auf den sibenden tag in April den ernstestain der Grundvest mit ganzer begürd daselbs gelaite haben, da ze gegen gewesen ist mit grozz andacht und demuttekait alle Pfaphait und gemein unsr. Stat ze Wienn, und die gemein der Herren unsr. landen, &c. Finit verò præfatus Dux in hunc modum has literas suas.

Haben Wir disen brieff haizzen versign, der geben ist ze Wienn am nächsten Freitag vor Sand Margareten tag nach Xsti Geburt Dreutzezen hundert Jaren, darnach in dem neun und funfthisten jar, da die Indiction warn Zwelf unsers des egn. Herzog Rud. alters in den Zwainzthisten, und unsers gewaltcs in dem ersten jar.

Quis hic tanti Principis testimonio convictus non videt, Autorem primum tam sumptuosæ molis fuisse Rudolphum. Certè ad quid ad effodiendam, ut ipse fatetur terram manum ipse suam adhibuit? ad quid primum lapidem jecit? si nihil illi, nisi inchoata jam à Parente turris perficienda, injectique ædificio fornices altiùs educendi superfuerant? Ampliavit igitur hanc Divo Stephano Sacram ædem, id est, ut Haslbachius jam citatus insinuat veteri angustiori diruta, hanc tam magnificam, tam sumptuosam molem, quam hodie dum cernimus, vel erexit ipse, vel quod probabilius videtur magna jam sui parte à se constructam successoribus suis perficiendam reliquit.

TITULUS IV.

*De ijs, qui inchoatum à Rudolpho templi
hujus ædificium continuârunt, deque Ejusdem
forma, & magnitudine.*

A Rudolpho tanti laboris, quod moliebatur, opus ad ultimam manum perducere haud potuisse, tanquam veritati id magis congrueret, superiori titulo insinuaveram. Neque id mirum (ut opinor) rerum prudentibus videbitur, qui, quàm lenta manu promoveantur duratura non in unum seculum ædificia, vel suo usu, vel aliorum experimento didicere. Certè, cum ex ipsis Rudolphi literis paulò superius citatis manifestum sit: Annum Millesimum tercentesium quinquagesimum nonum & initi à se Principatûs, & cæptæ tam augustæ Fabricæ primum fuisse; Excessisse verò è vivis illum jam Anno Millesimo tercentesimo sexagesimo quinto referant melioris famæ scriptores omnes. Quis credat tam brevi sex annorum spatio, quod intercefferat, absolvi hanc ingentis molis, pretiûque structuram potuisse? Alij igitur in partem quoque tam præclari operis advocandi sunt: Sed & de his ipsis, qui fuerint, altum apud omnes silentium. Ita nimirum, vel nonnullorum incuriâ, quorum hæc aservare intererat, vel certè iniquitate temporum rerum harum memoria intercidit, ut post irritos conatus plurimos, susceptosque labores certi quod statuerem reperire omnino fuerit nihil. Quod si arbitrari licet, geminos Fratres Albertum, & Leopoldum, qui demortuo Rudolpho res Austriacas administrarunt, minimè pijs ejus conatibus, votisque defuisse censeo, quin Fraternalis pietatis exemplo excitati futurum deinceps Austriacæ Religionis monumentum hoc perenne, omni qua poterant, industriâ, voluntate, opibus promoverint. Reliquisse tamen & hos ipsos successoribus

bus suis partem aliquam insignis hujus, non minus operis, quam gloriæ in M. S. ad S. Stephani superius jam citatis reperio, quod & M. S. Tabularij Senatûs Civici confirmant. dum utraque memorant, gemina facella, quorum unum B. Virginis, duodecim Apostolorum alterum honoribus initiatum est, à Mathia Rege Hungariæ post occupatam Anno M. CGCC. LXXXV. Viennam, tum & à Friderico Imperatore hujus nominis tertio constructa fuisse. Adjecerunt successu temporis alij quoque ornamenta non pauca, dum in eam tandem Majestatem, formamque, qua hodiedum est Augusta hæc Basilica excrevit, quam accuratione summa descriptam hîc exhibeo.


Moles tota è quadratis exsurgit saxis ad regulam cæsis ac lævigatis, tantoque artificio, tamque arcto inter se nexu commissis, ut nihil ad speciem elegantius, neque ad plurium simul seculorum ferendam ætatem firmius hæc nostra exhibere tempora videantur. Tota illius longitudo in 57. orgiarum spatium protenditur, uti ex accuratissima delineatione, singulari benevolentia Perillustis Domini Hauer consulis modò dignissimi. atque mei insignis, dum hæc scriberem, fautoris, ad me transmissa advertere licuit, quam & ipsam hîc in minorem formam redactam exhibeo. Latitudo illius maxima, quâ turres geminæ à se invicem distant, orgias complectitur Viennenses propè 37. quâ verò per portam principem omniumque maximam ad ipsum templum aditus patet orgias 24. hanc tam insolitæ magnitudinis structuram afforis exornant veteri quidem labore, ad omnem tamen elegantiam è lapidibus artifice manu excisæ ferarum, monstrorumque variæ species; tum Divorum, Principumque frequentes imagines, eductusque vel Pyramidum in formam, vel in cuspidatos arcus Gothico more inflexus scalpri non invenustus labor ipsa antiquitatis suæ specie venerationem quandam, Majestatemque concilians. Atque nè præter decorem ad tanti operis quoque firmitatem
desi-

desideretur aliquid, totam molem complura undique fulcra, quæ Anterides, sive erismata ab Architectonicis vocantur, continent, nec illa quidem rudi labore constructa, sed varijs sculpturæ artificijs discriminata, donec ultra tecti crepidinem haud modicùm protensa, in curiculæ non inelegantis formam desinunt.

Hoc ita insigniter instructum ædificium, quod in 13. orgiarum ac $\frac{1}{2}$ pedis altitudinem è pleno assurgit, è lapide affabrè elaborata undique ambulacra coronant, inter quæ geminum nec angustum minùs tectum eminet. Primum quod à Principe templi porta versus majorem turrin protenditur altitudine sua orgias 17. pedes 3. & $\frac{1}{2}$ Viennenses continet. Alterum, quod versus Aram summam reliquæ fabricæ parti incumbit altitudinem suam orgijs 11. & pede uno desinit. Primum à Rudolpho IV. Templi hujus Autore. alterum à Friderico Imperatore hujus nominis 3tio impostum esse è M. S. ad S. Stephani asservatis reperio; utrumque dignum suo Principe opus, & præcipuè primum, quod hamatis, ut, dicere solemus, instructum tegulis, illisque vario colore, rubro scilicet, viridi, atque albo pictis, vitriatisque, jucundum sanè intuentium oculis, incidentibùs maximè solis radijs spectaculum præbet. Ad hoc Cochlea (scalæ Cochlides ab alijs fors dici solent) præclari operis atque in 134. gradus distincta educit, à qua dein per sex distinctas scalas ad summitatem tecti ascensus est. In minori huiusque contiguo tecto unica quidem scala reperitur, sed quæ omnium faciliè per Austriam maxima creditur à pluribus, 50. enim transversis lignis, seu tot gradibus, quorum quodlibet majoris, veterisque Geometrici pedis distantia ab alio sejungitur, viam ad supremum tecti ambitum præbet. Nè verò tanta moles tot tignis variè connexis ac compaginis plena, indefensa ab incendiis sæpiùs enascentium periculo relinqueretur, providà curâ 18. per diversas gemini hujus tecti partes vasa cuprea disposita cernuntur, tantæ magnitudinis,

ut 293. facile aquæ urnas capiant. Affervari præterea sub hoc tecto Aquilam audio, 3. propè pedibus altam, quæ, ut testatur D. Doctor Paulus de Sorbait in Catalogo Rectorum Viennensium Anno 1670. à setypis vulgato, internè rotatili opere, atque ad horologii artificium composito à quodam Joanne Marbig inlustrata, ex turri hujus templi dirigente artifice ad portam usque cœmeterij Rudolpho secundo obviam volavit, cum is Anno 1575. in Regem Romanorum electus, coronatusque Ratisbonæ esset, ac dein solenni in hanc urbem pompâ inductus sacram D. Stephani ædem subiret. Verùm prætermisiss his inlustratæque jam satis & tecti ipsius. & externæ fabricæ insigni formâ, ad interiorem quoque sacræ hujus Basilicæ structuram accuratius describendam accedo. Spectandas se se offerunt primùm subeuntium oculis per medium templi bino ordine collocatæ quadrangulares pilæ, in ingentem altitudinem assurgentes, è solido lapide omnes, Divorùmque pluribus statuis, iminentibusque desuper Gothico labore constructis turriculis exornatæ. His innituntur altissimi fornices, qui arcu suo 14. orgias & 4. pedes in medio facile complectuntur. Vitium isti ætate ac pondere suo tandem fecerant, propèque ruinas minabantur, quare Anno 1574. decussis illis novo sumptu alij induci sunt à Georgio Schueler, & Joanne Saphoy, hoc Templi hujus tunc ædili, latomo altero. Non dissimilis quidem à prioribus formæ, firmiores tamen, atque ad seculorum etiam ferendam ætatem apti. Nec lateralibus etiam muris ornamenta sua desunt, undique nempe columnis, parte tantùm sui aliqua prominentibus (parietinas Architectonicæ periti vocant) instructi sunt, quæ & situ ipso, & Imaginum, Capitaliarum Epistyliorumque elegantia majoribus pilis in medio erectis apprimè respondent. Pari scalpri artificio ad summum decorem, & chorus maximus, qui è solido lapide constructus Principi Templi portæ vastissima mole imminet, & lapidea Cathedra tertiæ ab
ingres-

ea
al-
in
y-
gij
u-
um
it,
o-
nc
bi-
&
te-
ra-
nt
no
em
ro-
ni-
n-
pe-
ate
ni-
m-
Sa-
ro.
ta-
oti.
nn.
ro-
nt)
te-
in
rti-
qui
va-
ab
ef-



ingressu pilæ innitens exornantur. Pavimentum præterea totum rubri, albique marmoris tabulæ eleganter conternunt, fenestræ quoque altissimæ more veteri pictis è vitro tabulis, historias sacras, profanasque exhibent, quæ dum obscuritatem quidem aliquam Templo conciliant, sacram tamen simul antiquitatis venerationem pio populo affundunt. Atque hæc de structura ipsa dicta sufficiant, plura siquidem recensendi Augustæ hujus Basilicæ ornamenta subsequi dein tituli materiam præbebunt.

1. Princeps Templi porta, vulgo Gigantea dicta.
2. Gradus ad Chorum maximum.
3. Loca asservandæ ceræ destinata.
4. Sacellum commune.
5. Locus Baptismi.
6. Sacellum Crucifixi.
7. Porta Cantorum dicta.
8. Sepulchrum Nidardi.
9. Porta Sacristiæ.
10. Cathedra.
11. Sacristia magna.
12. Gradus ad Oratorium Episcopale.
13. Gradus ad Sacristiam superiorem.
14. Ingressus ad turrim majorem.
15. Turris maxima.
16. Sacellum S. Catharinæ.
17. Ingressus turris imperfectæ.
18. Turris imperfecta.
19. Sacellum S. Barbaræ.
20. Gradus ad Organum minus.
21. Gradus ad Organum maximum.
22. Gradus ad Oratorium Cæsareum.
23. Gradus ad Chorum Musicorum.
24. Columnæ quibus innititur Oratorium Cæsareum.
25. Columnæ quibus innititur Chorus Musicorum.
26. Ascensus ad Campanam maximam in turri imperfecta.
27. Ha-

27. Habitatio illius , cui Curaturreum commissa est.
28. Ascensus ad turrim maximam.
29. Sepulchrum Imperatoris Friderici III.
30. Ara Magna Crucifixi.
31. Ara Magna B. Virginis.
32. Ara summa Templi.
33. Thesaurarium Sacrum.
34. Sacristia Episcopalis.
35. Puncta per modum lineæ ad muros Principales ducta indicant spatium , quo isti à fundamenti , substructionumque latitudine contrahuntur & recedunt.
36. Cæmeterium.
37. Vespilonis habitatio.
38. Columna in Cæmeterio erecta.

TITULUS V.

De Turri Maxima S. Stephani.

Turrim hanc per Europam omnem, si non altitudine, firmitate certè sua reliquis præstantem à Rudolpho IV. Anno 1359. unà cum Templi hujus fabrica inchoatam esse, abundè, ut opinor, titulo 3tiò ex Haslbachij, aliorumque testimonijs ibidem citatis ostensum est: quibus geminus Recentium nonnullorum Autorum error facile refellitur, qui vel jacta illius initia ab Alberto III. vel à Rudolpho quidem, sed jam Anno 1344. fuisse, referunt, quo tempore Rudolphus vix quintum ætatis annum exegit, ut ex literis ipsius Archi-Ducis titulo 3. à me adductis manifestum est. Artifices, structorésque molis hujus binos reperio à scriptoribus recenseri, nempe Georgium Hauser, & Antonium Pilgraben, verum cui ex his cæpti operis, cui ad apicem perducti gloria debeatur, discors planè eorum mens est, atque opinio. Ego, ut sincerè fatear, duplici ratione adductus, primum, qui manum tanto operi

operi admovit Georgium Hauser statuerem, tum quòd M. S. ad S. Stephani Antonium Pilgraben Anno 1400. turrim hanc ad verticem perduxisse memorent, tum, quia geminam turris hujus delineationem antiquæ membranæ inscriptam in Tabulario Senatus Civici reperiam, quarum una planum, frontem altera, ultra medium eductæ accuratè exhibet. illisque nomen Georgij Hauser adjectum hisce signis G. $\frac{1}{2}$ H. conspexerim: Quod quidem conjecturam facit, primicium Auctoris, non postremi laborem esse; credibile namque vix videtur, imperfectæ ac parum ultra medium eductæ turris frontem eum descripturum, ac omisso suo alterius Artificis insignem structuram exhibiturum fuisse, si manum ipse ultimam eidem imposuisset. Ob stare tamen videtur Haslbachij antiqui scriptoris Autoritas, qui primum Templi ac turris hujus Architectum ex Neunburga Claustrali (ut verbis illius superius citatis utar) advocatum à Rudolpho asserit; cùm Autores alij hunc Georgium Hauser de Freyberg, alij ex Friburgo dicant. Occurri quidem & huic difficultati sine negotio posset, quid enim pronius, quàm ut idem Friburgensis audiat, quòd ibidem in lucem hanc natus sit, & Claustro Neoburgi Viennam advocatus dicatur, qui mutato Patriæ solo per annos fortassis aliquos ibidem artificij, laborisque exercendi causâ est moratus. Quin imò, quàm facilè accidere potuit, ut hujus Georgij Hauser nomen à scriptoribus cum illius Gregorij Hauser confunderetur, cujus Cuspinianus in Austria sua pag. 66. meminit, quiq; Templi ejusdem ædilis fuit, atque circa annum Domini 1519. vixit, ut sequentibus articulis fusiùs exhibebitur. Verùm rem hanc omnem iudicio potiùs Lectorum permittere placuit, quàm pro verò id affirmare, quod certis omnino indicijis deprehendere hætenus non licuit. Nec illud mirum videri debet, duos à nobis tanti tamque laboriosi operis Architectos statui, exigere id me-

ritò potuit insignis adeò molis arduisque laboris fabrica per 40. & amplius annos continuata, quam nempe Anno 1359. Rudolphus IV. inchoavit. Albertus III. summo templi fastigio æquavit, Albertus IV. Anno 1400. ad apicem summum, finemque perduxit. Celeriter profectò operarum manu, si ab æquis Lectoribus & annorum, & laboris tam difficilis simul ratio ineatur. Nihil, ut de immensis sumptibus ad promovendam tantam, tamque insolitam structuram necessarijs, tempore, ut tunc fuerat, pecuniariæ plurimum rei egente dicam, quos tantos fuisse Bosniensium olim Legati teste Ænea Sylvio æstimârunt, *ut pluris turrim hanc constituisse dicerent, quam Regnum Bosnia vendari possit.* Sed non unius Viennæ sumptibus hoc opus stetit, contulère ad ædificium non exiguam pecuniæ summam Provinciæ. quarum supra turris hujus portam affixa etiamnum in lignia hæc videntur: Scilicet Austriæ utriusque, quarum inferiorem unam, alteram supra Anisi fluvij ripas positam dicimus, Styriæ dein, ac Archi-Ducum Austriæ Gentilitia arma. Promovit quoque eximium laborem temporum eorum fertilitas, atque facile rerum omnium pretium. Non enim in dies Latomis nisi 5. asses seu nummi minimi. Operis verò ceteris tres duntaxat pendebantur, quo factum, ut moles hæc ita celeriter exurgeret, ad quam moderno tempore ne Regij quidem sumptus sufficerent. Exhibui eam accuratè in præfixa libello imagine. Hic ejusdem altitudinem, & si quæ alia memoranda veniunt, quæ sculptoris manu effingi non poterant subnecto.

Altitudinem hujus turris descriptam reperio à Guispiniano in Austria sua fol. 66. his verbis: *In altitudine à terra usque ad coronam, qua circuitur ducentos pedes, & aliquot juxta mensuram, ut Calcei sive pedes secundum lapideis mensurantur ac à Mathematicis: à Corona autem usque ad summam cacuminis, ducentos calceos aut pedes, & decem, quod in summa facit quadringentos & octua-*

octuaginta calceos , ut sepe , qui ascendit , & descendit infi-
 gnis lapicida hujus Templi Architectus Magister Gregorius
 Hauser ex Friburgo mensuravit. Superat hanc turrin
 in altitudine turris Argentinensis octo & decem pedes cir-
 citer. Verum quia hæc ipsa descriptio magna sui par-
 te manca , & obscura est ; aliam meliorem subnecto ,
 quam Nicolaus Reszytko ex Silesia oriundus 14. Sep-
 tembr. Anno 1686. cum depositâ stellâ crucem impo-
 neret accuratè confecit. Habetur hæc in M.S. Germani-
 cis ad S. Stephani è quibus excerpfi ut sequitur : à
 summitate Crucis usque ad Globum , seu nodum de au-
 ratum pedes 7. globus hic ipse in partes novem seu
 tot folia , quorum singula latitudine sua pedem 1.
 & $\frac{1}{2}$ explent , dividitur , altusque est pedes 5. latus to-
 tidem , diciturque octo faciliè metretas tritici , aut sex
 vini urnas capere. Rursus ab hoc usque ad rosam pe-
 des 6. $\frac{1}{2}$ mensurantur , crassitudine sua hæc rosa 3. fa-
 ciliè & $\frac{1}{2}$. pedes æquat. Foliorum in extremos cuspides
 desinentium distantia est pedum 14. prostântque à tur-
 ris ædificio reliquo anguli isti pedibus 3. pollicibus
 5. totus verò rosæ hujus ambitus 58. pedes complecti-
 tur. Ita ut in qualibet quadrati huius parte commodè
 sedere possint 4. viri atque ita universum homines se-
 decim. Hinc à Rosa ipsa ad prostantiam coronæ pe-
 des numerantur 4. Corona verò ipsa in angulos 8. di-
 visa , pedes singulis suis partibus 4. universum 32. ab-
 solvit. Reliqua turris hujus moles pedibus omnino
 ad terram usque 422. faciliè absolvitur , atque ita uni-
 versa machina pedibus à plano usque ad Crucis ipsius
 summitatem 447 $\frac{1}{2}$. orgijs verò 74. cum 3. & $\frac{1}{2}$. pede ;
 dempta verò crucis hujus altitudine orgijs 73. & am-
 pliùs constat. Tanta , tamque insignis structura 4. ingentibus
 pilis seu columnis innititur , totaque quadratis
 surgit è lapidibus , quorum quilibet alteri ferreis 5. un-
 cis artissimè connectitur. Exornant eam undique fe-
 rarum facies , Divorum , aliorumque imagines , pyra-
 midatæ turriculæ , arcus rosas suis , lemniscisque di-
 stincti ,

finiti, veterisque sculpturæ artificia varia, quæ hodieum Architectonicæ peritissimis quibusque admirationem movent, stuporémque incutiunt. Nec illud prætereundum: Opus hoc totum per tot sculpturæ labores, usque ad summum ferè apicem & ventis esse, & luci pervium: ex quo fieri existimo, quòd pacatò aliàs, tranquillòque etiam cælo templi hujus vicinam regionem frequentiores ventorum turbines impetant: commotior namque cùm in edito semper aura sit, postquam ea superiùs per turris hujus angustiores aditus recepta semel, atque conclusa est, majori dein vi in subiecta undique ædium testâ patentî inferiùs viâ, exitùque prorumpit. Multa tamen & ab his ipsiis ventorum, tempestatùmque injurijs firmissima ut ut ceteroquin hæc fabrica perpessa est, accedentibûs maxime crebrioribus terræ succussionibus fulminùmque non rarò in eam igne, impetùque sæviante, ita ut apex culménque ipsum, quod jam mole sua laboraverat, periculosam templo vicinisque ædibus ruinam minaretur. Non defuit tamen præclara artificum industria, quæ tanto malo maturè occurrit, ut Guspianus in Austria sua fol. 66. his verbis recenset: *Minabatur hæc turris ruinam; nam apex cacuminis se se flebat ictus fulmine sapius. Et licet multi Magistri accerserentur, ut consulerent, quo pacto subveniretur tanto malo, nullus tamen repertus est ex tot Architectis, qui accerserantur, qui tale ingenium invenirent, quale Leonardus Hauser ex valde Circo olim Maximiliani venator, & Capitaneus peditum nobilis, qui unâ cum Gregorio Hauser prædicto lapicida & Architecto templi turrim scandentes, secto lapide in particulas, cacumen absque omni periculo demiserunt, & partem post partem sine jaciura templi S. Stephani in terram demiserunt, & absque periculo; & id quidem paucis diebus. Lapidida hujus templi paulatim lapides turris tempestate & igne combustos rescuerunt, & paucis annis in eam faciem, ut olim fuit, readificaverunt. Præcipuus autem labor erat in rectificando longo & quadrato ferramento,*
quod

quod cacumen ferebat: sed & illud sine periculo per ignem in turri ipsa est ad æquilibrium rectificatum idque in XII. annos circiter. Magnus hercule labor & incredibilis. Confirmat id ipsum Tabula ahenea turris apici paulò infra nodum affixa; quam Leopoldus I piæ memoriæ Imperator Augustissimus, cum nova Crux in depositæ stellæ locum erigeretur, deponi atque sibi exhiberi voluit, mōxque iterum in priorem locum restitui. Scripturam illa sequentem scalpro incisam continet.

Anno Domini 1514. Mense Majo Imp. Cæs. Maximiliano Augusto Austriæ Archi-Duce adficiente, Senatūque Viennensi Curante huic turri Coronis ruinæ metu, summā industriā dempta, ipsāque pyramide, qua deficiebat, relectā Anno demum 1519. Mense Julio reposita est, ad cujus 4tum Calendas in Maximiliani locum, qui pridie Idus Januarij ejusdem Anni decesserat, Carolus Hyspaniarum Rex Catholicus legitima electione Rom. Imperij fastigium conscendit, orbi, ac cum Fratre Ferdinando Austriæ Imperans feliciter, &c.

Hans Dyring Gofs mich.

Verū non ita reparari ea tunc damna poterant, ut non hæc turris vitium rursus post aliquot annos faceret: Uti Ortelius in Chron. suo Hungarico ad annum 1590. testatur. Tanto impetu nempe 5. Septembr. anni ejusdem terra succussa est, ut præter ingentia damna Bohemiæ, Moraviæque illata, Viennæ ædes complures motu suo everterit, turrīque S. Stephani propē in ruinam, flexis non nihil ferramentis, quæ apicem sustinent, inclinaverit. Hinc rursus Architectorum in ea emendanda plurimū industria desudavit, quorum consilio ingentis molis nodus ē lapide excisus, nè sæpius

pius deinceps pondere suo cetero ædificio obficeret, magna ex parte dejectus, illique è cupro affabrè elaboratus alter, auróque inductus, ut hodieum videtur, circumdatus est. Paulò infra ejusdem turris summum apicem ceruorum uno alteróve in loco cornua prostant, in signum, ut creditur, quòd ante constructam hanc urbem, non nisi ferarum lustra, paucáque venatorum mapalia hic loci extiterint. Per reliquam verò superiorem partem, ubi in octogonum tota machina coit, sculpturæ artificio elaborati nodi complures undique apparent, qui 4. circiter inter se pedum intervallo distant, à reliqua verò fabrica pedibùs prominent 3. sequitur hinc in descensu ambulacrum per modum coronæ totam inferiorem structuram ambiens, quod 12. ingentes, affabrèque elaboratæ pyramides, harum verò quamlibet impositus ex orichalcho, auróque inductus nodus exornat. Infra has horologium cernitur, per omnes 4. turris partes diei horas indicans, suamque ob solam magnitudinem memoratu dignissimum. Tabulæ exteriores altæ sunt pedes 12. pollices 5. latæ vero pedes 11. pollices 3. Index longitudine sua 6. pedes explet, cor verò in quod desinit, cujusque cuspis horas exhibet, pedes 2. & pollices 6. latitudine verò pedes duos; altera rursus indicis pars, seu luna transversa altitudine sua pedem 1. pollices 6. latitudine pedem 1. conficit. Horarum denique numeri ipsi tanti sunt, ut quilibet 2. facillè pedes adæquet. Plurimis annis sine omni horologio hanc turrin fuisse, certum est, at quo anno hoc tandem constructum, turrique impositum sit, id omnino dubium ob diversos quos adscriptos invenio numeros scilicet 1580. & 1632. è quibus priorem numerum Anni illius credo, quo primum factum, secundum verò numerum illius anni, quo rursus reparatum est, tempore nempe Danielis Moser tunc temporis Consulis Viennensis, cujus nomen unâ cum adjecto Anno 1632. arcæ illi inscriptum video, quæ interioris horologii artificium claudit.

dit. Infra hoc horologium versus eum locum, quem vulgò Stock am eisen dicimus Tabula videtur alia lapidea, arma gentilitia Austriacorum referens: Proxima verò huic tabulæ fenestra est, supra quam tectulum hamatis tegulis obductum prominet, hoc loco memorandum, quòd altissimum tectum tota hac in urbe Viennensi esse dicatur. Nè verò in tam sumptuoso ædificio conservando debita cura desideretur duo perpetuò in ea vigilantes excubant, quorum habitationi duo horologio subiecta cubacula cum culina deserviunt, adiectum quoque ijs vestibulum est, in quo advenæ, alique, qui turrim conscendunt, conorum seu pyramidum ut vulgò dicimus, lusu recreare se solent. Custodibus his incumbit, sæpius de die turrim circumire, atque vigilare, ne vitium structura faciat damnumque patiatur. Noctu denique per horæ quadrantes Singulos in vigilantie signum vocem ex turri jubentur edere, gravi statuta pœnâ, si alicujus negligentie id culpâ omittatur. Si verò in urbe reliqua incendium suboriatur, dato ære campano ad convocandum populum signo de die vexillum, noctu lucernam cum ardenti candela in eam urbis regionem exponunt, in quam ignis, flammæque desæviunt. Turri quoque huic, ut ab incendij periculis cautum sit, in tertio, quem sustinet, fornice 4. cuprea ingentia vasa sunt posita, quæ universim 48. faciliè aquæ urnas continent. Plura de tam miro opere recensere præfixa brevitates vetat, illud unum adijciendum censeo, eos, quibus conscendendi turris curiosus est animus, per 553. primum gradus è lapide non ineleganter excisos, dein per sex scalas ligneas, quæ universim gradus rursus 200. efficiunt ad eum usque locum, quousque via accessusque patet deduci: Ubi in memoriam plurimi nomina sua inscribere consueverunt.

TITULUS VI.

De Stella, Cruce, ac Aquila turri imposita, tum & de Campanis, quae ibidem visuntur.

EJusdem turris è summo vertice, è quo Romanæ hodie & Religionis, & Imperij signa victricia eminent, paucis ab hinc annis Barbaræ gentis tristissimum fidus, implexa scilicet ingentis stellæ radijs Ottomantica luna refulsit. Fama est Solimanum II. Turcarum Sultanum, cum ingenti exercitu hanc urbem nostram Anno 1529. quamvis incassum obsideret, id in sui memoriam petiisse, ut turri, cui ob magnitudinem suam, singularisque artificij pretium, insolitâ Barbaris aliâs indulgentiâ pepercerat, gentis suæ insignia ad Provinciarum nostrarum terrorem ignominiamque imponerentur. Verum cum neque ex inscriptionibus huic ipsi stellæ incisis minimum, quod ad firmandam hanc opinionem faceret, indicium deprehendatur, neque hæc ipsa insignia ante annum 1591. turri imposita fuisse constet, quo tempore Solimani jam dudum propè memoria metusque interijt; dubia meritò ac suspecta videri hæc fama potest. Ut ut nihil ominus fuerit, non tulit Leopoldi I. Cæsaris pientissimi religio, ut in orbis Christiani propugnaculo fortissimo, Cæsariumque Austriacorum Principe urbe fœdissimæ sectæ infamia diutius signa fulgerent. Liberatâ namque rursus Anno 1683. Viennâ, quam Primus Turcarum Vilirius Mustapha Carâ arctissima obsidione cinxerat, pulsisque inde à Joanne III. Polonorum Rege, atque à Carolo V. Lotharingiæ Duce Cæsarei exercitûs Archistratego fortissimo, ducentis & ampliùs hostium millibus, cum triumphabundus Cæsar urbem hanc primum, tum & Divi Stephani ædem victor ipso festo exaltatâ Crucis die subiret, ut de obtenta tam insigni victoriâ Deo grates persolveret; ab Emerico urbis hujus Episcopo

de concepto jam Lincij voto admonitus: Jussit, ut deturbatâ lunâ Crucis sanctissimæ trophæum turris in apice statueretur. Obtullere se quidem ad tam difficilem laborem suscipiendum non pauci, sed qui periculi metum majoris, quàm par erat, atque exhaustum tanto bello Cæsaris ærarium ferre poterat, æstimantes admissi non fuerant, perficiendæque rei negotium tam diu dilatum est, donec tandem in Silesia artifex insignis Nicolaus Reszko ætatis suæ annum jam propè quinquagesimum ætatem emensus repertus est, qui post pactum 1000. florenorum præmium Anno tandem 1686. 12. die Julij turrim exterius per 10. scalas ligneas, quarum singulas humeris ipse suis per inferiores funibus jam firmatas gestabat, ad Rosam usque feliciter conscendit, nullo alio laboris admissio socio præter duos filios, quorum unus 21. alter 19. ætatis annum agebat. 15. ejusdem mensis die, ubi manè ultimam scalam, quæ supra turris supremum globum longè eminebat, firmasset, lignaque crexisset ad stellam deponendam opportuna, à meridie vexillo ex nigro flavesciente instructus unâ cum duobus suis filiis rursus turrim conscendit velocitatēque summa stellam cum luna ex illius vertice ad subjectam rosam demisit, è qua dein circa horam 7^{am} in Templum atque hinc in domum Comitis Leopoldi de Kollonitsch delata, sequentique luce Cæsari Leopoldo ac populo frequenter exhibita fuerat. Stella hæc orichalcho non ineleganter elaborata, multoque auro inducta desinit in 8. cuspidēs seu radios, quorum è centro singuli in pedis unius & 10. pollicum longitudinem protenduntur, distantque inter se pede uno, pollicibus 3. altitudo totius stellæ 3. pedibus, pollicibus 8. definitur. Stellam hanc à medijs duobus radijs luna ambit semicirculo suo 6. pedes $7\frac{1}{2}$. pollices absolvens. Fulcrum cui stella innititur à turris globo ipso usque ad stellæ partem extimam erigebatur in pedem unum, & pollices 4. ut tota igitur stellæ hujus, quæ è turri eminebat, altitudo 5. pedes

5. pedes complecteretur ; ponderabat verò unâ cum dicto pede seu fulcro libras 95. Delata subinde hæc stella est ad Martinum Lerch Chalcographum , à quo lunæ incisa manus est inter priores duos digitos pollicem arctè comprimens cum adjecta hac Syngraphe : Hæc Solimane memoria tua , uti hodiedum eam videre est in Armamentario Civico , in quo asservatur. Pedem Crucis duo ambiebant circuli pariter ex aurichalcho : In primo ac superiore hæc incisa legebantur. Dum spiro, spero. Valentius Sebaldt, in medio hujus annuli scutum est leonis currentis speciem exhibens, cum adjecto numero Anni 1591. quo nempe stella hæc turri imposita fuerat. Inferior annulus hæc refert. Wolff Eglauer. Spes mea Xtus ætatis 24. Anno 91. 31. Julij. Hoc tam arduo in demenda luna peracto labore , tota comitis Leopoldi de Kollonitsch paulò post in purpuratorum Ecclesiæ Principum senatum ab Innocentio XI. adlecti cura studiùmque in illud incumbibat , ut celeri manu destinatæ crucis opus perficeretur ; quod & eodem adhuc Anno Joannes Adamus Posch artifex absolvit , auro verò induxit Emanuel Pauhoff. In turris denique supremo fastigio locavit idem , qui lunam deposuit Nicolaus Resfytko 14. scilicet Septembr. ipso exaltatæ Crucis festa in luce. Crux tota è cupro in earum formam quas Hispanicas vulgò dicimus elaborata est.

Altitudo dempto fulcro ac basi cui insistit in pedes exsurrexit 5. latitudo verò in medium pedem distendebatur ; transversæ crucis pars superior pedes tres inferior totidem cum 5. pollicibus complectebatur. Fulcrum verò reliquam molem ferens in pedes 2. erectum est , ut tota Crucis altitudo in 7. omnino pedes excreverit. Inscripta illi fuisse sequentia invenio, nempe Crucis ipsius vertici. J. N. R. J. 4. transversarum linearum angulis verò has 4. voces ; In hoc Si-

gno

gno vines. Interpositis in medio IHS. & MRA.
 nominibus. Hinc rursus usque ad Crucis basim se-
 quentes duæ inscriptiones legebantur : Nempe à de-
 xteris : Luna deposita, & Crux exaltata
 Anno (quo capta est Buda à Christianis)
 M. DC. LXXXVI. ad lævam verò : Vienna à
 Turcis obsessa die 14. Julij Anno 1683. & 12.
 7bris regnante Imperatore Leopoldo I. libe-
 rata : Ex altera parte in Crucis apice, lateraliūque
 partium angulis hæc chalcographi manus verba in-
 scripsit : In te domine speravi non confundar
 in æternum. Inde verò ad Crucis finem geminæ
 inscriptiones aliæ videbantur, scilicet à dextris : LV-
 næ LoCò AVgVsto Cæsare Leopoldo si-
 gno CrVClis VICtæ, atqVe eX tVrrI san-
 Ccl stephanI 15. IVLII posItæ CrVX Ista ere-
 Cta & eXaLtata est. Ad sinistram verò. Con-
 sVLe sImone stephano sChVester, ConsI-
 Llarlo, & InCLItO senatV CIVItatIs VI-
 ennensIs. Fulcrum quoque Crucis hujus geminis
 annulis cingebatur, in quorum primo sequens inscri-
 ptio : Defendit Civitatem contra Turcas Anno
 M. DC. LXXXIII. Excellentissimus Dominus
 Ernestus Rudiger Comes à Starenberg Genera-
 lis Campi Marefchallus, & Commendans Vi-
 ennæ. Ex benigno Mandato Cæsareo & Cu-
 ra Illustrissimi Domini Leopoldi Comitis à Kol-
 lonitsch Episcopi Jaurinensis, qui obsidioni in-
 terfuit, turri huic Crux imposita.

Stetit hæc sacra moles 2000. propè florenis, ponde-
 rabatque 81½ libras, cum pede verò seu basi juncta

III. & mediam. At verò ipso hoc tam grandi pondere suo, firmitatique, quæ ventis, omnem in partem ingruentibus obluçtabatur, ruinam suam præmatu-ram debuit; post tres enim menses à die, quo turri im-poneretur, ingens eam rursus turbo die 14. Decem-bris ejusdem Anni demolitus est. Hinc varius multo-rum labor, Studiũque fuit, ut eam rursus in formam Crux aptaretur, qua in omnem partem cedere facilis ventorum impetus eluderet. Sed præceteris omni-bus ea Leopoldo Cæsari aptissima visa est, quam D. Ferdinandus Philippus à Radeck, ejusdem Consilia-rius, templique eo tempore præfectus invenit. Bici-pitem ea Aquilam refert nativo suo colore pictam, nisi quòd alarum pennas aurum discriminet, inque pecto-re ea insigne Austriacum rubro, albòque colore distin-ctum exhibeat, cui Leopoldi I. nomen hisce notis au-reis L. I. inscriptum est. Unguibus illa hinc Imperij Sceptrum, inde ferrum gestat. Corpore verò reliquo assurgentem inter geminos vertices Crucem haud prio-ri dissimilem sustinet. Elaborata machina hæc est So-lido è cupro è montanis huc urbibus adveçto ab Artifi-ce Francisco Georgio Scheidler. Inscriptiones verò, quas priori Cruci insertas fuisse superius meminimus, easdem & huic Scalprò incidit Martinus Lerch chæco-graphus, paucis duntaxat immutatis, quæ subnecto. In trunco scilicet inferiori Crucis expressa hæc sunt. Luna deposita & Crux exaltata, Anno, quo ca-pta est Buda à Xstianis 1686. Aquila verò ad-dita Anno 1687. In gladio verò, quem unguibus Aquila stringit sequentia leguntur: Defendit Civi-tatem hanc contra Turcas Anno 1683. Excel-lentissimus Dominus Ernestus Rudiger Comes à Starenberg Generalis Campi Mareßchallus & Commendans Viennæ ex benigno Mandato.

Cæsa-

Cæsareo, & Cura Eminentissimi, ac Reverendissimi Domini S. R. E. Cardinalis Leopoldi à Kolloniz Episcopi Jaurinensis qui obsidioni interfuit, turri huic Aquila cum Cruce imposita est. Sceptrum hæc insculpta verba exhibet.

Lunæ locò ab Augusto Cæsare Leopoldo Signo Crucis victæ atque ex turri S. Stephani 15. Julij positæ Crux ista erecta est, & exaltata sub Consule Simone Stephano Schuester Consiliario, & Inclito Civitatis Viennensis Senatu. Præfecto verò hujus Cathedralis Ecclesiæ Ferdinando Philippo à Radeck Cæsaris Consiliario, inventore, in Vigilia OO. SS. erecta est, ab Augustissimo Cæsare Leopoldo Primo prius approbata. Crux hæc unâ cùm Aquila altitudine sua 6. pedes & digitos 7. pondere verò 120 libras facile æquat. In turre apice eam statuit Georgius Kuchler Latomus Socio Michaële Kholl : Postquam pedem ipsum, seu fulcrum, quod deturbatâ à turbine Cruce priori multum incurvatum fuerat, in ipsa turri, ope Fabri ferrarij ignibus emollitum magno labore ad novum pondus ferendum adaptârunt. Atque hæc de stella, Crucibusque geminis turri impositis dicta hæcenus sufficiant.

Ad præclarum nempe illud turre ornamentum calamus properat, quod voce sua ac lingua perpetuis de in temporibus Turris hujus gloriam divulgabit. Æs nempe illud Campanum intelligo, quod ex machinis bellicis, æneisque ut vocamus fistulis Turcæ per tot bella ereptis gloriosæ memoriæ Imperator Augustissimus Josephus Primus constari, turrique imponi huic voluit. Seu altitudinem illius spectes, seu latitudinem 10. ultra pedes non nihil extenditur, ambitûque

toto seu circulo pedes 32. involuit præter digitos duos, quâ verò linguæ ipsius crebris istibus in vocem, sonumque animatur, crassitudo illius 9½. digitos facile æquat, ponderatque tota 354. Centenarios, lingua verò (quæ 11. pedes & ½. longa est) Centenarios 13. libras 28. tignum quoque è quo pendet, quodque cum ære hoc ipso movetur Centenarios 64. Ferrum autem, tum quod in circulos actum tignum ferendo tanto oneri destinatum ambit, tum quod ad impellendam æneam hanc machinam quatuor in locis ad pedes 10. protenditur, Centenarios 82. libras propè totidem conficit, ita ut universim hujus machinæ pondus, quæ inter tigna firmissima utrimque erecta à 12. facile hominibus movetur, Centenarios 524. cum libris 61. adæquet. Uti verò magnitudine sua, ita & laboris artificio, elegantiaque ceteras facile per Europam Campanas omnes plurimum superat. Imagines Divorum, scuta atque insignia, inscriptiones itidem in tres partes divisas exhibet. Et imò quidem. Divi Josephi Imaginem tres pedes & duos digitos altam, nubibusque insistentem, inter quas Genij Mechanica diversa instrumenta gestantes apparent. Infra hanc scutum eleganter elaboratum cernitur gemina Bohemiæ, atque Hungariæ insignia referens cum subiecta hac inscriptione.

JOSEPHUS.

Rom. Imp. Semper Augustus.

Æream hanc molem

Munificentia suæ magnitudine

Haud indignam,

Ut

Ob tot tantasque Victorias

Ad gratias Numini secum agendas

Subiectos populos

Gran-

Grandi Sonitu excitaret,

Fieri

Albertinæque Turris

Ad Singulare decus

Isthuc attolli iussit.

2do loco posita sine labe conceptam exhibet Virginem duodecim stellarum Coronâ Caput incinctam, quæ orbi insistens, pedibus subiectum serpentis Caput victoriæ in signum conerit. Subiectum & huic scutum perelegans Cæsaris, atque hæreditariarum Provinciarum insignia refert, cum addita quoque sequenti Inscriptione.

Deiparæ

Sine Originali labe conceptæ,

Josephi

Dei in terris Nutritij,

Leopoldi

Divi Marchionis,

Triadis Austriæ tutelarîs

Sanctissimis, maximisque nominibus

Victricem tempestatum, fulminumq; Machinam

Solenni ritu

Insignivit, Sacravit

Franciscus Ferdinandus ex Baron.

De Rumel S. R. I. Princeps

Episcopus Viennensis.

3tia paris magnitudinis ac formæ imago Divum Leopoldum Austriæ Marchionem refert, nubibus innixum, quas inter 5. Austriacæ alaudæ volitant. In subiecto scuto Austriacum insigne visitur, adjectaque ad lævam inscriptio :

C 3

Æræ

Æræ Xstianæ
 M. DCC. XI. Anno,
 Quo Austriæ
 Locum tenentem egit
 Ferdinandus Carolus Comes à Welz.
 Consulis,
 Joannes Franciscus Benighoffer.
 Æris Civici Custodis,
 Joannes Sebastianus Höpffner à Brant.
 Ædilis munus egit,
 Georgius Altschaffer.

Ori verò vastissimo Campani æris hujus, quod corona affabrè elaborata ambit inscripta sunt sequentia. Sævientis in Viennam Anno M. DC. LXXXIII. Duosque post menses inde per Carolum Lotharingiæ Ducem, & foederatos Principes Xstianos profligatæ Turciæ Captivum fulminantium Machinarum æs in grande hoc Divini cultûs instrumentum ter ccxx. ad plurium libr. Fusoria arte feliciter mutavit Joannes Achamer Cæsareæ Rei tormentariæ fusor.

Proximum huic alterum quoque æs Campanum turri isti appensum est, quo exorto in urbe incendio Civibus signum datur, ut imminenti occurrant periculo, vulgò die Raths Glocken dicitur, eò quòd per illud post festum trium Regum, ac Sanctorum omnium Ferijs finitis Senatui rursus cogendo signum edatur. Diebus quoque singulis & quidem in æstate media 7mâ hyeme verò horâ septimâ resonat in memoriam circa illud tempus Cæsareum advenisse exercitum, qui à Turcica obsidione urbem hanc Augustis sub Leopoldi Primi Auspicij, ductu verò Lotharingiæ Ducis libera-
 vit.

vit. Idem & in Templo hoc Cathedrale populum Dominicis festisque diebus ad concionem, & ad lytanias, quoties ad erectum sanctissimæ Triadi Colossum habentur, convocat, ut ob cessantem pestiferam luem, quæ Anno 1679. urbem hanc miserè depasta est, Deo Trino & uni gratias, precésque persolvat. Superiori illius circulo hæc verba inscripta reperio. In nomine Patris, & Filij, & Spiritus Sancti. addito anno, quo fustum, atque conflatum est, scilicet 1453.

3tia Campana multò major est, eaque signum datur ad comitandum Venerabile Sacramentum si illud fors ad infirmos deferatur. Inscriptum illi superiùs est nomen artificis his verbis: Georgius Arnoldt von Wienn goß mich Anno Domini 1613. In medio exhibet imaginem S. Magdalenæ, cui sequens inscriptio subiecta est: Thomas Ring Burger des außern Raths und Verwalter der Löbl. Fronleichnamts Bruederschafft, hab ich und mein liebe Haus-Frau Magdalena dise Glocken giesßen lassen zur Begleitung des hochwürdigen Sacrament.

4ta Campana à piæ memoriæ Episcopo Rumel Fundata est, ut signum ad preces pro agonizantibus fundendas Civibus detur. Concessis etiam à summo Pontifice 40. dierum indulgentijs, ijs omnib9, qui edito hoc signo pro morientium salute Deum fuerint deprecati.

Ultima demùm notissima est, quam vulgò Brein-glökl dicimus desumpto, ut aliqui volunt, nomine à morbo qui Medicis inflamatio linguæ dicitur, qui aliquando per urbem hanc vehementer grassabatur: vel certè ut melior fert aliorum opinio, quòd hác à Rudolpho IV. Fundatâ signum Canonicis ad primam, horasque ceteras dari consueverit; quod dein in vernaculum Sermonem mutatum abusu quodam locò Primglökl Brein-glökl simplicioribus dictum est. Pul-

satur hæc quotidie per duas horas. Manè quidem in æstate à 3. usque ad 4. hyeme verò à 4. ad 5. à meridie verò integrâ horâ, antequam Vesperæ à Canonici decantentur. Tàm crebro pulsu atque ipsa ætate Campana hæc tandem rupta fuerat, quare Anno 1675. rursus transfundi debuit, addita gemina illi imagine Crucifixi & B. Virginis.

TITULUS. VII.

De Turri altera Imperfecta.

TURRIS hæc, quemadmodum priori neque de laboris elegantiâ, neque de structuræ artificio concedit; ita illius molem, altitudinẽque multis quoque orgijs transcensura fuisset, si pari arte, qua à primo artifice cæptum fuerat, continuare opus hoc tàm insigne, ceteri, qui in laborem successerant, Archi-recti, latiusque potuissent. Indicium hujus faciunt substructionum moles, atque super hanc ipsameducta reliqua miræ amplitudinis fabrica, quæ alterius Turris fundamenta, basimque haud parum excedunt. Mirum sanè ædificium & cum veteris orbis miraculis vel hoc ipso comparandum, quòd tam ferax ingeniorum ætas, ut nostra modò sunt tempora, nullum hætenus tantæ peritiæ artificem dederit, qui inchoatum laborem proficui, & ad summam perducere manum auderet. Autor illius quinam fuerit? quòve Anno vel Archi-recto construi cæpta? dubium omnino, atque incertum est, in ea maximè scriptorum in alias & alias opiniones discedentium varietate, quorum singuli propè aliter atque pro libitu & Scribunt, & sentiunt. Reddam hic, quæ Cuspinianus de Turri hac meminit. *Veniamus ad alteram novam turrem huic vicinam (nempe maximæ & jam perfectæ) cujus fundamentum fuit locatum sicut à Senioribus fide dignis accepi (Nam nullam occasionem inquirendi à singulis obmisi, omnes insuper annales*

nale diligentissimè evolvens quidem , ut posteritati servi-
rem & studiosis omnibus.) Ita igitur à majoribus accepi,
hujus fundamenta turris bis jacta esse : Primum Anno
M.CCCC.XLIII. sed Episcopus Pathavensis & Archi-te-
llus Ecclesiæ, ea occuluit iterum contecta ac Cooperta ali-
quot annis. Tandem à Nato JESU M.CCCC.L. denuo po-
situm ad hoc fundamentum in die S. Hyppoliti decimo ter-
tio mensis Augusti à Venerabili Patre Domino Simone Pra-
posito Neuburgæ Clausralis, & Joanne Puchspaum lapicida
& Archi-recto templi. Eo anno creverunt tam acerba, &
imatura vina, ut plerique cives effunderent in plateas pu-
blicas; quod nemo illa bibere posset præ acerbitate, quæ
vulgò & Patriâ linguâ dicebantur Reiffbeisser, quasi dicas:
à pruina, antequam maturescerent, adusta. Ignari &
indocti quasi circulos valorum adurerent ac consumerent.
Reiffbeisser cognominabant falsò. Tum Fridericus III. Rex
Romanorum vetuit gravi edicto, ne ita profunderent vinu:
Sed, si quis nollet bibere, ad cameterium S. Stephani ducè-
ret, ut hinc Calx Vini posset extingui, & fundamentum
rectè locari. Tum discoopertum fuit denuo vetus funda-
mentum, & novum camentum ex vino inductum: Quo
si completo crevit jam altera turris in hanc quam vides cel-
itudinem, cum notis numerorum inscriptis, quantum sin-
gulis annis fuit edificatum. Ex quibus manifestum est,
eum jacta turris hujus prima fundamenta ad Annum
1444. inde verò assurgentis operis reliqui inchoatam
fabricam ad Annum 1450. ad Friderici III. nimirum
tempora referre, quem & recentiorum multorum opi-
nio atque sententia sequitur. Sunt & alij non pauci,
qui posita illius fundamenta sub Alberto V. Anno
1412. affirmant. Verùm oblistere his omnibus Hasl-
bachij autoritas videtur in Chron. suo Austr. pag. 80.
cujus verba prout accuratè in Bibl. Cæsar. à me excer-
pta sunt, hic reddo: Ecclesiam denique præfatam ferè à
fundo diruit (de Rudolpho IV. loquitur) & ipsam in
septennio pretioso opere cum duabus turribus à latere, qua-
rum una jam sumptuosissimè completa cernitur, & alte-

rius jacta sunt fundamenta, readificare proposuit; prout hac, & alia palam de se facturum esse differuit: Pro quibus consummandis ex omnibus Provinciis famulos operarios accersivit, quorum omnium Magistrum tandem in Neunburga Claustrali comperit, virum mira industria in Architectonico opere, opibus inopem, sed ingenio clarum, ob cuius ingenium omnes latomi ex imagine ipsius Ecclesiae in stuporem vertuntur, ut cogantur profiteri, se non scire ipsius primi Magistri ingenij subtilitatem in operis deductione comprehendere. Hinc & quidam in hac arte periti & diebus nostris famosi in structura turris praefata ita deviarunt, quod omnia, quae pluribus annis sumptuose in ea structa sunt, vice versa ad id, ubi primus reliquerat, amota sunt Anno Domini 1407. prout ipse oculis conspexi. Tunc enim & Magistri Ecclesiae Joannis Kauffman relatione cognovi, quod non sit lapis dolatus in turri praefata, quin constet pretio & labore ducatum, aut florenum Ungariae, quodque praefata turris usque ad tunc constiterit ultra quadraginta quatuor millia florenorum. Quis hic non videt de Imperfecta hac turri Haslbachio Sermone esse? Nam major jam Anno 1400. ad supremum apicem deducta, neque aliorum artificum manum, operamque desiderabat, nec demi aliquid ex constructa mole ob laboris vitium postulabat. Quod si igitur jam Anno 1407. & jacta illius fundamenta, & altius supra ipsius substructiones educam fabricam oculis se suis conspexisse fatetur Haslbachius Autor fide dignissimus, satis eos erroris convictos censeo, qui nullius coevi scriptoris Testimonio adducto prima illius initia vel ad Annum 1412. vel cum Cuspiniano ad 1444. referunt. Quin imò & veritati ipsi, & Haslbachij verbis convenientius longè me scripturum censeo, si cum ipso templo à Rudolpho IV. inchoato utriusque turris fundamenta posita fuisse statuam, quarum utramque imperfectam primus Archi-ectus praemature feto labori immortalis reliquit, et si altera ab Antonio Pilgraben multis postea annis ad supremam tandem manum perdu-

perducta sit. Et certè ut alia desint argumenta omnia, confirmare hanc opinionem meam abundè videtur mens ipsa Fundatoris Rudolphi, qui, cum gemina turri ad Magnificentiam summam exornare inchoatum à se templum statuerit, certè non unius tantum turris, sed utriusque cum templo ipso fundamenta jecerit. Accedit tum par propè in utraque laboris artificisque species, tum & totius fabricæ symetria, ac ratio, quæ non complures primò post annos reliquo templo hanc turrim fuisse additam, sed cum cetero eam ædificio consurrexisse demonstrant. Iisdem Haslbachij è verbis & alter non levis error, quo quidem nihil hodie dum vulgatum magis, plebsque persuasum est, facile refellitur: dum scilicet Joannem Buchsbaumb Turris hujus primum fuisse Archi-tectum volunt, cujus fortassis ipso è nomine fabula altera originem quoque suam traxerit, qua creditur, invidiâ. Magistri illius, qui majorem turrim construxerat, asseres adeò mala fraude in ruinam illi clam positas fuisse, ut fabricam conscendentis vestigium fefellerint, è quo infelici lapsu dein proruens è vivis excessit. Nam si Haslbachius jam Anno 1407. oculis suis turrim hanc conspexit ultra substructiones exsurgentem, quæ fieri potuit, ut Joannes Puchsbaumb primam omnium ad hoc opus manum admoveret, aut astu Magistri ab ædificio à se inchoato deturbaretur? Quam ad manus habeam literas antiquissimas è Tabulario Senatûs Civici mihi traditas, quibus Senatus Civicus Anno primò 1446. in prioris ad S. Stephanum Archi-tecti demortui locum, hunc eundem Joannem Buchsbaumb certis quibusdam legibus, pactisque suscepit. Initium earundem de verbo ad verbum subjungo.

Anno Domini M. cccc. xlvi. An Sanndt Matheus abend Maister Hanns Puxspaumb hat sich verschrieben von wegen des Paus das Sanndt Stephan gegen den Rat, der Statt zuo Wienn,

Wienn, und den Kirchmaister da selbs Simon Pötl, Die In zuo ainen Paumaister der Kirch daselbs haben aufgenommen, von erst, daser in soll geben ein ganze Visirung, und die ingewandung des paus, und gewelben des Tomhaus, der Kirchen, und was daran zu pauen ist. Er soll auch fleisch sein, und denen mit treuen und gantzen vleiss obligen, und an Wissen und Urlaub davon nicht ziehen, &c.

In reliquis leges, quibus teneatur, privilegia quoque quibus gaudeat, referuntur. Denique in his literis omnibus nullibi de turri, sed de Templo tantum ipso, ac de Domo ut vocant capitulari fit mentio, ad quorum ædificia vel continuanda, vel reparanda suscipiebatur. Et verò quis fide dignum censeat Antonium Pilgraben, qui per tot annorum labores majoris turris operi tam molesto coronidem imposuit Anno 1400. non dico eo adhuc, quo Joannes Puchsbaumb in Templi Architectum assumptus est, vixisse tempore Anno nempe 1446. sed tantorum annorum (si fors etiam vixisse putetur) senecionem, turrim conscendisse, asseres in Successoris atque aliquando Discipuli sui præcipitum malis artibus disposuisse, ea maximè jam ætate, qua neque invidere traditos alteri labores potuit, neque si voluisset, fractæ jam tanto senio vires id concessissent. Quid, quòd ne unquam ad D. Stephani Templum, nisi Architectus unus, ædilisque fuerit, qualem hunc Joannem Puchsbaumb, cum ex citatis jam literis fuisse apertum sit, ostendant ij, qui contrarium sentiunt, quo vitio, quæve ratione (si etiamnum superstes fuit alterius turris artifex) muneri is suo exciderit? aut qui opinionem suam defendant, qua Joannem Puchsbaumb in arte hac etiamnum tyronem, Discipulum, Juve-

Juvenem delapsum ex inchoato à se ædificio volunt ? certè non tyrones ac pueri tantis administrandis laboribus adhibentur, neque ut præsent tot operis alijs, Senatûs totius consensu jubentur. Aniles igitur has esse fabulas judico à prudentioribus omnibus ex merito deridendas. Ceterum invenio quidem in M. S. aliquo ex Tabular. Senatûs Civici mihi tradito Anno Domini M. CCXC. L. hanc turrim inchoatam solennitate quâ potuit maxima, cui inter ceteros interfuisse Joannem Abbatem ad S. Crucem, Petrum Abbatem Liliampienssem, Simonem Præpositum Claustro-Neoburgensem, Nicolaum Præpositum ad S. Dorotheam ingenti Nobilium Comitatu stipatos lego, jactôsque illius primos lapides à dicto Joanne Puchsbaum tanquam primo Archi-recto fuisse invenio. Verùm quia neque Character ipse antiquitatis ullius indicium exhibet, neque id ipsum cum antiquioribus paulò superius à me recensitis Autoribus convenit, qui multis antea annis jam turris hujus posita fundamenta, atque excrecentem altius molem conspexisse se fatentur, meritò id tanquam supposititium à me rejici debuisse benevolus, prudensque Lector censebit. Accedit, quòd & erronea alia, ac planè incredibilia huic scripto inserta sint, nam & fundamenta ipsa è solido lapide super ipsam terræ superficiem, ne ejecta quidem, vel ad digiti unius spatium humo locata fuisse, inibi recensentur, tantâque celeritate substructionum molem exsurrexisse, ut vix 6. hebdomadarum spatio labor improbus durârit. Quæ quidem, quàm nullam fidem mereantur, Archi-recturæ periti, qui ingentem hanc machinam aliquando conspexerunt, ad quam ferendam jacta etiam fundamenta fortissima, vix suffectura credi possent, judicabunt. Rejctis his aliorum opinionibus, rursus ad Turris hujus ædificium redeo, quam in 25. orgiarum altitudinem excrevisse videmus, ingentibus non modò impendijs, sumptibusque, sed & duorum pænè seculorum labore. Demortuo enim primo illius artifi-

cè,

ce, tentatus dein à varijs labor fuerat, sed semper in cassum, dum scilicet quæ multis annis structa sunt, ob Archi-*te*ctorum Imperitiam demi rursus debuerunt, ut Haslbachius superius citatus oculis se suis vidisse testatur. Exhibet certè Turre hæc ipsa, eà, quæ Episcopalem Aulam respicit, parte, diversorum annorum inscriptos sibi numeros; nempe Anni 1499. 1502. & 1507. qui indicare videntur, iisdem quoque Annis perficiendæ illius fabricæ non parum studij, laborisque, etsi successu vix meliori, impensum fuisse. Est præterea multorum opinio, cæmentum ad turris hujus constructionem vino paratum fuisse: Inter quos & Guspianus superius à me citatus. Verùm cum id ipsum prædictus scriptor ad Friderici ipsius tempora referat: Satis manifestum est, vel turris hujus fundamenta, quam pluribus jam ante Friderici susceptum regimen annis erigi cæptam superius ostendi, vino non potuisse construi, aut factum si illud est, certè ad Rudolphi IV. tempora potius referendum fuisse, nisi fors Guspianus per fundamenti novi locationem vellet intelligi continuationem laboris jam altius, erecti, multisque annis interrupti, ad quem denuò promovendum, aquæ locò, acidum illud vinum cæmento parando permixtum sit. Et verò negari non potest Fridericum III. conatum omnem, curamque eò convertisse, ut præclara turris hujus fabrica perficeretur: adhibiti ab illo ad opus hoc insigne promovendum artifices quique peritissimi; nullis sumptibus, laborique paratum est: At ne ijs quidem proficientibus, cum educi ulterius moles haud posse videretur Cupulam (ut hodie vulgo dicimus) imponi desperato jam labore Fridericus hic ipse imperfectæ etiamnum fabricæ voluit, ad quam obducendam 10000. libras cupri donasse dicitur. Steterat hæc annis compluribus donec Anno 1579. Archi-*te*cto Gasparo Savoy demptâ illâ, nova intra turris hujus imperfectam molem è lateribus Turricula consurrexerit, cui rursus tectum cupro obductum additum,

illi.

illique aquila, in omnem partem à vento agi facilis, imposita est, uti Tabula cuprea infra aquilam turriculæ hujus apici affixa exhibet, quam eodem Anno, scilicet 1686. quo majorem turrim conscendit, Nicolaus Rossytko, cum aquila deposuit, ut hæc injurijs temporum non nihil violata repararetur, illa verò rerum curiosos edoceret, quo tempore turricula ista reliquo ædificio inducæ fuerit, legebanturque in ea scalpro incisa sequentia.

Michael * Schwingenkessel * von * Lan-
sparg * Burger * und * Kupfferschmiedt * in *
Wienn * hat * den * Thurn * deckt * und *
den * Knopff * darauf * gemacht * in * M. D.
LXXIX. * Jahr *

Hac ipsa in turricula pendet æs Campanum alterum majus, minimè mole sua contemnendum; Centenarios enim pondere suo facilè 202. libræque 50. æquat. Fusum illud primò Anno 1472. à Felice Fabiano, Centenarios tum ponderabat 160. at, vitium tandem postquam crebro diuturnoque fecisset usu, in novam hanc molem addito novo metallo redactum est. Lingua illius, qua ad edendum sonum repetitis ictibus sollicitatur 650. libras facilè conficit, varijs præterea vel imaginibus sanctorum, vel inscriptionibus instructum cernitur. Una parte se se Sanctorum Apostolorum Petri & Pauli, tum & D. Proto-Martyris Stephani effigies offerunt, adjecta hac inscriptione: Urban. Weiss me fudit. Altera verò parte Christi Cruci suffixi simulacrum adstantibus utrimque & Virgine Matre, & Discipulorum Charissimo Joanne. Superiori aris hujus circulo inscripta lego sequentia:

Anno à nato Salvatore Domino nostro J. C.
M. D. LVIII. Imperante feliciter Domino nostro Ferdinando Imo. Rom. Imp. Cæs. Augustis.
Infe-

Inferiori verò parte, qua latissimè diffunditur hanc quam subijcio Inscriptionem continet: Senatus, Populusque Viennensis hanc Campanam reficiendam curavit, Georgio Prandtstettero Consule, Hilderico Heger Templi Curatore. Æs Campanum isthoc D. Joannis Baptistæ honoribus ab Episcopo Gurcensri, Patrini verò, ut vocant, munere fungente Georgio Eder S. C. M. Consiliario institutum est, atque à puella 10. circiter annorum artificio à Mathematicis instrumento sine laboris fatigio attractum; Cujus totam, quo concluditur amplissimi Circuli, circumferentiam hodieum videre est penes Aulam, ut dicimus, Ratisbonensem lateribus coctis publica urbis in via descriptam. Resonat grande æs istud in supplicationibus plerumque publicis, festisque per annum diebus singulari vel Dei, vel Sanctorum cultui, venerationisque institutis, in funerum item Nobiliorum elatione, atque sabbati diebus singulis, dum post meridem à media 4ta ad 4tam horam usque ad Lytanas coram Mariano Colosso in foro urbis maximo vulgò Hoff dicto decantandas, populùmque cogendum Signum editur.

Sunt & præterea geminæ aliæ turres ad Principem Templi Portam quadrato è lapide exsurgentes quas cum prima Templi hujus antiquissimi fabrica ab Henrico I. Austriæ Duce erectas fuisse M. S. ad S. Stephani à me reperta memorant, neque illud incredibile; nam & rudior, multùmque reliquæ structuræ dissimilis labor, antiquioris eas temporis opus esse facile intuentib9 suadebit: Quin imò cohærere id optimè videtur cum Haslbachij verbis superius titulo 3tio à me citatis, Quibus Rudolphum dictam hanc Ecclesiam ferè è fundo diruisse innuit, novàmque construxisse. Quæ voces: *ferè è fundo diruit* indicare videntur, non totum ædificium vetus illud à Rudolpho IV. eversum, sed maximam tantùm illius partem; relictis tamen quibusdam

busdam veteris structuræ quasi vestigijs , ac præcipuè
binis his turribus , quibus demoliendis ob laboris præ-
stantiam novus Fundator pepercit. Confirmat hanc
opinionem etiam Freherus titulo item 2. à me citatus
ad Annum 1295. his verbis : *Circa nativitatem B. Vir-
ginis tantus fuit ventus , ut Crucem de sinistra Turri ad
S. Stephanum Ecclesiæ Parochialis deijceret.* Quibus ver-
bis manifestè duabus turribus antiquam hanc ædem Sa-
cræ instructam fuisse asserit : At hæc hodie dum super-
stites novam quoque Ecclesiæ frontem haud parum
exornant. Altitudine sua testî ipsius summitatem
haud multum transcendunt , à cujus apice in cuspides
è quadro lapide coeunt , ambulacris suis coronatæ ,
nodisque undique prominentibus , scalprique artificio
è lapide excisis ornatæ. E vertice harum turrium ge-
minæ statuæ tres ferme pedes altæ , aurorque inductæ
atque à vento in omnem faciliè partem agiles eminent,
quarum una Divi Stephani , S. Laurentij altera Imagi-
nem elegantem exhibet. Sed & ære quoque Campa-
no eoque multiplici instructæ sunt , cujus concentu
amoenissimo sæpius per annum resonant. Illa qui-
dem quæ Cantorum proximè domum respicit , duas
Campanas numerat , quarum prima mole sua commen-
data vulgò die Zwelfferin , aliàs etiam Campana
Principum dicitur. Inscriptum huic lego fuisse se-
quentia : *Salve sancta facies JESU Xsti.* Item
*O quàm gratissima & afflictissima fuisti Benedi-
cta Mater Unigeniti.* Circulo verò suo verba hæc
complectebatur.

Æs hac Campana nunquam denuncio vana
Bellum vel festum , flammam vel funus ho-
nestum

Nomine me fudit Conradus ab Urbe Monaco
Anno Domini M. CC. LXXIX.

Æs hoc, postquam ducentos, & viginti aliquot annos durâset, crebro tandem usu destructum reparari, ac de novo fundi debuit, ut sequens inscriptio illi addita exhibet.

Ducentos vixi resonans, annosque Viginti
Ante meos ortus, quàm rumperet omnia
Sorbens

Mors: reparata Radislaus Cognomine Rathzo
Vivo iterum genitus veteri ceu Semine
Phoenix

Anno Xsti M. D. IX. Maximiliano Cæsare
Archiduce Austriæ regnante.

Campana altera, quæ huic tum vicina pendebat, vulgôque Nova dicebatur, Anno 1681. rupta pariter fuerat, atque in ipsa turri (cùm tota oh loci angustias demi sine ingenti labore non potuerit) in frusta comminuta, & è fenestris in terram dejecta est. Inscriptiões, quas tum continebat, has reperi. Georg Wenning hat mich gegossen ihm Jahr nach Christi Geburt 1619. benè Morientium Gloria. Exhibebat quoque in medio B. Virginis Coronatæ, item aliam illius Fuerulum JESUM in ulnis brachiisque tenentis, ac tertio Divi Proto-Martyris Stephani Imagines, inferius verò hæc verba videbantur: In Nomine JESU Omne genu flectatur Cælestium, terrestrium, & infernorum, & omnis lingua confiteatur, quia Dominus JESUS Christus in Gloria est Dei Patris. Reparatam tandem invenio Anno 1681. 21. Novembr. ac tandem post trium dierum ingentes labores, perfractosque muros loco suo redditam. Libras ponderat 8410. verbaque fusoria arte expressa superiori suo in Circulo refert sequentia. In dem

dem Namen der allerheiligsten Dreifaltigkeit, und der Muetter Gottes Mariæ bin ich durchs Feyr und hiz geflossen, Balthaser Gerold in Wienn hat mich gegossen. Infra hanc scripturam Imaginem cernere est SS. Trinitatis adjectis his verbis: Gottes Wort bleibt ewig. In alijs verò partibus duabus effigies B. Virgînis ac S. Stephani templi hujus Patroni. Exhibentur præterea varia insignia, gentilitia scilicet arma Consulis, qui eo tempore fuerat Andreas de Liebenberg. Item supremi urbis hujus Ædilis, cum adjecta superius Epigraphe. Victus post funera durat. Inferius verò sequentibus literis subscriptis. S. S. S. O. S. C. Quas interpretor significare: Simon Stephanus Schuester, obrister Statt Camerer. Ac denique insigne Ferdinandi de Radegg, qui tunc temporis Ecclesiæ Præfectus fuerat.

Turris altera, priorique vicina Campanas continet quatuor, quarum prima communiter die gnandt dicitur, in cujus superiore parte hæ literæ se se legentibus offerunt D. O. M. E. Infra quas circulus æs totum campanum ambiens hanc inscriptionem exhibet: M. D. LII. Mense Martio Imperante feliciter Rom. Hung. Bohæmiæque Rege Ferdinando. Huic rursus subjecta est scriptura altera in hunc sensum. S. P. Viennensis hanc Campanam vetustate corruptam refecit Christophoro Heyden Consule ph. & J. U. D. In hoc ære non nisi unica imago atque ea quidem Christi Cruci suffixi cernitur addito Anni 1552. numero, sequentique inscriptione. Mit Gottes Gnadt, Urban Weiß hat mich gossen. Proxima huic est vulgò Feyerir nuncupata, cui inserta sunt sequentia verba ita vetustate ipsa detri-

detrita, ut legi vix possint. Laudo Deum verum. plebem voco, Colligo Clerum &c. Imaginem præterea refert D. Stephani atque Anni, quo fusa est, numerum scilicet 1457.

Tertiâ est, ut hodie dum vocatur die Bier Gloken cui nihil, præter hos vernaculi Sermonis versus, inscriptum est, scilicet Michael Doppler hat mich gegossen, In namen JESU Christi bin ich geflossen Anno 1546. Campana hæc pulsatur quotidie Vesperis, & quidem à Festa S. Georgij luce usque ad diem Divi Michaelis Archangeli honoribus sacrum ab hora 9. vespertina; hinc verò rursus ad Festum S. Georgij usque ab hora 8. per quadrantem integrum, quo pulsu Signum datur, ut cauponariæ Domus omnes occludantur.

Quarta demum, atque ultima vernaculo Sermonem das Chor-Glökl dicta, eò. quòd hujus sono Canonici ad decantandum Divinum officium ad Cathedralē hanc Ecclesiam convocentur. Universim Templum hoc 13. Campanas numerat partim magnitudine ac mole, partim antiquitate sua commendatas.

TITULUS VIII.

Quo tempore Ecclesia hæc honoribus S. Stephani initiata sit, & quando ab omnibus Sanctis nomen acceperit.

REm hic aggredior, quæ, ut ut primo fortassis intuitu levis, atque exigui esse momenti habeatur, eò, quòd jam iudicio, opinionibusque populi ac scriptorum propè quot quot Ecclesiæ hujus meminerunt omnium, Sententijs decisa, firmatæque fuerit, plurimum nihil ominis ea mihi laboris, difficultatisque adferre visa est, quòd ea ratione scribendum de ea mihi forte

forte intelligerem, ut vel antiquissimis documentis, quæ in manus meas pervenerant, repugnare, vel torrenti Autorum oblucri sit necesse. Quid enim vulgatum, ac quotidianis propè Sermonibustritum; quid Autorum, Scriptorumve in libris commendatum magis, quàm templum hoc ab Henrico primo Austriæ Duce Omnium sanctorum honoribus erectum, dicatùmque fuisse? Quo nomine per duo etiam dein secula potitum id esse videntur, donec mutato priori, nomen, titulùmque D. Stephani Episcoporum Passaviensium Autoritate suscepit. In hanc Sententiam locutus videtur Lazius lib. 2. Comment. de Rebus Viennens. cap. 3. fol. 59. cuius hic verba reddo: *Et demum sub Annum Salutis nostræ M.C. XLIV. cum Henricus primus Dux Austria omnibus Sanctis in Fabianis adomposuisset, à Reimberto tum Bataviensi Episcopo consecratam Parochi primi in Fabianis, qua jam prima syllaba detracta Wienna & Biana nuncupabatur constitui capti sunt.* Qui subjungit paucas post lineas. *Pollio quispiam ultimus Parochus Wiennensis in omnium Sanctorum templo, quod jam a Bataviensis Diœcesis Patrono D. Stephani nomen adscripserat.* Secuti sunt Lazij opinionem scriptores ferè omnes, inter quos & Fuggerus p. 1. pag. 318. qui ab Henrico primo Austriæ Duce Anno 1157. templum hoc omnium Sanctorum cultui, venerationique erectum, Anno verò 1340 prima Dominica post Pascha ab Alberto Passaviensi Episcopo D. Proto-Martyri Stephano consecratum fuisse refert. Eadem planè recenset Autor Chronici Mellicens. editi Anno 1702. Neque ego à communi hac, atque iam dudum in populo recepta opinione recederem, si citati Autores vel unum ex antiquis scriptis, literisve testimonium adducerent, quorum me tamen plurima in contrariam abire Sententiam cogunt. Quid dico testimonium? Asserti modò fui rationem unam adjungerent, quæ veritatis speciem præferret, qua scilicet occasione, quæve de causa Nomen hoc antiquo templo immutatum sit, aut qui-

bus rationibus persuasus Albertus Episcopus Divi Stephani illud cultui, honoribusque post tot annos dicarit? Cuiusque consecrari Anno rursus 1340. paucis scilicet annis, priusquam illud Rudolphus IV. demolitus est, inque novam amplioremque formam redegit, de novo oportuerit? horum omnium cum nihil referant, non vitio mihi dabitur ab æquo Lectore, si prohibitu illos potius, quam ex vero isthæc scripsisse dixerò. Accedit, quod & in Anno ipso, quo Divi Stephani venerationi consecratum illud affirmant hallucinati esse videantur. Quis enim (ut citati ultimo loco à me Autores volunt) fieri potuit, ut ab Alberto Patavienſi Episcopo Anni 1340. consecraretur? cum Anno 1362. Godefridus de Weissenec primùm & Episcopatu simul, & vita decesserit, cui eodem Anno Albertus iste in Episcopalem dignitatem successit, ut videre est apud Hundium in metropol. sua Salisburgensi de Episcop. Patav. pag. 144. Scio quidem suspectæ à multis fidei Hundium haberi, quòd Patavienſibus Episcopis multùm affingat, plurimùm Salisburgensibus tribuat, cujus etiam causâ graviter accusatur à Scriptore Patavienſi in opere suo cui titulus. *Genuina Informatio Historica pro nativa exemptione Ecclesie Laureaco-Patavienſis contra recens Scriptum, cui titulus Informatio Historica.* Volvi, revolvi hoc ipsum opusculum: Reprehendi falsitatis in aliis Hundium reperi sæpiùs, at in serie ac successione Episcoporum, ut quidem advertere licuit, nunquam. Quod omisſurus profectò Scriptor hic Patavienſis minimè fuisset, si & in hac à vero aberaſſe Hundium deprehendiſſet. Viderint igitur præfati Autores, qui sententiam suam adversus Hundium tueantur, quo certè in recensenda Episcoporum Patavienſium serie meliorem, sinceriorè inveni neminem. Ego ut liberè. quod sentio, dicam, templo huic ab Anno 1147. quo primùm à Reimberto Patavienſi Episcopo dicatum est, nomen semper S. Stephani fuiſſe affirmo. Nec OO, SS. honoribus

ibus initiatum esse, nisi eo tempore quo à Rudolpho IV. Archi. Duce in hanc Sacram amplissimamque Basilicam destructa priori fabrica est erectum. Movent me ad id asserendum M. S. plurima; eaque antiquissima à me inspecta & excerpta; literæ itidem, ac cœvorum etiam Scriptorum testimonia, in quibus omnibus ante Annum 1359. nullo alio Ecclesiam hanc nomine compellari, quam S. Stephani lego, inde verò confusâ, ita per complures annos illius fuisse nomina, ut jam ad S. Stephani eadem, eadem ad OO. SS. promiscuè diceretur. Testimonia hæc ipsa subjungo: Ottocharus Horneck Autor Synchronus in Histor. sua Austr. M. S. à me in Bibliot. Cæsar. inspecta refert, Anno 1278. Rudolphum primum Cæsarem post cæsum Ottocharum Bohemiæ Regem Viennam venisse, seque ad grates Deo persolvendas in Templum S. Stephani contulisse, verba illius inter cetera hæc sunt jam superius à me titulo 2. citata.

So er so emphangen wart
König Ruedolff an der Vart
Dero gros meng Volck dan
In das Münster S. Stephan
Ist geweicht zu ehren
Da dangt er unsern Herrn.

Nec dissimile est, quod in literis Alberti Ducis Austriæ reperi, quibus privilegia amplissima Senatui Civibusque Viennensibus concessit, quarum Originale in Tabular. Senatûs Civici inspexi ipse, atque sequentia manu mea excerpti. Initium harum literarum sequentis est tenoris:

Wir Albert von Gottes Gnaden Herzog ze Oestereich, und ze Steyr. Herr zuo Krain, der Marich, und zuo Portenau, allen dan die nun lebent, und hernach sint ewiglich. Wan

die gemaine unser lieben gethreuen Reichen und armen der Burger ze Wienn mit rechten threuen und ganzer Stettigkeit ihr herrschafft, Fürsten, Herzogen, zuo forderist unsern Herrn und unser Vattern König Ruedolffen dem Röm. König. und auch uns unterthänig ist gewesen &c. Omitto hic brevitatis causa paucas lineas, privilegia plura urbi concessa exprimentes, post quas subiungit præfatus Dux.

Seidt das von alters Gewonheit der Fürsten von Oestereich also herkommen ist, das wir die Schuell von Wienn verleichen solten. doch wollen wir, und bestätten das festiglich zuo ein sonderlichen Gnaden den Bürgern und den Rath von der Statt, die Schnell ze Wienn fürbas ewiglich zu verleichen. Wann sie allen nuz und ehr in der Statt schaffen sollen; So sollen sie auch ihren Kindern einen Schuellmaister schaffen, das sie nuz und ehr haben an Künst, und an ehren, sie in allen besten finden und haben mögen, als sie umb ihrer Freind kunfftige lehrjunge Gott andworten sollen, ob von der säumige ihr keiner misrath. Wier wollen auch die lehr, gemächlich beruehen, davon die Weisheit gekindet wird der Christenheit, und das ungelehrt alter von Kindheit wird geweisert, und gelehrt, so geben Wier vollen Gewalt dem Schuellmaister zuo *S. Stephan der Pharkirchen* der von dem Rath der Statt da wird gelezet zuo Schuellmaister, ande-

re Schuell zuo stiftten in der Statt, und doch,
das sie ehrlich und gewonlich seynd. Alle die
Schuell die in der Statt seynd, die sollen dem
selbem Meister unterthänig seyn mit Zins und
mit Zucht, une kunfftlicher bewahrenheit.
*Repetit in iisdem literis hoc ipsum S. Stephani nomen
Dux præfatus, tandèmq; literas suas finit sequentibus
verbis.*

Diser Brieff ist geben ze Wienn mit Maister
Ottten handt von Mödling unsern obristen
Schreibers, da von Christus Geburt waren
tausend Jahr, zwey hundert Jahr in dem 96.
Jahr an dem ersten Sontag in der Fasten da
man singt Ambt. *Invocavit.* *Vides hìc optime
Lector Anno jam 1278. ab Ottockaro Horneck, atque
ab Alberto Duce in literis suis urbi huic senatuique
Anno 1296. datis, templo huic nomen S. Stephani tri-
bui. At videant quoque contrariæ opinionis vel Au-
tores, vel Affectæ, quì sententiam suam ab errore ven-
dicent? Non nisi Anno 1340. Divi Stephani cultui ab
Alberto Episcopo templum hoc initiatum fuisse, atque
constanter omnium Sanctorum priùs gessisse nomen,
titulùmque volunt: Quì ergo Ottokarus Horneck, quì
Albertus Austriæ Dux, quorum uterque priori seculo
vixerat, quorùmque hìc verba retuli, tot ante annos
Sancti Stephani Ecclesiam Vienstensem nominârunt?*
*certè si ad manus optimis his viris ea, quæ inspexi, an-
tiqua documenta fuissent. continuo in meam abiissent
sententiam, nec erronea hæc opinio multorum adeò
animos occupâisset, ad quam eradicandam vix cumula-
ta antiquissimorum scriptorum testimonia sufficere vi-
dentur. Quorum plura ad fidem faciendam hæc loco
subjungam. Citavi titulo 2. literas Gerardi olim Vien-
nensis Plebani, quibus Sancti Monialibus ad Portam*

Cœli Anno 1267. Calend. August. Vineam quandam donaverat, adjecta tamen conditione, ut nisi vitam morésque ad Divi Augustini leges composuerint, ea tota Ecclesiæ Parochiali accedat, quam differtis verbis S. Stephani vocat. Freherus item pariter à me citatus eodem titulo pag. 338. circa *nativitatem*, inquit, *B. Virginis tantus ventuserat in Austria, ut Crucem de sinistra turri ad S. Stephanum Ecclesiæ Parochialis in Vienna deijceret.* Denique inter M. S. Bibliot. Cœl. etiam Chronicon Hermani Contracti ipse inspexi, quod à pluribus Autoribus ad Annum usque 1310. deductum, continuatúmque est, inter quos Anonymus quidam ad Annum 1280. sequentia fideliter à me excerpta refert. *Petrus Pataviensis Episcopus obiit, cui Successit Wichardus in Vienna in choro S. Stephani cum Episcopo chyemse à Domino Episcopo & legato Tripolitano venerabiliter consecratus.* Quæ certè tot tàmque copiosa testimonia satis ostendunt, ab ipsa prima templi hujus erectione per tot continuos Annos nomen illi S. Stephani fuisse proprium; ejus honoribus, ejus cultui ac venerationi fuisse primitus dicatum, gravitèrque errasse Scriptores illos qui id non ante Annum 1340. eidem inditum fuisse contendunt. At erit fortassis aliquis qui quidem tot jam retro ab annis S. Stephani eam fuisse dictam Ecclesiam asseret, ut tamen & sæpius illi omnium sanctorum titulus antiquis in literis tribui legatur. Non inficiabor id quidem ego, & sæpius in literis M. S. ita utrumque nomen confundi, ut jam hoc, jam illud, sæpius etiam utrumque eidem attribui videatur; At minime id ante Rudolphi tempora factum esse concessero, nam nullum hujus rei apud antiquiorem ullum scriptorem ante Annum 1350. vestigium deprehendere licuit. Proferant tale aliquid contrarium sentientes, & libens, volensque victas manus dabo, sententiámque illorum amplectar. Quid verò quod nè ipse quidem Rudolphus antequam Ecclesiam hanc in Præposituram erigeret in literis suis unquam alio eam nomine, quam S.

Stc-

Stephani compellet ? Extant testes hujus ipsius Rudolphi literæ in Chron. Mellicens. quibus beneficium privilegiûmque Salis per Danubium devehendi sine tellonij persolvendi onere conceditur, adjectis tamen certis conditionibus, inter quas & ista Ducis ipsius verbis hisce expressa est : Per Abbatem quoque ejusdem Monasterij, qui pro tempore fuerit, annis singulis in die festo Sacrosancti Dominici Corporis Viennæ in Ecclesia S. Stephani, etiamsi in collegiatam Ecclesiam fuerit redacta, Pontificalibus ornatum insignijs prior missa in altari publicè decantetur. Clauditis verò has ipsas literas suas dictus Archi-Dux in hæc verba : Datum & actum Viennæ in Palatio nostro Ducali 14. Kalend. Julij Anno nativitatis Domini 1359. ætatis nostræ 20. regiminis verò primo. Idem quoque templo huic nomen, alijs quoque in literis à me jam titulo 3. citatis, atque eodem Anno 1359. à se exaratis tribuit Rudolphus in hunc sensum : Seind wir nach erkantnuoz billicher dankbeer die Pfarrkirchen daz Sand Stephan ze Wienn, der lechen recht uns angehört ze witren, an der grundvest ze graben den ernsten Slag mit unser selbs henden getan haben auf den ainlifften tag Merzen &c. Habeo præterea ad manus alias Rudolphi Archiducis hujus literas, quibus certam pecuniæ summam templo huic elargitus est, quarum initium, finemque hic reddam.

Wir Rudolph der IV. von Gottes Gnaden
Erz Hörzug ze Oestereich, ze Steyr, ze Kern-
ten &c. bekenen und tuen chund offentlich
allen


allen leiten gegenwärtigen, und kunfftigen, die disen Brieff ansehent, lesen, oder hören lesen, das Wir mit rechter Erkantnuß betrach- tet haben, seid nicht gewissers ist, den der dot, und nicht ungewizzer danne die Stund des dotes, das vor allen dingen einen ieglichen Menschen noturfftig ist die Zeit seines totes mit Gütten zavor komen, das er bereit sei, wen er mit der hinvarf von diser Welt begriffen werd, und darum, wann wir in dem Gotts- h us ze Sand Stephan ze Wienn unser begröb- nuzz erwellet haben &c. *Clauditque has literas suas in hunc modum.* Und das ze einen waren offen und ewigen urkund geben Wir disen Brieff versigelten mit unsern grossen Fürstlichen Insign der geben ist ze Wienn an mittwochen vor Sand Tiburtij tag nach Christs Gepurd 13. hundert jahr, darnach in 63. jahr und unsers alters den 24. und unsers gewalt in den 5. jahr. *Ubi vides usque ad annum 1363. nec ab ipso Rudolpho, dum de templo hoc loquitur, omnium Sancto- rum mentionem fieri, sed Sancti Stephani solum, quod nomen à prima Ecclesiæ hujus origine eò usque constanter retentum fuerat, donec tandem Anno 1365. Præpositura ac Canonici ab hoc ipso Archiduce in honorem OO. SS. fundati ad templum hoc translati sunt, à quibus dein & illud hoc nomen suscepit, ut rursus ex literis Rudolphi à me referendis manifestum fiet. Anno 1365. in literis suis, quas in Tabula. Colleg. Ecclesiæ Viennensis reperio, Archidux hic se affirmat vi- vente adhuc Parente Alberto, cujus potissimum hac in re consiliò usus fuerat, Anno ætatis suæ 19. in Au- la Capellam erexisse honoribus SS. OO. atque ibidem*
post

Joannes Staindelius Presbyter Pataviensis in Chronico generali apud F. Oefelium, Res. Boic. Script. Tom. I pag. 417. et quoad sequent. parsum pag. 538.

MCCCCXLVII.

Secunda die mensis Junii rogatu Concilii Oppidi Viennensis, hora secunda circa vespertas Revmus Praeful Pataviensis, Dominus Udalricus Cancellarius Imperatoris, in Pontificalibus apparatus, cum suffraganeis sub et Abbate Gottenwicensi et Abbate in Geym, cum sollemnitate cantus et Cleri repro. Suit primum lapidem super fundamento nova turris ad S. Stephanum in comitibus versus curiam Propositalem.

Ipse Staindelius Canon. Passov. vivit adhuc a. 1513.



post Parentis Alberti mortem cum canonicis fundasse
Præposituram majorem. Verùm quia Angustiae loci
minus pijs eorum officijs favere videbantur, egisse se
precibus apud Innocentium VI. Pontificem, ac tan-
dem isto è vivis excedente ab Urbano Successore im-
petrâsse, ut in Divi Stephani ædem Præpositura hæc
unà cum canonicis transferretur in quibus ipsis etiam li-
teris hæc ipsa verba à Rudolpho scripta reperio. Stiff-
ren Wir in die vorgeante unsere Pfarr ze
Sand Stephan ze Wienn, die virbas ewiglich
genand ist das allen Heiligen &c. Plura de his
literis referre hoc loco supersedeo, quas sequenti titu-
lo commodiùs reddam. Hinc satis manifestum esse
aliunde conficitur, quàm non sine causa, gravique ra-
tione Rudolpho à me tribuatur, quòd is omnium pri-
mus D. Stephani nomen, quò hucusque hæc Sacra Ba-
silica gaudebat, in Sanctorum omnium titulum muta-
verit. Scilicet movere illum poterat jam priùs eorum
cultui erecta, dedicatâque capella, fundatâque eo titu-
lo Canonici, quos in templum hoc à se pariter amplia-
tum, constructumque transtulit, ut & vetus eorum
nomen, titulòsque transferret. Probare id videntur
Ducis ipsius verba à me hìc posita, ut quid enim dice-
ret: Die vorgeante unser pharr ze Sand Ste-
phan die virbas ewiglich genand ist das allen
Heiligen &c. Si jam ab Origine prima templum
hoc Sanctorum omnium honoribus initiatum fuit, id-
que nomen gessit? Certè vox ista virbas seu dein-
ceps apertè indicat non præteritis annis usitatum hoc
nomen sed isto demum anno ità Ecclesiæ huic attribu-
tum fuisse, ut id per annos reliquos, ætatèque fu-
turam omnem duraret.

Aliam quoque asserti hujus rationem adfero ex
alijs literis ejusdem Ducis eodem pariter Anno Mille-
simo scilicet trecentesimo sexagesimo quinto datis,
qui-

quibus Academiam hanc viennensem fundat ac erigit, simul verò & apertè testatur se velle Parochialem D. Stephani in Collegiatam Sanctorum omnium erigere, Verba Ducis ipsius videamus :

In cujus etiam villæ Parochiali Ecclesia Sancti Stephani in brevi temporis spatio Deo auspice in Præposituram seu collegiatam Ecclesiam sub honore Sanctorum omnium redigendam sepulturam nostram eligimus &c.

En ut templum Parochiale hic nomine S. Stephani scilicet veteri suo compellet Archi-Dux paucis diebus antea, quàm in illud translati ex Sacello Aulico Canonici inducerentur? utque mox subjungat brevi illud temporis spatio à se in collegiatam Ecclesiam sub honore Sanctorum omnium erigendum? Cur his verbis usus fuisset Rudolphus? Cur, quæro, hanc Ecclesiam S. Stephani in Collegiatam sub honore Sanctorum omnium erigendam diceret? si (ut adversa Scriptorum pars sentit) jam à seculis id nomen hæc eadem Sacra Basilica tenuit? nisi fors non semel sed sæpius permutata illius fuisset nomina, sine ratione, sine veteri, ac antiquo testimonio fingere alicui lubeat.

Ego ad sententiam meam confirmandam tertium quoque Archi-Ducis hujus testimonium adjungam ex literis illius, quæ in Tabular. Colleg. Cathedral. Eccles. Vienn. asservantur, excerptum. Datæ sunt istæ post erectionem Præposituræ hujus eodem Anno 1365. cum certis, cum Passaviensi Episcopo initis pactis ac conditionibus, Ecclesiam hanc à subjectione illius & jure omni eximit. Initium literarum hoc est.

Wir Rudolph der Vird, Albrecht, und Leopold von Gottes gnaden, Erz-Herzogen ze Oestererch, ze Steyr, ze Kärndten, und ze Krain, Herren der Windischen Marich &c. beken-

bekennen und thuen kund öffentlich mit disen
 Brieff allen denen, die in sechent lesen, oder
 hörent lesen, die nu leben, oder hernach
 kumftig sint, daz Wir mit dem erwürdigen
 Herrn Albrechten Pischhoff ze Pazzau mit
 wollbedachten mute von der rechten und le-
 chenschafft wegen, die er und sein Capitl ze
 Pazzau wolten gehabt haben, und auch vor-
 dern ze haben an der Pharrkirchen erwen ge-
 nand das Sand Stephan ze Wienn, und die
 man nenet ze aller Heiligen, also überein ko-
 men sein &c. Cedit dein dicto Passaviensi Episco-
 po Ecclesiam Waydhoffen: cum omnibus juribus suis,
 ac tandem subiungit:

So haben sich der egn Bischoff und sein Ca-
 pitl auch für sich selber und für ihr nachko-
 men da wider verzigen aller rechten geistli-
 chen und weltlichen, und auch aller der an-
 sprach die sie eines weges an der egn lechen-
 schafft der vorge Pharrkirchen ze allen Hei-
 ligen ze Wienn die vorgehand ist zu Sand Ste-
 phan gehalten, oder gehalten möchten mit
 brieffen oder ohne brieff &c. Clauduntur de-
 mum hæ literæ in hunc modum.

Und den zu urkund, und ze einer ewigen
 Vestung geben Wir disen brieff besigten mit
 unsern insiglen, der geben ist ze Baden an Samb-
 stag nach dem heiligen Ostertag nach Krist
 Geburt Dreuzenhundert jahr, und darnach in
 dem 65. jahr, unsers vermögen Herzog Ru-
 dolf

dolff alters in den sibenten jahr und darnach
unfers Herzog Albrechts alters in dem 16. und
unfers egenand Herzog Leopolds alters in den
14. jahren.

✠ Wür der vorgenante Herzog Rudolff
sterken disen brieff mit der unterschrifft unser
selbs hand ✠.

Hæ literæ utrûmque quidem & S. Stephani & OO.
SS. nomen conjungunt, at ita tamen ut prius antiqui-
usque fuisse S. Stephani, recentius verò atque tunc
primò temporis datum OO. SS. apertè his verbis indi-
cent: Pharrkürchen ze allen Heiligen, die vor-
genand ist ze Sand Stephan. Atque ab hoc de-
inceps tempore nomen illi sæpius utrumque tribui in
Tabulis varijs reperi. Albertus certè III. Dux Au-
striæ in Privilegijs Academiæ à se Anno 1384. promul-
gatis, accuratèque citatis à Lambecio L. 2. Comment.
de Bibliot. Cæsar. cap. 5. sequentibus verbis Rubrica
XXXVII. templi hujus mentionem facit. Ordina-
mus, quod deinceps ex octo canonicatibus &
præbendis Collegij nostræ foundationis in Ec-
clesia omnium Sanctorum, aliàs Sancti Step-
hani Wiennensi proximè vacaturis &c. Simile
quid habet Bonifacius IX. in literis, his quibus Indul-
gentias ijs impertitur, qui in D. Catharinæ festo tem-
plum hoc piè visitant, sanctæque hujus Virginis reli-
quias venerantur, in quibus suis literis, quas apud me
detineo ex Tabular. Senatûs Civici acceptas, hæc ipsa
verba ponit:

Quòd in Ecclesia OO. SS. aliàs dicta S. Ste-
phani oppidi sui Wyenne Patavien. Diœces.
quod notabilius ceteris oppidis suis & terris e-
xistit, inestimabilis reliquiarum verorum San-
ctorum

ſtorum multitudo per Progenitores ſuos Duces Auftriæ collocatarum & maximo auri & argenti ac lapidum pretioſorum ornatu decorata exſtunt &c.

Data autem ſunt hæ literæ Romæ apud S. Petrum IV. non: Junij Pontificatûs ſui anno decimo.

Plura talia teſtimonia adduci à me poſſent, quibus manifeſtum fieret poſt erectionem in Collegiatam Eccleſiam huic OO. SS. nomen fuiſſe datum, adjunctis tamen plerumque vocibus illis; aliàs S. Stephani, quibus ipsis ſignificari videtur, antequam ad OO. SS. templum hoc diceretur; nomen jam illud D. Stephani tenuiſſe. Verùm, omnia ſi enumerem, ultra præfixam brevitatem fuſè nimium, vereor, nè libellus excurrat. Illud unum Lectorem moneo, etſi Rudolphus quidem omnium Sanctorum nomen illi indiderit, idque per annos non paucos in tabulis antiquis legatur, prævaluiſſe tamen ita ſucceſſu temporis illud antiquius D. Stephani, ut illius jam propè memoria omnis interierit.

TITULUS IX.

De Eccleſiæ hujus in Collegiatam Erectione.

EXpeditis ijs, atque, ut quidem arbitror, ritè ſtatutis, quæ inter Scriptores plurimos de primo templi hujus nomine dubia, atque controverſa hætenus videbantur, ad illud deſcribendum tranſeo, quod non parum ad hanc ipſam ſuperiori titulo agitatam quæſtionem illuſtrandam, confirmandamque faciet, nempe quo tempore, quove Autore hoc ipſum Cathedrale modò D. Stephani templum in Collegiatam primùm Eccleſiam erectum ſit.

Fuggerus lib. 3. cap. 8. pag. 345. hac occaſione id factum narrat; Transcripſiſſe nimirum Margaretham

E

cogno-

cognomine Maultasch post mortem Ludovici secundi jam mariti sui, Tyrolis Comitatum Austria Principibus, idque Anno 1363. ob quod beneficium, tantæque Provinciæ accessionem ingratus nè Deo Rudolphus nominis hujus IV. videretur, refert eum Templum hoc D. Stephani à Parente inchoatum perfecisse, & Canonicos cum Præposito fundatos eidem addidisse. Verùm hanc ædificandi aut perficiendi templi Rudolpho occasionem causamque non fuisse, vel ex ipsis ejusdem Ducis literis superius à me titulo 3. citatis convincitur, quibus inchoatum à se jam Anno 1359. id est ætatis suæ Anno 20. hoc esse ædificium testatur. At verò nè hinc quidem ad fundandos Canonicos permoveri potuisse Rudolphum ex alijs quoque literis illius manifestum fit, quas in Tabular. Cathedralis Eccles. asservatas hinc reddo:

Mit dem Gewalt Gottes Vatters, der Weisheit, Gottes Sons, und der erleucht und Güetigkeit Gott des heiligen Geist, mit der mildigkeit unsern Frauen Gottes Muetter, mit der bett aller Gottes Heiligen und Engeln, und mit der einung der Warheit des heiligen Christlichen Glaubens. Wir Rudolph der 4te von Gottes Gnaden Erzherzog ze Ostereich &c. bekennen und tuen kund ewiglich mit disen brieff allen die in sehen, lesen, oder hören lesen die nun lewend, oder hernach kumpfftig sind, und sonderlich unsern Erben und nachkommen. Seid das der allmechtige Gott alle ding von nits gemacht hat, und das getheilt unter die geschöpft der menschen &c.

Refert deinde se, vivente adhuc Parente Alberto ejusdemque consilio ætatis suæ Anno 19. in Aula ad
turrin

turrim neben dem Widmerthor Capellam ad honorem OO. SS. ædificasse, demortuo vero jam parente, ubi Provinciarum suscepisset regimen, Canonicos illuc fundasse, quos dein ob loci angustioris difficultates ad D. Stephani Parochialem ædem transtulit, petitâ quidem ad id faciendum ab Innocentio VI. Pontifice veniâ, sed ob intervenientem illius mortem non nisi ab Urbano hujus Successore concessâ. Addit præterea impetrâsse se, ut ab omni Episcoporum jurisdictione exempta, ac summo soli Pontifici immediatè subjecta deinceps in tempus reliquum dicta Collegiata sit Ecclesia, præterea ut rubris dicti Canonici utantur vestibus, quod ipsum se velle insinuat in honorem memoriâque profusi pro humano genere Sanctissimi Christi Sanguinis, ac tandem has ipsas literas sequentibus verbis claudit: Der Brieff ist geben, und ist die Sach geschehen, da man zelt von Xsti Geburt tausend treuhundert Jahr, darnach in dem 65. Jahr an dem Sonntag in der Fasten, da man singt Oculi, unsers vorgeanten Herzog Rudolphis alters in dem 26. und unsers Gewalts in dem 7. Jahr.

Sub Innocentio igitur VI. dictus hic Dux Rudolphus, non dico fundandi, sed transferendi Canonicos ex Capella à se constructa ad templum hoc D. Stephani ampliaturam veniam se petiisse his literis fatetur. Quis igitur fieri potuit, ut ad Præposituram, Collegiatamque erigendam Ecclesiam ob insignem Provinciæ Tyrolensis accessionem permotus sit? cum Innocentius VI. jam Anno 1362. è vivis excefferit, Tyrolis verò (ut ex Fuggeri verbis conficitur) non nisi anno 1363. à Maultaschia Rudolpho transcripta sit? Nam postquam is l. suo 3. cap. 8. pag. 342. retulisset Ludovicum Brandenburgensem Marchionem ultimum Margarethæ hujus conjugem Anno 1361. vitâ functum fuisse, Mein-

hardum verò filium, quem ex eodem suscepit duos post Parentis mortem annos Margarethæ Alberti II. Austriaci Filizæ desponsatum obiisse, illico subjungit :

Wie nun die Grävschafft Tirol abermals Man ledig worden, da berieffe Frau Maultasch die Landherrn und mit ihren einrath, ward sie entschlossen denen Gebriedern Rudolfen, Albrechten, und Leopolden Herzogen in Oesterreich, als ihren nächsten anverwandten (dan sie waren leiblich Geschwister Kinder) die Grävschafft zu übergeben und abzutretten, dieses vollzoge sie noch dieses Jahr:

Si ergo Ludovicus 1361. obiit, nec illum, nisi duos post annos secutus est Meinhardus Filius; Anno jam post fundatos à Rudolpho Canonicos altero hanc Tyrolis ad Austriacas Provincias accessionem factam fuisse necesse est, ne hinc, sed alia quadam de causa Religiosissimum Principem animos sumpsisse ad pium hoc opus inchoandum evincitur. Non levior his ipsis è Tabulis Rudolphi hic à me citatis error refutatur Lazij, qui Albertum Contractum ab alijs, ab alijs etiam Sapientem dictum Canonicos primum ad D. Stephani templum fundasse his ipsis verbis l. 2. Comment. Genealog. Austr. pag. 228. refert. *Tradunt Annales hunc Principem prima fundamenta jecisse cum Academia Viennensis constituto Collegio propè Arcem, non ita procul ab Augustinianorum templo, tum Capituli Viennensis ad S. Stephanum emptæ domo ab Abbate Zwetlensi, qui adhuc nomen vetus retinet, & altera pro Canonicis nova extructa.* Quam etiam opinionem hoc in opere sequi ipse satis apertè videtur. At non eget hic error Lazij contrarijs argumentis, testimonijsque à me adducendis, quibus confutetur. Convincit optimus hic vir se ipsum erroris hujus, dum in alio opere Comment. scilicet de Rebus Viennens. l. 2. fol. 59. apertè Rudolphum Alberti hujus filium Collegiatæ

legiatæ hujus Ecclesiæ, ejusque Erectionis primum Autorem hîsce statuit: *Horum itaque ductu, cum Christiana Religio ita Vienna excrevisset, ut non solum templum auctius, sed res Ecclesiastica indies magis magisque locupletaretur, Rudolphus hoc nomine III. Austria Archi-Dux Cathedralē sedem ac prerogativam adjecit: Imo quadringentesimo post ruinam ejus anno postliminio in Fabianam hoc est Wiennam retulit, anno tum à Christo nato currente M. CCC. LX. & ab eo tempore, qui paulo ante Parochi erant, Præpositi deinceps nuncupati sunt, prædiorum Ecclesijs quorundam aucti atque ornati. Rudolphus igitur primus omnium pietate sua, atque munificentia Duce digna Canonicos cum Præposito in Aula, ut superius insinuaveram, fundavit, atque ubi ad Sacra hæc peragenda solennia Capellæ illius spatium angustum nimium videbatur, apud Innocentium VI. summum Pontificem literis egit, ut consentiente templi summi Parocho, jurisque suo cedente, Præpositura hæc cum Canonicis in Parochialem D. Stephani Ecclesiam transferretur. Nec aliter ad eundem Pontificem scripsit Leopoldus Sachsfenganger Plebanus Viennensis, qui ut Ducis voluntatem, votumque promoveret sponte se juri suo cedere his literis in Tabular. Colleg. Ecclesiæ asservatis affirmat, quas reddo.*

Sanctissimo in Xsto Patri, ac Domino Domino Innocentio Dei providentia Sacrosanctæ Romanæ, ac universalis Ecclesiæ summo Pontifici Leopoldus Sachsfenganger Rector Parochialis Ecclesiæ S. Stephani in Vienna Patav. Diocæs. cum sui recommendatione humillima devota pedum oscula. Ad vestræ Sanctitatis aures non dubito devenisse, qualiter præclarus Princeps Dominus Rudolphus Dux Austriæ, Styriæ & Carinthiæ, Dominus meus genero-

fus mox post decessum recordationis inclyti Domini Alberti Ducis Austriæ quondam sui Genitoris in primordio terrarum suarum Regiminis, licet ætate juvenis, senex tamen moribus, Dei intendens Cultui Ecclesiam S. Stephani prædictam, cujus jus patronatûs & præsentandi ad eam Rectorem, dum vacat, ad ipsum devolutione hæreditaria dignoscitur pertinere, quam sumptuosis ædificijs ornat, & ampliat, vestra approbatione media in Collegiatam Ecclesiam redigere desiderat, & intendit. Verùm cum ex hoc Divinus cultus augeatur quàm plurimùm; dicta Ecclesia, rebus & honoribus extollatur; nec mihi in fructibus, & honoribus consuetis & debitis detrimentum, vel præjudicium aliquod generetur, ego tanquam dictæ Ecclesiæ Rector matura deliberatione pluries præhabita præsertim cum viris prudentibus, peritis in jure Canonico spontè, liberè & ex certa scientia prænotatis Domini mei Ducis voto, intentioni & proposito à plebe dicti loci desideratis diutius, plenum, liberum, & expressum meum consensum adhibui, & adhibeo per præsentés &c.

Citat dein in testes hujus suæ resignationis Joannem Electum & confirmatum Gurcensem, Clementem item ad Scotos Viennæ & Joannem Chotvicensem Abbates ordinis S. Benedicti. Ottolphum item Præpositum Neoburgensem & officialem Passavientem, qui & Sigilli sua literis his ipsis appendebant. Postremò verò sequentibus has suas Tabulas claudit.

Acta sunt hæc Viennæ in Cœmeterio Fratrum
Here-

Heremitarum S. Augustini II. idus Decembris
horâ quasi sexta Anno Domini M. CCC. LIX.
indictione duodecima Pontificatûs Præfati Do-
mini Innocentij Papæ Sexti Anno VII. &c.

Permotus & Archi-Ducis precibus, & his ipsiſ Le-
opoldi Sachſenganger literis Innocentius VI. ſummus
Pontifex annuere jam videbatur votis æquiſſimis, at
quo minùs ea ipſa effectui darentur, præmatura ejus-
dem fata fecêre. Igitur ad Succellorem ejus Urbanum
V. negotium omne devolutum eſt, qui & literis ſuis
ad Gurcenſem & Laventinẽſem Episcopos, tum ad
Abbatem Monasterij Scotorum Viennæ datis, transla-
tionem hanc Canonicorum non approbat modò, ſed,
ut ea quàm primùm ab ijsdem executioni dentur impe-
rabat. Literas has integras hic loci reddere viſum eſt,
tum, quòd Rudolphi Archi-Ducis petitorias ipſas ma-
gna ſui parte inſertas exhibeant, tum quòd ad illuſtran-
dam rem præſentem maximè facere videantur. Tenor
earum eſt ſequens.

Urbanus Episcopus ſervus ſervorum Dei Ve-
nerabilibus Fratribus Gurzen: & Laventinẽſi
Episcopis, ac dilecto filio Abbati Monaster.
Scotorum in Vienna Patavienſ. Diocel. Salutem,
& Apoſtolicam Benedictionem. Pijs votis fi-
delium, per quæ Divini Nominis cultus poſ-
ſit augeri, benevolum impertimur aſſenſum, il-
lâque libenter favore proſequimur perpetuo.
Olim ſiquidem pro parte dilecti Filij nobilis vi-
ri Rudolphi expoſitum: ſel. record. Innocent.
Pap. VI. Prædeceſſori noſtro, quòd idem Dux
cupiens terrena in cæleſtia, & tranſitoria in æter-
na felici commercio commutare, deſiderabat,
Capellam non Curatam per eum in caſtro ſuo

Viennæ Pataviensis Diœcesis ad Dei Gloriam,
 & honorem, & ejus cultûs augmentum, ac Pa-
 rentum, & omnium Progenitorum suorum, &
 cunctorum aliarum fidelium animarum salutem
 in Collegiatam erigi, & in ea unum Gollegi-
 um seu Capitulum 24. Canonicorum, & unius
 Præpositi, qui eis præffet, & 25. præbenda-
 rum, quarum unam Præpositus, & singuli Cano-
 nici singulas obtinerent, statui, & unam The-
 saurariam ac etiam alias dignitates, persona-
 tus, & officia, quæ per dictos tenerentur Ca-
 nonicos creari; & quod idem Præpositus duos,
 & singuli Canonici prædicti singulos Capella-
 nos habere debent, qui cum ipsis, seu pro eis
 tempore infirmitatis vel absentiae ipsorum in ea-
 dem Ecclesia obsequijs Divinis insisterent. Et
 quod ipse Dux præmissus præbendam dicto Præ-
 posito assignandam de 300. & singulas præben-
 das alias prædictas ipsorum Canonicorum de
 100. florenis Auri ponderis, & cunei florentini
 in perpetuis annuis redditibus de bonis sibi à
 Deo collatis dare, & eas in posterum in reddi-
 tibus augmentare proponebat. Præfatus Præ-
 decessor vobis per literas suas commisit, &
 mandavit, quibus vos vel duo vestrum dote
 ejusmodi primitus realiter assignata eandem Ca-
 pellam in Ecclesiam Collegiatam erigi, & in ea
 hujusmodi Collegium seu Capitulum 24. Ca-
 nonicorum & unius Præpositi, qui eis præf-
 set, & 25. præbendarum statuere, unam The-
 sau-

saulariam, ac alias hujusmodi dignitates, personatus, & officia creare, nonnullaque alia statuere, & ordinationes, & alia statuta justa, & rationabilia pro vita ac regimine ac conversatione eorundem Præpositi, Canonicorum & Capellanorum, & pro hujusmodi cultûs augmento facere Autoritate Apostolica curetis, Jure tam Parochialis Ecclesiæ infra cujus Parochiam dicta Capella consistit, & cujuslibet alterius in omnibus semper salvo, prout in iisdem literis plenius continetur. Cùm autem, sicut exhibita nobis pro parte dicti Ducis petitio continebat, locus in quo dicta Capella consistit, pro præmissis ibidem faciendis nimis arctus existat, nec possint ibi præmissa commodè adimpleri, ac ipse Dux desideret præmissa omnia in Parochiali Ecclesia S. Stephani in Vienna dictæ Diocesis, in qua jus obtinet Patronatûs fieri ac adimpleri, & ad id dilecti Filij Leopoldi Rectoris dictæ Ecclesiæ accedat assensus, itémque Dux quamlibet dignitatem, Personatum seu officium in eadem Ecclesia instituendum, seu instituendam ulteriori dote hujusmodi præbendarum de 50. florenis Auri dotare, & pro quolibet 26. Capellanorum, qui in eadem Ecclesia, ut promittitur, perpetuo existant, 40. florenos Auri in annuis perpetuis redditibus assignare proponat, nos ipsius Ducis in hac parte pium desiderium in Domino commendantes ejus supplicationibus inclinati di-

secretioni vestræ, de qua in his & alijs literis gerimus in Domino fiduciam specialem, per Apostolica Scripta committimus, & mandamus, quatenus vos vel 2. vestrum dote hujus modi, promissis omnibus, & etiam prædictis annuis redditibus 40. florenorum pro quolibet Capellanorum ipsorum primitus realiter assignatis eandem Ecclesiam S. Stephani in Collegiatam erigere, & in ea hujusmodi Collegium, seu Capitulum 24. Canonicorum, & unius Præpositi, qui eis præsit, & 25. præbendarum, quarum una illi, videlicet de hujusmodi 300. florenis Auri dotata fuerit; Præpositus & singuli Canonici singulas alias præbendas obtineant, statuere, & unam Thesaurariam, & alias hujusmodi dignitates, personatus, & officia creare, ac statuere, & ordinare. Quod præfatus Rector, si illi placuerit, Præpositus ejusdem Ecclesiæ existat, & curam Collegij, & Parochianorum dictæ Ecclesiæ gerat, & habeat; si verò sibi non placuerit, eo cedente vel decedente, aut Ecclesiam ipsam, quomodolibet dimittente, Præpositus, qui erit pro tempore, hujusmodi curam tam Collegij quàm Parochianorum gerat; & quòd idem Præpositus plenam in Spiritualibus, & temporalibus jurisdictionem habeat in Canonicos, etiam Thesaurariam, dignitates, personatus & officia hujusmodi obtinentes, & Capellanos prædictos, & eorum familiares, cujuscunque statûs, vel conditionis

ditionis existant, idémque Præpositus duos, & singuli Canonici prædicti singulos Capellanos habeant; qui, ut præfertur, cum eis, vel pro eis in eadem Ecclesia Divinis insistant, ipsique Præpositus & Canonici omnes horas canonicas, nocturnas videlicet & diurnas regulariter & ordinatè in eadem Ecclesia sonora voce depromere teneantur, & alia statuta & ordinationes justa & rationabilia pro vita & regimine, ac conversatione eorundem Præpositi, Canonico-
rum & Capellano-
rum, & pro hujusmodi cultus augmento facere Autoritate nostra curetis, Jure tamen cujuslibet in omnibus semper salvo, constitutionibus Apostolicis, seu alijs contrarijs non obstantibus quibuscunque, Provisto, quòd solitus in eadem Ecclesia, & Ministrorum numerus pro cura animarum, & dictorum Parochianorum exercenda non imminuantur. Quòdque præfatus Rector, qui nunc est, cui per hoc nullum præjudicium generetur, quamdiu hujusmodi curam dictorum Parochiano-
rum geret, & eo cedente vel decedente Præpositus ipsius Ecclesiæ pro tempore existens fructus omnes, redditus, proventus, obventiones & emolumenta ad Rectorem ipsius Ecclesiæ pertinentia percipiat, & habeat, ac hujusmodi ministris, sicut prius providebatur in necessarijs providere, Juráque Episcopalia solvere, hospitalitatem tenere, & alia onera ratione hujusmodi curæ dictorum Parochianorum in-
cum-

cumbentia supportare teneatur. Datum Avinione Nonis Augusti. Pontificatus nostri Anno 2do.

Reperiuntur in eodem quoque Tabulario Collegiatæ Ecclesiæ literæ ejusdem Pontificis circa id tempus datæ, quarum initium addo.

Urbanus Episcopus servus servorum Dei venerabilibus Fratribus Gurzen & Laventinen. Episcopis, ac dilecto filio Abbati Monasterij Scotorum in Vienna Passaviensis Diocesis salutem, & Apostolicam benedictionem. Sincera devotio dilecti Filij Nobilis viri Rudolphi Ducis Austriæ, per quam se reddit altissimo, & Romanæ Ecclesiæ Matri suæ non sine magnæ laudis præconio gratum multipliciter & acceptum, non indignè meretur, ut sedem Apostolicam sibi favorabilem, ac benignam sentiat, & etiam liberalem &c.

Omitto hîc plurima (nam conformia maxîma ex parte prioribus continent) ijs duntaxat recensitis, quibus ampliora, quàm in prioribus literis, privilegia Præposito subjectisque illi Canonicis, huicque ipsi Collegiatæ Ecclesiæ impertitur. Scilicet ut Præpositus dictus, quo ad ea, quæ curam animarum spectant, subjectus quidem deinceps etiam sit Diocesano Episcopo, ceteroquin tum ipse, tum Canonici omnes cum Ecclesia ipsa Collegiata ab omni Archi-Episcopi Salisburgensis, & Episcopi Passaviensis jurisdictione eximantur, nec alteri cuipiam, nisi summo Pontifici immediatè subjecti sint, addito tamen eo simul onere, ut in gratæ ob tantum à sede Apostolica acceptum beneficium memoriæ signum in Annos singulos, Unum fertonem puri auri (verbis ipsius summi Pontificis utor) quod

16. florenos auri valeat, annis singulis Camere Apostolicæ in dicto festo SS. Petri & Pauli solvere teneantur.

Indulget præterea Pontifex hic summus, ut ad dictæ Ecclesiæ Canonicatus, dignitates, & præbendas homines probos, dignosque præsentare Dux ipse, ac Fundator Rudolphus, & post ejus obitum senior quique Ducum Austriæ possit, quorum admissio tamen ad Præpositum, qui eo tempore fuerit, vel Præpositura ipsa vacante ad Seniore[m] Canonicorum pertineat. Ad Præposituram verò ipsam, etsi præsentandi jus apud successores Duces Austriæ perpetuò firmum stabileque persistat, confirmare tamen Præpositos ad sedem duntaxat Apostolicam pertinere decernit. Addit deum & illud, ut prædictus Præpositus & mitrâ & pedo (seu ut Pontifex loquitur) baculo pastoralis aliisque Pontificalibus uti insignibus & ornamentis possit, dum divina officia in eadem Ecclesia obibat. Data quoque eidem potestate, Canonicorum cuilibet dictæ Ecclesiæ gravioribus urgentibusque de causis veniam Facultatémque concedendi, ut per breve tempus ad alia loca discedant, atque ab Ecclesia ipsa sacrisque persolvendis solenni ritu officiis absint, dolo tamen omni cessante, substitutóque in absentis locum alio, qui debita & Ecclesiæ munia, & si quæ sint præstanda pia obsequia cum dignitate persolvat &c.

Acceptis his Urbani V. Pontificis Maximi literis illico ad perficiendum commissum sibi negotium Episcopi designati cum Abbate Monasterij Scotorum ordinis S. Benedicti se se accinxerunt, brevique temporis spatium eò rem deduxêre, ut translatis ex sacello Aulico Canonicis Ecclesia hæc D. Stephani in Collegiatam erigeretur, Præpositóque (nam Leopoldus Sackenganger prior ejusdem & Ecclesiæ & urbis Curio, seu Plebanus omni se jure Parochi ultropeè abdicaverat)

rat) omnis & Canonicorum, & animarum cura deinceps demandaretur. Uti ex eorundem literis in Tabular. Colleg. hujus Ecclesiæ affervatis patet, quarum hic finem subiiecit, ut translationis hujus tempus tantò certius incelligatur:

In præmissæ igitur nostræ executionis, ac omnium singulorum infra scriptorum testimonium evidens, & robur perpetuum nos præfati Gurzensis & Laventinensis Ecclesiarum Episcopi, & Abbas Monasterij Scotorum Viennæ Sigilla nostra huic processui duximus apponenda, quem quidem processum unà cum literis Apostolicis prænotatis apud dictam Ecclesiam volumus asservari. Ac demum cùm testes, qui actui huic intererant, recensuissent, Acta sunt hæc à nativitate Domini quo supra. Viennæ, scilicet Anno 1365. Dominica, qua cantatur Oculi, quæ erat 18. Calendas Aprilis Pontificatus Sanctissimi in Christo Patris ac Domini nostri Urbani V. Anno 3tio indictione 3tia.

Recensitis his literis, quibus ferè tota primæ hujus fundationis, translationisque dein factæ ratio continetur, addendum omnino nil censeo præter unicum Haslbachij locum fol. mihi 80. quo de Præpositura ista, Canonicisque à Rudolpho constitutis in hunc modum differit: *Hoc idem plurimum apparet in magnifico opere circa Ecclesiam B. Stephani Proto-Martyris Viennæ, quam de Parochiali Ecclesia erexit ad Præposituram viginti quatuor ordinans præbendas Canonicorum secularium, quibus, & quoad vitæ necessaria providit habundanter, assignans eis comitatum in Weitenegk cum omnibus suis pertinentijs, & juribus, & alia nonnulla, ita ut pro quolibet Canonico cederent ducenti, ut fertur, & amplius Du-*
gast,

cati, ob quod & eos pro cura animarum præfata Ecclesia deputavit, & habitum singularem, scilicet Cappam Cardinalium de Scarleto sartam rubeo, aurea cruce in pectore assuta, cum Rocheto albo eisdem Apostolica Autoritate præscripsit; arma etiam, scilicet 24. Alphabeti apices in campo rubeo, pro eorum differentia in senio ipsis deputare curavit. Magna profecto, atque stupenda ijs maximè temporibus optimi, Religiosissimisque Principis liberalitas, qui non censum duntaxat annuum, difficillimis etiam temporibus sustinendis parem, ingenti æris sui, ut ita dicam, profusione ijsdem attribuit, sed & vestes ad decorem omnem splendoremque Principibus etiam tum viris invidendum præscripsit. At non diu eo Rudolphi favore uti Canonici licuit; nam cum is eodem adhuc Anno, millesimo scilicet tercentesimo sexagesimo quinto Mediolani, quo cum Fratre Leopoldo ad ejusdem cum Virida Bernabovis Filia nuptias celebrandas abierat, è vivis excessisset, vestes primùm pretiosas has suas ponere canonici jussu, tum & parcè adeò reddi census annui ijsdem cæpti sunt, ut vix datos sibi à Fundatore titulos, atque munus sustinere pro dignitate possent. Utriusque hujus causam adfert Cuspinianus in Austria sua pag. 65. his verbis, quæ subijcio: Illi Canonici fundati à Rudolpho IV. Duce Austria, quum Cathedralem Ecclesiam erexisset, & simul Gymnasium Viennense fundasset, ordinemque dedisset, ut ex XXIV. Canonici media pars ex Collegio juxta senium illuc assumere-tur ex 4. nationibus, quibus constat universitas ex Australibus, Rhenensibus, Hungaris & Saxonibus: Ita enim omnes studiosi, qui illuc conveniunt discendi causa, partiuntur in has nationes, undecunque confluunt. Reliquam partem Canoniorum Princeps suis Ministris, qui sacris initiari volunt, sibi ad conferendum reservavit. Locupletavit eos censibus annuis, eisque 24. Sacellanos substituit cum quibus & ipsi horas canonicas psallerent. Dedit autem eis peculiarem habitum, quem non alibi in universo Christiano orbe reperies: Clamydem scilicet rubeam ex pur-pura,

pura, ut ferunt, Cardinalis vestem, cum Cruce gemmata in pectus pendente, iussitque totidem fratres de monte Carmelo, quos Henricus primus Dux Austriae D. Leopoldi filius fundavit, & suum illis Burgum, ut alibi diximus, assignavit, eodem numero 24. in medio Canoniconum incederent, & Gentilitium Austriae insigne representarent, scutum scilicet rubeum cum albo inserto per medium. Sed quid facit luxus Hominum! Dum eorum fundator Rudolphus IV. Mediolani esset, ubi etiam vitam suam finivit, praedicti Canonici spernentes tam decorum, honestumque habitum, clam Principe, indultu (ut ajunt) Pontificis veterem abiicientes habitum, qui etiam Cardinalibus displicuisse, ne sibi pares viderentur, communem aliorum Canonitorum habitum ex pellibus varijs scilicet Caputi sibi impetrant, ac assumunt supra lineas suas vestes superpellicia nominant. Id ubi intellexit Princeps fratrem rogat Albertum, ut hunc luxum canoniconum castiget, quod & fecit. Nam defuncto Rudolpho, cum Albertus à Canonici suam & Fratris fundationem requireret, quibus ita erant dotati, ut singuli Canonici scilicet 200. aureos nummos Hungaricos quotannis perpetuo haberent, & ipsorum sacellani quadraginta aureos nummos ejusdem mensurae, arreptis suis literis, quibus Fratris sigillum appendebat, discepserit, in eamque redegit inopiam (si inopia dici potest) ut sacerdotem vellet habere annuos florenos certos centum, aut circiter: Non amplius post multas etiam preces. Secuti sunt hanc Cuspiniani dein sententiam plures alij recentiores Scriptores, atque hos demum communis opinio; quin imò & sequi jam propè ipse meditabar, dum communicato negotio cum Reverendissimo ac Clarissimo viro quopiam Collegiatae hujus Ecclesiae Canonico, & à singulari pietate, & eruditione laudatissimo, geminum errorem Cuspiniani edoctus sum ex literis Urbani summi Pontificis, quae in Tabulario Ecclesiae hujus Colleg. asservantur, quarumque initium hic reddo: Urbanus Episcopus, Servus servorum Dei venerabili Fratri

Fratri Episcopo Brixinensi & dilectis Filijs Ab-
 bati Medlicensis, ac Præposito Neunburgenſis
 per Præpositum ſoliti gubernari, Monasterio-
 rum Pataviensis Diœceſis ſalutem & Apoſtoli-
 cam benedictionem. Viri Eccleſiaſtici, quos
 in Cunctis decet eſſe modeſtos &c. Inſinuat
 dein Pontifex à Deceſſore ſuo Innocentio VI. Rudol-
 pho conceſſum fuiſſe, ut Canonici ab eo fundati ru-
 bris veſtibus uterentur, idque ab Episcopis Gurtzenſi,
 ac Laventinenſi, nec non ab Abbate Monasterii Vien-
 nenſis Scotorum, qui ad exequendum Translationis
 hujus negotium Autoritate Apoſtolica designati fue-
 rant, fuiſſe approbatum, eſſi in literis ſuis, quas ad
 eosdem dederat, nullam hac ſuper re mentionem fe-
 ciſſet. Laudat dein Canonicos dictos, quod & reve-
 renter obedierint, atque veſtes has rubras conſtanter
 tulerint; Videri tamen ſibi innuit, veſtes has ad pom-
 pam potiùs ſecularem, & ad imprudentum non nullo-
 rum ſcandalum, quàm ad religioſam eſſe, decentem-
 que modeſtiam adornatas, hinc & eas his ipsis in literis
 geri deinceps vetat, aliàsque Clericales, ceteriſque a-
 liorum locorum Canonicis conſvetas, ferendas in po-
 ſterum præcipit. *Data hæc litera fuerant Avenione 12.
 Calend. Januarij. Pontificatûs ſui Anno quinto.*

Ex quo apparet, quàm multiplici errore Cuſpianus la-
 pſus ſit quàmque mala fide de mutatis Canonico-
 rum veſtibus ſcripſerit: Non enim contemptu quodam, nec ſolùm
 (ut prædictus Autor inſinuat) indultu Pontificis, ſed
 juffu Sanctæ ſedis compulſi, veſtes has, quas conſtan-
 ter hæctenus ex Fundatoris mente, præſcriptoque ſum-
 mo cum parendi ſtudio geſſerant, poſuere. Neque eti-
 am Rudolphus ob id indignari, literasque ad Fratrem
 Albertum dare potuit, quibus, ut eam inobedientiam,
 luxumque Canonico-
 rum caſtiget, petiſſe eum à Fratre
 Cuſpiniano meminit. Nam obijſſe Rudolphum jam

Anno 1367. apud Eruditos omnes, scriptorésque antiquissimos in comperto est, cum tamen hæ ipsæ Urbani literæ, quibus mutari Canoniorum vestes præcepit Anno Pontificatûs sui quinto primò datæ sint, atque ita quidem Anno à Nativitate Domini 1367.

Illud omnino Cuspinano Concesserim (extant enim hujus certa indicia in Tabular. Colleg. hujus Ecclesiæ) ab eo propè tempore redditus annuos Canonicis his à Rudolpho attributos non parum minui cæptos, ita, ut plurimi eorum gravi rei familiaris penuriâ premerentur, atque successu temporis in minorem eosdem numerum, quo hodieum sunt, redigere opportuerit; quæ verò id ratione, quæ de causa factum sit, ignoratur; fors temporum eorum difficultas, exhaustumque ærarium, fors perficiendo templi hujus magnifico ædificio ingentes faciendi sumptus munifici alias Ducis liberalitatem exhaustere; nisi fors Cuspiniano dicere fas sit, optimum hunc Principem Canonicis nil tale meritis indignatum, quod summi Pontificis voluntati jussisque parentes Purpuram posuerint, atque inde Censûs iisdem imminuisse.

Expeditis igitur ijs, quæ ad Erektionem Collegiatæ hujus Ecclesiæ pertinebant, ordinem quoque ac seriem Præpositorum, qui Ecclesiam hanc usque ad erectum Episcopatum rexerunt, subijcere placuit. Eum apud Lazium reperio in Comment. de rebus Viennens. l. 2. pag. 60. quem & hic subnecto.

Wernherus primus Præpositus Cathedralis Ecclesiæ omnium Sanctorum ad D. Stephanum Vienna à Rudolpho hoc nomine tertio Archi-Duce Austria inauguratur Anno M. CCC. LX.

Albertus à Garzio, sive de Familia fuerat, sive Parochus ejusdem loci, Præpositum Vienna in omnium Sanctorum Cathedrali templo egit Anno salutis M. CCC. LXX.

Herctoldus Præpositus Wienn. M. CCC. LXXXII.

Antonius Præpositus Wienn. Anno M. CCC.

*Vilhelmus Tuers de nobili Austriae prosapia Anno salutis
M. CCCC. XII. Præpositum Wiennens. egit Cathedralis ad
D. Stephanum sive omnes sanctos templi.*

*Albertus Gomes à Schaunburg Præpositum egit Anno
M. CCCC. XL.*

*Jodocus Hansner J. U. Doctor Præposituram Wiennensem
administravit M. CCCC. LX.*

Huic dein Catalogo subjungit Lazius. *A quo tem-
pore Friderici tertij hoc nomine Austria Archi-Ducis, &
in Imperio postea quarti auspicio, & ductu Præpositura E-
piscopatus nomine & permutata & decorata fuit. Ve-
rùm laborat & hic vir optimus non paucis erroribus,
quos, ut refellam, meliorem, sinceriorémque Præpo-
sitorum seriem dabo, prout hæc in Tabular. Colleg.
Ecclesiæ hujus reperitur.*

Primus Præpositus fuit Dominus Joannes Mayrho-
fer, qui postea ad Gurtzensen insulam promotus obiit
Anno 1402. 3. Januarij. Quod confirmant literæ ab
Alberto Passaviensi Episcopo ad eundem Joannem datæ
ipso Anno quo templum D. Stephani in Collegiatam
erectum est, quibus ei, jam ad præpositi dignitatem
evehcto potestatem, Plebani ibidem munere fungendi
tribuit, incipiuntque his verbis: *Albertus Dei gra-
tia Episcopus Pataviensis dilecto nobis in Chri-
sto Joanni dicto Mayrhofer Præbitero no-
stræ Diocesis &c. Uti eas videre est in Tabular.
eiusdem Collég. Ecclesiæ.*

2dus Dom. Bertholdus Wehinger seu ut Lazius scri-
bit Wernher, qui dein Episcopus Frisingensis creatus est,
atque è vivis abiit Anno 1410. mense Septembri die 7.

3tius Dominus Georgius de Liechtenstein Episcopa-
li dein Tridentinæ Ecclesiæ mitrâ donatus.

4tus Fuit Antonius, qui humanis excessit Anno
1406. ad hunc Bonifacius Pontifex summus Anno Pon-
tificatus sui decimo, à Nativitate verò Domini 1398.
Bullam dedit, quibus indulgentias amplissimas Eccle-

siæ huic concedit, quam ex Tabular. Senatûs Civici acceptam apud me etiamnum detineo, incipitque: Bonifacius Episcopus Servus servorum Dei dilecto Filio Antonio Præposito Ecclesiæ omnium Sanctorum in Wienna Patavienl. Diocesis Salutem & Apostolicam benedictionem. Claudit verò: Datum Romæ apud S. Petrum IV. Non. Junij Pontificatûs nostri Anno decimo.

5tus Dominus Wilhelmus Durso, obiitque Anno 1439. postquam Ecclesiæ præfuit annos omnino 34.

6tus Dominus Conradus Zeidler, qui mortuus est Anno 1442.

7mus Alexander Cardinalis titulo S. Laurentij in Damaso, Patriarcha Aquilejensis.

8vus Dominus Albertus de Schaumberg.

Post hos vacasse per aliquot annos deprehendo Præposituram usque ad Annum 1480. quo erigi Episcopatus à Friderico cæptus est, ut ipse Præpositorum ordo in Tabular. Colleg. hujus Ecclesiæ descriptus aperte testatur.

TITULUS X.

De Episcopatu, atque Ecclesia Collegiata in Cathedrali erecta.

UT Imperij initia, progressus, felicitatēque omnem Pietati suæ Augusta semper Domus hæc Austriacorum Principum debuit, ita Majorum Religio, Sanctumque augendi Cultûs Divini studium, quod tam prosperis successibus, Conservatæque hætenus Majestati fulcri instar firmissimi fuerat, nova cæteris incitamenta attulit, ad illud omni, qua poterat, industria, ope, viribus promovendum. Vidimus siquidem hucusque tam pretiosis, magnificisque templum hoc ædificijs, tanto Sacrorum lipsanorum thesauro,

tot

tot annis redditibus, tot honoribus, titulisque auctum, ut desiderari ad summum illius splendorem posse jam nil aliud videretur, quam, ut Episcopali dignitate ceteris ejus ornamentis adjectâ, in Cathedralē quoque Ecclesiā erigeretur, quamvis nec istud deesse diutius passus sit Fridericus ejus nominis tertius Cæsar Augustus, qui ad promovendum hoc pium negotium, quâ literis, quâ precibus, quâ suscepto demum ad ipsa Apostolorum limina permolesto itinere; nihil laboris, industriæque, quod non tentasset, reliquit. Et verò faventibus Romanorum Pontificum literis compotem voti sui haud diu post factum esse Fridericum, Cathedralisque nomine hanc dein Ecclesiā auctam inter Autores ferè omnes quàm optinè Convenit; etsi non ita de Anno, quo nova hæc dignitas primum Viennæ illata est, concors eorum sit opinio, alijs cum Lazio id ad annum 1460. alijs ad 1465. non nullis etiam ad 1480. referentibus. Causam tam diversæ, inquam Scriptores abeunt, sententiæ, complures illos annos dedisse existimo, qui ab impetrata erigendi Episcopatus veniâ ad illud tempus intercesserant, quo Leo de Spaur primus Viennensium Antistitem præesse Ecclesiæ cæperat, dum alij fortassis ab illa, ab hoc rursus alij Episcopatus hujus exordia statunt. Mihi (quid quid ceteri sentiant) non ante Annum 1468. erigendi Episcopatus Friderico Cæsari potestatem factam esse vel ex ipsis Pauli II. literis manifestum est; quas etiam ad majorem fidem faciendam maxima hic sui parte reddo.

Paulus Episcopus Servus servorum Dei ad perpetuam rei memoriam. Supremæ dignitatis specula dispositione superna, quamvis insufficientibus meritis constituti, ad universas fidelium Regiones Curæ nostræ Commisssas sic paternæ considerationis intuitum solerter ex-

tendimus; & sic ad honorum eorum extollentiam, & sublimationem intendere procuramus, quòd ex commendatione, suisque laudabilibus actibus fructus reportasse congaudeant, & ceteri Xsti Fideles eorum imitatione ad virtutum imitanda vestigia eò ferventiùs excitentur. Attendentes itaque, sicut fide dignorum habet assertio, imò & facti notorietas indicat, & charissimus in Xsto Filius noster Fridericus Romanorum Imperator Semper Augustus, qui fervore diviniore accensus, nuper ad visitanda Apostolorum limina ad hanc aliam urbem peregrè se contulit, nobis inter alia explicavit, oppidum suum Viennam Ducatus Austriæ Pataviensis Diocesis benedicente altissimo in Xsti fidelibus multiplicandis, Sacrorum, ac bonorum, & rerum omnium ubertate esse refertum, & in eo studium in omnibus licitis Facultatibus vigere omnino: Insignes viros quàm plurimos in Theologiæ, & Medicinæ, & Philosophiæ Facultatibus, aliisque Facultatibus, artibus, Eruditionibus Commorare, Monasteria quàm plurima utriusque Sexûs Personarum regularium, aliæque Sacræ rei templa, Hospitalia, & pia loca, in quibus Divinus viget cultus, & magna cum veneratione, & solennitate assidue Divina officia celebrantur, consistere, ipsiusque oppidi populum, & Universitatem inter ceteras nationes Germaniæ adeò erga Deum, & Sacro-Sanctam Romanam Ecclesiam eximia

devo-

devotione, & fidelitate fulgere, quòd ex debito gratitudinis pastoralis, & ipsius Imperatoris præclarissimis meritis antecedentibus, eos Apostolica sedes plurimis prosequi debet affectibus, & insignibus majoribus decorare, & propterea respicientes devotis, & humilibus Imperatoris præfati petitionibus, ut detur annuere, atque ipsorum oppidi, ac populi merita Condignis honoribus compensare, eosque spiritualibus, ac temporalibus titulis insignire. Post tractatum, quem iteratis vicibus super his cum venerabilibus Fratribus nostris Romanæ Ecclesiæ Cardinalibus habuimus, diligenti, & matura denique, prout tantæ rei qualitas exigebat, deliberatione secuta, ex præmissis, & non nullis alijs rationabilibus animum meum inducentibus causis ad Divini nominis laudem, & Gloriam, exaltationem sanctæ fidei, & ejusdè Divinicultûs augmentum, ac salutem Fidelium prædictorû oppidi Viennensis præfati ejus Territoriû, & confines, quos præsentibus haberi volumus pro expressis, cum omnibus, & singulis Ecclesijs, Monasterijs, Capellis, tum alijs Ecclesiasticis, & pijs locis, nec non populo, incolis, habitationibus, ceterisque Ecclesiasticis, & secularibus appertinentijs, rebus quibusque, & bonis eorundem in eo, ipsiusque territorio, & districtu consistentibus ab omni Jurisdictione, superioritate, subjectione, & potestate Venerabilis Fratris mei Episcopi Pa-

taviensis moderni, & pro tempore existentis, ac dilectorum Filiorum Capituli Pataviensis, eorundem Vicariorum, & officialium Autoritate Apostolica, tenore præsentium, cum Fratrum eorundem Consilio prorsus eximimus, & perpetuò liberamus, ipsūque Oppidum tanquam locum insignem, & ad hoc congruum, decentem pariter, & honestum in Civitatem Viennensem erigimus, & Civitatem esse, & perpetuis futuris temporibus nuncupari decrevimus. Ipsūque oppidi Collegiatam Ecclesiam, præposituram nuncupatam S. Stephani, aliàs omnium Sanctorum de jure Patronatūs Dilectorum Filiorum Nobilium Virorum Ducum Austriæ, & in qua Præpositura Decanus, Cantoriæ, & Custodiæ dignitates, & quàm plures Canonici & præbendæ, Vicariæ quoque & Capellanæ institutæ, & à lege Diocesana, ac omnimodis jurisdictionibus ejus Episcopi Pataviensis prorsus exemptæ fore noscuntur, in Cathedralem Ecclesiam præminentij, immunitatibus, exemptionibus, libertatibus, & insignijs congruentibus ipsius Ecclesiæ cum titulo Vienn. erigimus, & Episcopalis dignitatis honore & titulo insignimus &c.

Addit præterea his in literis suis Pontifex, velle se, ut Ecclesiæ huic Episcopus præficiatur, idoneꝝ cujus jurisdictioni Territorium Viennense substat, atque ut in hac ipsa Ecclesia Cathedrali, omnes aliæ dignitates, administrationes, Canonici in eo statu, quo ante creationem hujusmodi fuerant, deinceps quoque permanent

neant cum fructibus, & redditibus eorundem, ita-
men, ut omnia, & singula mobilia bona, quæ ante E-
piscopatum hîc institutum ad Præposituram actu vacan-
tem, jure, usûque pertinuerê, unâ cum Castro S. Viti
haud procul Vienna siti dictæ Cathedrali Ecclesiæ acce-
dant; nè tamen bonorum hac translatione damnum
aliquod vel Præpositus ipse, aut Decanus Capituli pa-
tatur, statuit his suis in literis dictus Pontifex, ut, do-
nec dotem aliam, redditusque omnes Fridericus Cæsar
Præposituræ assignaverit, quod is quidem se facturum
spopondit, ab his ipsis bonis, redditibusque Cathedra-
li Ecclesiæ attributis, Censû annuus Præposito, qui
pro eò tempore, atque deinceps fuerit, tribuatur, quo
pro dignitate sua & ali commodè possit, ac munia sua
debitè, & cum decore obire. Indulget præterea Fri-
derico Cæsari, ejusque deinceps Successoribus Austriæ
Archiducibus jus præsentandi viros idoneos in Præ-
positum (ut verbis Pontificis utar) Decanum, Ganto-
rem, & Custodem, nec non ad singulos Canonicatus
& Præbendas, Vicarias, & Capellanas, hac quideni
vice, ac quoties illas vacare contigerit: Data Præpo-
sito hujus Ecclesiæ potestate, instituendi eosdem ac
confirmandi, ac demum has literas suas in hunc mo-
dum claudit dictus Pontifex:

Et nihilominus præfato Præposito & Capi-
tulo condendi quæcunque rationabilia & ho-
nesta statuta, & ordinationes, prout ipsi Ec-
clesiæ congruere Conspexerint, etiam cum ad-
jectione pænarum, & Juramento firmandi pro
illorum observantia Autoritate præfata, tenore
præsentium facultatem concedimus, & etiam
potestatem; Constitutionibus, & ordinationi-
bus Apostolicis, & alijs in contrarium facien-
tibus non obstantibus quibuscunque. Nulli

ergo omnino hominum liceat hanc paginam
nostræ exemptionis, liberationis, Constitutio-
nis, Erektionis, Insignationis, Limitationis,
statuti, voluntatis, rectificationis, & concessio-
nis infringere, vel ausu temerario contraire.
Si quis autem hoc attentare præsumpserit, in-
dignationem omnipotentis Dei, & Beatorum
Petri & Pauli Apostolorum ejus se noverit in-
cursurum. Datum Romæ apud S. Petrum An-
no Incarnationis Divinæ 1468. quinto decimo
Kalend. Februarij, Pontificatûs nostri Anno 4.

Verum, etsi hoc anno erigendi Episcopatum Fride-
ricus Cæsar à Paulo II. Pontifice potestatem, Faculta-
témque obtinuerit, ea tamen ipsa erectio non nisi post
complures annos fieri potuit; partim, quòd tot mole-
stissima per Germaniam itinera, quæ illi suscipienda
fuerant, belli item, vel metus, vel pericula, turba-
tisque Imperij curæ arduæ, atque difficiles, ad alia ne-
gotia animum optimi, providique Principis averte-
runt; partim, quòd in assignando, quem Cæsar, Præ-
posito, atque Capituli Decano promiserat, certo an-
nuo Censu major, quàm credebatur, labor, difficul-
tásque suborta sit. Perrupit tandem pium Friderici
studium, & hunc quoque, qui ponebatur, obicem;
assignavitque utrique eorum bona quædam, proven-
túsque annuos, quos Sixtus IV. dein Anno 1475. rati
habuit, eamque quæ fieri debuit, mutationem, trans-
lationémque probavit, uti literæ illius testantur, quas
& ipsas aliqua sui parte, prout inveni, hoc loco sub-
jungo.

Sixtus Servus servorum Dei ad perpetuam
rei memoriam. Pastoralis officij debitum, quo
sumus universis Ecclesijs orbis obligati, men-

tem nostram assiduis perurget instantijs, ut adeò libenter intendimus, per quod Ecclesiarum, earundem præcipuè Cathedralium, ac in eis famulantium, & dignitatibus, & Ecclesiasticis prædictarum personarum immunitatibus opportunè valeat provideri, & Xsti Fidelium quorumcunque præsertim Principum Catholicorum vota ad id tendentia favore benevolo prosequamur. Sanè ex parte Charissimi in Xsto Filij nostri Friderici Romanorum Imperatoris semper Augusti nuper nobis exhibita petitio continebat; Quòd licèt aliàs Ecclesia S. Stephani, aliàs omnium Sanctorum, tunc oppidi Viennensis in Cathedralē Ecclesiam cum Præposito, & Decano, & certis alijs dignitatibus, officijs Canonicatibus, & præbendis, Privilegijs, ac præeminentijs ad ipsius Imperatoris supplicationes Autoritate Apostolica erecta fuerit, nihilominùs Præpositus, & Decanus dictæ Ecclesiæ, de fructibus, redditibus, & proventibus Ecclesiasticis, quibus statûs sui decentiam congruè recipere, & se commodè sustentare, onerâque eis ratione Præposituræ, & Decanatûs dictæ Ecclesiæ pro tempore incumbētia supportare valeant, nondum sufficienter provisi, & dotati existunt, & si Beatæ Mariæ Virginis in Bertholstorff, qui de jure Patronatûs præfati Imperatoris Romani Ducatûs Austriæ, & pro tempore existentis Ducis Austriæ existit, Præposituræ, & Sancti Martini in Medling,

ling, qui ad collationem, & permissionem Abbatibus, & Conventibus S. Mariæ Virginis Gume-
liæ, ordinis S. Benedicti, Parochiatus Ecclesiæ
Pataviensis Diocesis, & ruri Viennensi Conti-
gui, & vicini existunt, Decanatui prædicto
cum omnibus Juribus, & præminentijs suis
perpetuū unirentur, annecterentur, & in
corporarentur; procul dubio Præpositus, &
Decanus dictæ Ecclesiæ ex crescentibus eorum
redditibus statum suum decentius tenere, & se
sustentare, onerâque prædicta commodius sup-
portare valerent, decorique, & venustati di-
ctæ Ecclesiæ Viennensis, tum Divini cultus au-
gmento opportuniùs consuleretur. Quare
pro parte dicti Imperatoris nobis fuit humiliter
supplicatum, ut B. Mariæ in Berchtolstorff
Præposituræ, & ad S. Martini Parochiales Eccle-
sias prædictas, cum omnibus, & singulis eorum
annexis, & Capellis Decanatui præfato perpe-
tuò unire, annectere & incorporare, alijsque
præmissis oportunè providere, & benignitate
Apostolica dignaremur. Nos igitur &c. Au-
toritate dein Apostolica dictas Ecclesias cum omnibus
ijsdem annexis Juribus Præposito & Decano transcri-
bit, ita quidem, ut easdem Ecclesias vel per se, vel
per Vicarios constitutos, deinceps Præposito, atque
Decano administrare, ipsiisque receptos exinde reddi-
tus, vel in usus suos, vel in Ecclesiæ ipsius bonum,
utilitatēque convertere jus, fasque sit, etsi ne Dio-
cesani sui hac super re consensum, voluntatēque ex-
ploraverint. Eximit deinde easdem Ecclesias, cum o-
mnibus ad illas pertinentibus rebus, & juribus à juris-
dictio-

diſtione Pataviensis Diœceſis, eâſque Epifcopo ſolùm Vienneniſi, quoad juridiſtioneſ ordinariâſ ſubiicit; tandêmque unionis hujus confirmationem his verbis claudit: Datum Romæ apud S. Petrum Anno Incarnationis Dominicæ Milieſimo, quadringentefimo ſeptuageſimo quinto tertio Idus Junij Pontificatûs noſtri anno quarto.

His itaq; ritè ſtatutis, Anno tandem M.CCCC.XXG. Leo de Spaur primus omnium à Friderico Cæſare Urbî huic, atque Eccleſiæ Antiſtes datus eſt, dignus eo honoris gradu, tum ob generis nobiliſſimi ſplendorem, tum verò ob inſignia virtutum decora, quibus plus ornamenti Vienneniſi dediffe Inſulæ viſus eſt, quàm ab ea accepiſſe. Patria illi Tyrolis fuerat, Auſtria verò & pij ſimul laboris palæſtra, & theatrum gloriæ, in qua non procul Vienna Curionis eum, vel ut alij dicere malunt, Plebani munere fundum eſſe, teſtimonia certa extant in Tabulario Collegiatæ Eccleſiæ. Inde ad Epifcopalem Mitram, dignitatêmque evectus, Eccleſiaſticæ libertatis, juriûmque fortiſſimum ſe ſe aſſertorem exhibuit, dignus, quo nova Eccleſia diutiùs frueretur, niſi præclara ejus merita, jam cœlo matura dignis cumulare præmijs Clementiſſimum Numen propeſſet; Anno ſiquidem M.CCCC.LXXXV. Epifcopatu ſimul, ac vitâ exceſſit, cui eodem Anno Bernardus à Friderico ſuffectus eſt.

Bernardus hic cognomento de Rohr Anno M.CCCC.LXXVI. communibus ſuffragijs in Salisburgenſem Epifcopum electus eſt, qua tamen dignitate hæud diu eidem potiri licuit; cùm enim Diœceſim, terrâſque ſuas à Mathia Rege miſerum in modum devaſtari, arces ſibi, atque Eccleſias eripi, ferro, ac flammis partem deperdi maximam cerneret, ultro abdicatam Inſulam Fratri ſuo Joanni Archi-Epiſtoto Strigoniënſi ceſſit, vitam publicis ſine honoribus exigere ſtatuens, quos infauſtos ſibi, pernicioſosque experiebatnr. Verùm

nec diu eidem privatam vitam agere fas fuerat, ad Episcopatus nempe Viennensis mitram à Friderico Cæsare Anno M. CCCC. LXXXV. vocatus est; quam etsi promereri, gerere tamen non potuit, obtinente circa id tempus Viennam Mathia Rege, qui geminos alios, quorum paulo post mentio à nobis fiet, hac dignitate, excluso Bernardô, ornavit. Duabus amissis his insulis vitam sustentavit è Fratris Joannis Salisburgensis tunc Archi-Episcopi liberali submisso subsidio, à quo in Años singulos 4000. Rhenenses accepisse dicitur, donec demum Anno M. CCCC. XGI. è vivis excessit, publico, dignoque Archi-Episcopo funere Salisburgi elatus.

Tertium in Episcoporum Viennensium ordine repetitio Urbanum. Charus is præ primis Mathiæ Regi fuerat, cujus & Ecclesiastem, & Quæstorem egit: Functus præclarè utroque hoc munere, ampliùs sibi Regis animum, favorémque devinciebat, ita ut post occupatam ab illo Viennam, ejus quoque Insulâ donaretur, excluso, ut paulo superiùs meminimus, Bernardo, quem ad dignitatem hanc capeffendam Fridericus Imperator destinaverat. Præfuit huic Ecclesiæ usque ad Annum M. CCCC. XC. quo vita simul, atque Sacris his honoribus est defunctus.

Subrogatus est eidem hoc ipso Anno, qui & Mathiæ Regi ultimus fuerat Joannes. Vir hic erat ingenti Divini honoris Zelo, promovendæque Religionis studio præditus, ob quod & ab ipsis Fidei nostræ hostibus non rarò dilaudabatur. Vespriemensis antea Antistitis titulos gessit, & dignitatem, ea quidem laude, ut dignus haberetur, qui & Viennensi hac in Urbe nostra nova dein Episcopali mitra ornaretur. Gessit hanc Annos propè novem, pari, ut priorem, cum dignitate, pari Religionis ardore, donec tandem Anno salutis M. CCCC. IC. fatis concessit.

Nondiu ab ejus obitu hæc sedes vacaverat, in magni enim Antistitis locum non inferior, seu Pietatem spectes, seu Religionis Zelum, eodem adhuc anno successus

fectus est Bernardus L. B. de Bolhaym. Illustrem hunc Stirpis avitæ, Sanguinisque claritas, magnum Eruditio, Insignem virtus, singula denique dignissimum eo honoris fastigio reddidère, indignus sibi omnium uni, ut videretur, maxima tamen animi sui demissio effecit. Raro siquidem, ac penè inusitato exemplo promereri hanc dignitatem maluit, quàm sustinere. Non recusavit labores, sed honoris duntaxat titulos aspernatus est. Nunquam Episcopus audire voluit, sed Administrator. Ita per annos complures Episcopus sine mitra, dignitatisque insignibus Ecclesiæ præfuit, scilicet usque ad Annum M. D. XIII. vel hoc ipso Maximis Præsulibus comparandus, quod paucos præeuntes illi, paucos & nostra hæc tempora illius videant æmulatores, & sequaces.

Viduatam ut ita dicam, Insulam digniori vertici imponere Maximilianus Cæsar non poterat, quàm dum eam Anno M. D. XIII. Georgio à Sclavonia dicto tradidit, assentiente ipso Leone decimo Pontifice Maximo. Vir erat jam tum à Sapientia, prudentiæque singulari plurimum commendatus, cum ad hunc ipsum Augustum Cæsarem per annos plures Sacro è pulpitio verba faceret, quæ in Administranda dein Viennensi hac Ecclesia clariùs, illustriusque effulsit. Anno M. D. XV. in Divi Stephani æde ad Aras fecerat mitræ insignis, ea in coronatorum Principum, Præsulumque frequentia, qua parem vix unquam Vienna nostra viderat. Intererat tum Sacris Maximilianus Cæsar ipse, tum Sigismundus Poloniæ, atque Uladislaus Hungariæ Reges serenissimi. Aderat & Ludovicus Hungariæ Regis Filius cum Anna Sorore, quorum Sponsus hic Mariæ Castellæ Infantis erat, Sponsa illa Ferdinandi Austriæ Archi-Ducis. Ornamentum insuper non vulgare adjecerunt tot mitris decorata capita; Comitatos nimirum hos Principes fuisse, & Thomam Archi-Episcopum Strigoniensem, Mathæum Gurcensem, Collozensem, & Bremensem Archi-Episcopos lego, Georgium item quin-

quinque Ecclesiensem, Mathiam Vratislaviensem, Stanislaum Olomucensem, Joannem Ratisbonensem, Ladislaum Vaciensem, Wigolaum Passavientem, Christophorum Labacensem, Petrum Primislaviensem Michaelem Bosniensem, Bertholdum Chiemteensem Episcopos, inter quos ad Aras Sola Viennensis Insula emi-
nuit. Praefuit Ecclesiae magna cum laude, inter Caesaris non solum favores, sed & amores Populi Annis decem, finemque & gloriae, & vitae imposuit Anno M. D. XXIII.

Dignus hinc quaerebatur tanto Praefuli successor alius; at melior reperiri nequii Petro Bononio, ab Insula Terestina, quam plures jam per annos magna cum virtutis fama gesserat, jam longe clarissimo. Accersitus hic Viennam, & Ecclesiae commodis Antistes consuluit plurimum, & emolumento publico Camerae simul Praeses, inter amores omnium, populique laudes solerter prospexit. Fractus tandem non tam senio, quo jam Coelo maturus erat, quam laboribus exantlatis, eodem Anno, quo Viennensi Ecclesiae praesse iussus est, Millesimo scilicet quingentesimo vigesimo tertio paucos post menses extinctus.

Hujus post obitum vacare diu haud debuit Ecclesia Viennensis, ad manum siquidem, atque in ipsa Archiducis Aula vir erat, & meritis gravis, & sacris his honoribus dignus Joannes à Revellis, quem & Ferdinandus Archi-Dux Austriae Pastorem eidem breve post intervallum praefecit. Ad hanc dignitatem priusquam eveheretur ab Eleemosynis fuisse, dicto Archi-Duci legitur, quo in munere ita versatus est, ut eam in egenos liberalitatem edoctus videretur, quam ut Praeful dein constanter exercuit, Pauperum omnium asyllum, atque refugium, miseraeque plebis Parens optimus ex merito dictus. Praefuit Annis duntaxat octo, Anno nimirum M. D. XXXI. ad tam profuse, in egenos omnes liberalitatis praemium, ac mercedem in caelum evocatus est.

Successit eodem Anno Joannes Faber magnæ vir doctrinæ, virtutis maximæ; Illa Sacræ illum Theologiæ Doctorem, hæc Ferdinandi Romanorum Regis conscientiae Arbitrum, moderatorémque constituit; utraque ad Episcopalis honoris fastigium eundem evehxit. Hoc in Sacro munere etsi laboribus plurimis distineretur, multos tamen, doctosque prælo subiectos codices reliquit. Inter ceteros Orationes ad Principes Christianos adversus Turcas edidit, multaque de rebus ad fidem pertinentibus, atque in ea controversis scripsit, Amans non literarum minùs, quàm Literatorum omnium Fautor eximius. Testantur id volumina plurima, quibus Universitatis huius Bibliothecam instruxit, & ornavit. Obijt tandem Anno M. D. XLI. magnâ doctrinæ suæ virtutisque famâ apud bonos omnes relictâ.

Qui Anno M. D. XXXVIII. Joanni Fabro in Episcopatu Coadjutor datus est, idem Anno M. D. XLI. vacantem ab illius obitu dignitatem Sacram pleniori jam jure obtinuit, Fridericus scilicet Nausea, Magnum & eo tempore inter eruditos nomen. Coævus cum Luthero, Calvinoque fuerat, palæstram nactus est, in qua Religionis simul, & literarum studium exerceret, & palmas, laurosque meteret. Jus è sacro codice Magister docuit, & è pulpito sacro ad Viennensem populum veritatem fidei propugnavit, libris posthumis Sectariorum errores egregie confutavit. Assertor, Propugnatorque Religionis veteris, Tridentino interfuit Concilio, postquam illud Paulus III. Pontifex Maximus Anno M. D. LI. instaurasset, ubi etiam laboribus immortuus est Anno M. D. LII.

A Neostadiensi Ecclesia ad Viennensem suscipiendum Episcopatum post Friderici funera evocatus est Christophorus Wertwein Anno M. D. LII. XVIII. Februarij, postquam Consiliarij prius apud Ferdinandum Romanorum Regem munus, tum & conscientiae illius Arbitrum egisset. Charus non minùs Principi, ac popu-

lo omni. Vir erat spei maximæ, nisi eum citiùs, quàm credebatur, invida fata eripuissent, altero siquidem ab inito Episcopatu Anno, Menſe Aprili humanis eſt creptus.

Mitigatus eſt brevi dolor urbis hujus ob amiſſum ſuum Præſulem, cùm parem virtute, vigilantia, zeloque Religionis in Antonio de Mugliz invenit. Crucigerorum Stellæ rubræ ſupremus per Bohemiam, Moraviam, Poloniàmque hic Magiſter fuerat, antequam ad Paſtoris Inſulati munus Viennam evocaretur; quo in munere, cùm ante ſuſceptum Eccleſiæ hujus regimen ſtrenuus jam Fidei, Religionisque deſenſor audiret, à ſacris hiſ iſtis honoribus, ad majora in fidei hoſtes audenda animos, virẽsque ſumpſit. Dignus proinde habitus eſt, qui ad altius dignitatis ſaſtigium eveheretur, Inſulam namque Viennenſem, quam Anno M.D.LIII. obtinuit, cum Pragenſi commutare juſſus, ex Præſule Archi-Præſul factus eſt Anno ſalutis noſtræ M.D.LXII.

In hujus locum ſubrogare placuit Urbanum Episcopum Gurcenſem, qui præter Eccleſiam ſuam per plures annos Viennenſis quoque Episcopii munus adminiſtravit, charus adeò Principibus, tum ob virtutem eximiam, tum ob rerum, negotiorumque tractandorum peritiam, ut Imperator eum ſibi à Conſilijs eſſe, Palatinusque Comit̃s dignitatem ſuſtinere voluerit; Carolus verò Archi-Dux in intimum Conſilium eundem adlegerit, apud quem & Eccleſiaſtiſ Aulici munere non ſine laudum ampliſſimarum encomio functus eſt.

Virtus & Doctrina inſignis poſt Urbanum Eccleſiæ Viennenſi Episcopum dedit Joannem Caſparum Neubeck, qui Friburgi Briſgoiæ è Sacro ſimul, ac Scholaſtico pulpito antea Doctorem egit, Magnifici inſuper Rectoris ibidem munus, titulosque ſuſtinens, tandem Anno M.D. LXXIV. à Maximiliano II. Cæſare, Episcopuſ nominatus, Anno ſequenti à Gregorio XIII. confirmatus, atque à Stephano Feierkuvio Veſprinienſi Episcopopo conſecratus eſt. Præſuit Eccleſiæ huic inter
labo-

liberes plurimos Annis omnino viginti, piéque, ut vi-
xit, obiit Anno M. D. XCIV.

Dubium videri meritò poterit, plúsne in exornan-
do, provehendóque Melchiore Klefelio Austriacorum
Principum favor, an Romanorum Pontificum munifi-
centia laborárit. Utrisque plurimùm auctæ dignita-
tis ornamenta debuit; at initia eorundem soli Rudol-
pho II. Hic cum ex Sanctissimi Domini nostri Alu-
mno, Cathedralis primùm hujus Ecclesiæ Præpositum,
Universitatis Cancellarium dein, & Restorem Magni-
ficum statuit. Quibus gradibus usus, facile ad altiora con-
scendit, Neostadiensis enim simul, ac Viennensis Ec-
clesiæ Administrator dictus, eâ prudentiâ, virtutéque
præfuit, ut Anno 1602. XXIX. Januarij solenni ritu
Viennensi Insulâ sit inauguratus, consentiente summo
Pontifice, ut & huic Neostadiensem mitram conjunge-
ret. Exhaustire cumulati cum honoribus labores alte-
rius vires poterant, at non ita Klefeli animum, cui
aucta dignitas novo incitamento fuerat ad majora indi-
ces honorum merita cumulanda. Nec vinci se passâ est
Principum liberalitas, cum siquidem Mathias I. Con-
siliij intimi directorem Anno M. DC. XIV. creavit,
Paulus V. Anno M. DC. XVI. in Purpuratorum Eccle-
siæ Principum Collegium adlegit. Altius jam in hu-
manis surgere cùm vix posset, Anno tandem
M. DC. XXX. ætatis 77. die 18. Septembr. virtutum,
patientiæque meritis gravis cælum petijt, etiam post
mortem Viennensi Ecclesiæ gratus, cujus in bonum se-
nos in Cæsareo S. J. Convictorum Collegio Alumnos
instituit.

Demortuo Klefelio Provida Cæsaris Ferdinandi cura
non minoris virtutis Antistitem substituit Antonium
Wolffrath, qui pari propè gradu, quo Decessor suus,
adsummum dignitatis culmen est eluctatus. Romæ
primùm Theologica placita cùm propugnaret, Purpu-
ratos Ecclesiæ Principes Baronium, & Bellarminum
Antagonistas magna sui cum laude sustinuit; Theolo-

gicâ subinde purpurâ ornatus Cremisani Abbas præesse quidem suis iussus est, at nobilior illum Viennensis Ecclesiæ mitra expectabat, qua favore Ferdinandi II. Anno M. DC. XXXI. ornatus est. Hic primus omnium celsissimi Principis titulos ab eodem Cæsare obtinuit, eosque successoribus deinceps suis perpetuos transmisit: Qui eidem quoque & Aulam magnificè constructam, & refertam præstantissimis libris Bibliothecam referre in acceptis debent. Curis Ecclesiæ negotia quoque Reipublicæ conjunxit; dum à Cæsare Augustæ Cameræ Præses præfectus, intimùmque in Consiliū adscitus est. Tot laboribus exhaustus lugente Ecclesia Anno M. DC. XXXIX. obiit, famâ insigni virtutis. Prudentiæque apud Posteris relicta.

Auctam nova Principis dignitate ab Antonio Ecclesiam, mirâ vitæ Sanctimoniâ successor ejus illustriorem multò reddidit. Erat is Philippus Fridericus Comitibus de Breuner, vir & morum innocentia, & pietatis studio, & virtutum omnium ornamentis insignis; quem ad Episcopales Insulas Anno M. DC. XXXIX. Ferdinandus III. promovit. Nihil in hoc honoris fastigio à veteri demissione animi, nihil à probitate, Sanctimoniæque vitæ remiserat, tantò sibi ipsi vilior, quò major alijs, venerationeque dignior videbatur. Raro Episcopus exemplo deferre Sacrum persæpè viaticum ad moribundos ipsemet visus est, nudis etiam non nunquam ob tanti Numinis reverentiam pedibus, nocturno maximè tempore, nè à pluribus observaretur. Quàm pius in Deum, tam liberalis in hanc Divi Stephani Basilicam extitit, quam plurimis ornamentis, sacrisque apparatus auxit impendio facilè 61475. Rhenensium. Sanctè ut vixit, ita sanctè obiit Anno M. DC. LXIX. ætatis suæ 72.

Orbatæ Ecclesiæ de novo Pastore providit Leopoldi pia cura, dum eidem Vildericum L. B. de Wallendorff præfecit. Ad maxima virum hunc natum, factumque esse, prima in ætate virile ingenium,

Con-

Consiliique ferax ejus animus prodidit. Primo enim annorum in flore inter Consiliarios adlectus, mox etiam Imperij Pro-Cancellarius dictus est, in qua utraque dignitate, & Sagacitatem animi sui miram, & velocitatem in dandis, capiendisque Consilijs singularem probavit. Tàm benè meritum à profanis negotijs ad Sacratiora Leopoldus Cæsar Anno M. DC. LXIX transiit, Viennensique Insula donavit, quam per annos 10. gessit, scilicet ad annum usque M. DC. LXXX. quo post labores ad præmium immortale transiit.

Non sublimes duntaxat, nobilesque vertices, sed & humile quandoque caput Insulæ ambiunt; quod si aliàs unquam, certè in Emerico Sinelli evenit. Vir magnis naturæ, animique instructus dotibus, ut honores fugeret, latere in claustro voluit, ordinem Fratrum minorum S. Francisci reformatorum, quos Capucinos vulgò dicimus, ingressus, at non abdere ita, celarèque egregia ornamenta animi poterat, quin ea Sacra illius Eloquentia, qua polebat plurimùm, longè latèque divulgaret. Hinc fama de illo, ingensque existimatio in populo, atque in Leopoldo Cæsare ipso præclara de illo suborta est opinio, quæ illi & honores amplissimos peperit. Nil enim tale meditantem Pijssimus Princeps Anno M. DC. LXXX. è Monasterio ad urbis suæ Insulam evocavit, qua dignitate auctus vestem posuit, non animum semper sibi constantem. Etiam Episcopus Sacris sæpiùs è rostris pro concione dicere auditus eo ardore, verborumque pondere, ut non nisi Emericus Facundus à populo audiret, qui multis etiam laichrymis Anno M. DC. LXXXV. demortuum est profectus.

Illustravit vacantem rursus post obitum Sinellij Viennensem hanc Insulam, novo non tam generis sui, quàm virtutum insigni splendore Ernestus è Comitibus de Trautson ad hanc à Leopoldo Cæsare assumptus Anno M. DC. LXXXV. Nihil non erat in illo magnum, seu sanguinem, seu Pietatem, seu literas spectes; at

eminuit super cetera insignis illius in indigos munificencia. Experti hanc præprimis sunt mendicantium Asceteria, & ordines, ac Religiosæ propè Domus singulæ, tum verò ipsa Divi Stephani hæc Sacra Basilica, quam aris, & ornamentis compluribus, magnique pretij rebus auxit, & ornavit. Tàm præclaræ erga Deum liberalitatis mercedem ut inter cœlites reciperet, ex hac vita abiit Anno M. DCC. II. 7. Januarij.

Quæ alijs honorum culmen fuerat Viennensis mitra, hæc Francisco Antonio pro gradu servijt, ut ad altiora conscenderet. Ex Comitum de Harraeh Illustrissima, Nobilissimâque ortus Prosapia, literas, virtutem, rerumque gerendarum peritiam, quarum singulæ magnum eum reddere poterant, ita arctè cum magno conjunxit genere, ut quam præ ceteris dotem in illo æstimet, nemo facilè prudens, sapiensque discernat. Æstimavit collecta in illo hæc ornamenta omnia adeò Leopoldus Cæsar, ut cùm de sufficiendo digno Præsule providè circumspiceret, aptiorem inveniret neminem Francisco Antonio. Et certè meliorem neque deligere Sagacissimus Cæsarum potuit, nec dignior Ecclesiæ obtingere. Illud solum doluit Vienna omnis, tàm citò amorem sibi suum ablatum; si dolere tamen potuit, illi, quem tanto amore complectebatur, novum honoris, dignitatisque decus multò præstantius accessisse; Salisburgenfi nempe Ecclesiæ Archi-Episcopus delectus, magnam Insulam Viennensem cum ampliori mutavit. Fruitur hac etiamnum ad publicam utilitatem, honorumque omnium emolumentum, atque ad insigne quoque Maximæ Familiæ decus, ac gloriam, frueturque in seros deinceps Annos, quando tot subditorum devoti animi, nunquam cessabunt pro amantissimi Principis sui, optimique Patris longæva incolumitate, precibus, suspiriisque elementissimum Numen interpellare.

Promoto ad Salisburgenfis Archi-Episcopatus dignitatem Francisco Antonio, Præsul Viennæ, successor-
que

que datus est Franciscus Ferdinandus ex Baronibus de Rumel. Natus is in hanc lucem fuerat Anno M. DC. XXXXII. ipso die SS. Simoni & Judæ Sacro. Indolem à primis incunabulis & bonam, & scientiarum capacem omnium nactus. Absolutis subinde Ingolstadiensi in Academia literarum studiis ob præclaras animi dotes, ingeniumque artibus propè omnibus instructum, dignus judicatus est, quem Leopoldus Magnus in Aulam suam accerferet, ei que Primogenitum suum, Imperiique Sceptris gerendis destinatum Archiducem Josephum probè literis, scientiisque excolendum traderet. Tàm splendido non minùs, quàm laborioso muneri in Annos 12. Franciscus præfuit, eâ providâ curâ, eâ industriâ, atque laude, ut & Serenissimi sibi Filij, & Augustissimi quoque Parentis amorem, favorésque non exiguos conciliârit, qui tàm largè in eum profundeabantur, ut Episcopus primùm Tinnienlis, Præpositus dein ad S. Crucem Vratislaviæ, Scholasticus in Gross-Glokau, ac demum Præpositus Ardaggenlis sit designatus. Sufficere hæc videri poterant Francisco impensè laboris sui præmia; at minora illa omnia, nec satis Majestæte sua digna Clementissimus Cæsar Josephus I. arbitrabatur, qui quantum viri hujus institutioni debeat apprimè noverat. Hinc ceteris favoribus, & Insulam quoque urbis hujus amplissimæ adjecit Anno M. DCC. VI. Gessit hanc Franciscus in annos complures ingenti cum approbatione omnium, virtutumque suarum insigni laude, donec meritis plenus obiit, multis opibus, bonisque ditatam Ecclesiam cum dignitate amplissima successoribus suis relinquens.

Ad ultimum, atque ita ad ceterarum virtutum, quibus reliqui Antistites Ecclesiam hanc Viennensem exorârunt, omnium compendium devenio, scilicet ad Sigismundum è Comitibus de Kolloniz. Romana ille olim sapientiæ in sede Naturæ arcana, tum & Sacratiores disciplinas singulari ingenij commendatione edo-

Etus est, ubi etiam post breve intervallum ex utraque
 Arte Magister ex merito est renunciatus. Ita litteratos
 adeptus honores ad sacras quoque Ecclesiæ dignitates
 In Patriam rediit, vix enim ad Patrum suum, Purpu-
 ratumque Ecclesiæ Principem Leopoldum Strigoni-
 sem tunc Archi-Episcopum reversus est, cum in Eccle-
 siæ illius Canonicum adlegeretur: Inde ad triplicem
 illi Insulam facile gradus fuerat, Scutariensem primò,
 dein Vacientsem, donec & Viennensis illi favore, be-
 neficiòque Caroli VI. Augustissimi Cæsaris obtigit;
 quam tot tantisque virtutibus, fidèque in Maximum
 Cæsarem constanti præ alijs omnibus mereri videba-
 tur. Non ignorabat nempe magnus Carolus arden-
 tem in illo zelum, promovendæque Religionis studium,
 quo Vacientis Antistes Calvinii, ac Lutheri Affe-
 clas omnes vel ad Romana Sacra reduxit, vel exesse
 urbi suæ voluit; non ignorabat providam illius mu-
 nificentiam, curam, ac Sollicitudinem, qua laboran-
 tis Ecclesiæ commodis liberalissimus Præsul prospicie-
 bat, dum Episcopalem Vacij Aulam è ruinis reparavit,
 numero, & annuo censu Canonicos auxit, Cathedra-
 lis Templi ædificia restauravit, illudque generis omnis
 ornamentis instruxit, Scholam demum etiam evoca-
 catis Vacium Magistris ad utilitatem publicam aperuit.
 Non ignorabat denique fidem illius in Augustissimam
 Domum suam Austriacam, quam nè amitteret in revo-
 lutione Hungariæ tam Patriæ luctuosa, damna perfer-
 re maluit gravissima, necessariòque propè, quo victi-
 tabat, censu privari. His ille meritis Princeps Imperij,
 urbisque nostræ Præsul creatus est, his iisdem, &
 favorem sibi Cæsaris, & Procerum studia, & populi
 universi amorem, venerationemque conciliat. His
 denique ad novos honorum titulos, quos favente nu-
 per Roma Carolus ei Cæsar designavit, est eluctatus.
 Vidit nempe hucusque Vienna nostra XXII. suæ Ec-
 clesiæ vel Administratorum, vel Antistitum nomine
 præesse Præsules, à virtute, literis, rebusque gestis
 maxi.

maximos, at in nullo præter Sigismundum Archi-Episcopi dignitatem est venerata. Hanc conferre eidem Cæsar nititur, jamque sedes Romana anquit. Superi benigni Magnum Cæsarem cum Magno Præfule diu bono publico saluum servant, & incolumem, illum, ut Reipublicæ, Regnóque suo felix diu domi, bellique præsit, illud regat, & augeat, hunc, ut Ecclesiæ incrementis vigilans Archi-Præful prospiciat; illum, ut à Majoribus suis erectam Ecclesiam. tot dignitatibus auctam pietate planè, qua est, Austriaca, novis ornamentis, grandioribusque exornet titulis. Hunc, ut destinatis à tanto Principe honoribus diu fruatur, eosque non nisi seros ad Successores suos transmittat.

TITULUS XI.

*De Sacro Thesaurò hac in Ecclesia
asservato.*

NE in exornanda D. Stephani hac Sacra Basilica ultimum pietatis Austriacæ genus deesset, quam superbo, rarique operis ædificio Principum horum munificentia antea ampliavit, annuis censibus liberalissime instruxit, in Collegiatam primùm Ecclesiam, tum & Cathedralē erexit, ac denique in Metropolitanam etiam evehere hoc ipso tempore meditatur; Thesaurò quoque eam ipsam ornavit tantò pretiosiore, quò sacra profanis longè semper potiora sunt. Divina humanis. Sanctorum nempe Lipsana ex omnibus penè Provinciis huc advecta intelligo, quibus ita Ecclesia isthæc instructa est, ut seu numerum spectes, seu pretium, nulli facile per Germaniam saltem nostram, Sacræ Basilicæ sit concessura. Ut templi ipsius, ita & Sacri hujus Thesauri Autor omnium primus, fundatorque Rudolphus IV. fuerat, qui nulli curæ, laborique in Sanctorum corporum colligendis reliquijs, nullis in exornandis illis sumptibus unquam pepercit, quin imò

G s

gra-

gravia etiam ipse, ac permolesta suscepit itinera, ut, si quod singularis pretij Sacrum pignus in vicinis Provincijs per Germaniam reperiretur, suis illud precibus impetratum ad D. Stephani Sacram Viennæ ædem referret; quod Archi-Ducis ipsiq; litteræ in Tabular. Colleg. Ecclesiæ asservatæ testantur, quas hic reddo, tum ut pium hujus Principis studium suis ipsius verbis clariùs elucescat, tum, ut his ipsis, quæ infra recensebimus Sacris lipsanis, major à tanti Archi-Ducis testimonio auctoritas accedat. Ea igitur literarum earum verba sunt:

Nos Rudolphus Dei Gratia Archi-Dux Austriæ &c. Significamus universis Christi fidelibus in perpetuum, præsentibus, & futuris, quod nos eo tempore, quo recolendæ memoriæ Albertus quondam Dux Austriæ, Dilectus noster Dominus, & Genitor prima vice ad terras nostras superiores Sueviæ nos destinaverit, in Brisacum venimus 3. Calend. Maij de Anno Domini M. CCC. XXXXXVIII. ætatis nostræ Anno XIX. ac ibidem petivimus humiliter, & purè propter Deum, quatenus nobis Convideretur, & donaretur de duobus sanctis corporibus Beatorum Gervasij & Protasij, illuc de Mediolano translatorum, ac loco quiescentium in eodem; de qua petitione à Presbyteris, & oppidanis ibidem fuimus cum magna Solennitate, & decencia exauditi, nobisque condita fuerant sanctissima corpora prædictorum. Deinde eodem Anno IV. Non. Maij corpora Ssm. Martyrum Felicis & Adæucti ob preces nostras votivas, & humiles, nec non purè, & sim.

simpliciter propter Deum, per Venerabiles, & Religiosas in Xsto Abbatissam, & Conventum Monasterij in Erstain, Ord. S. Benedicti Argentinensis Diœcesis in Alsatia nobis oblata fuerant, & donata, quæ etiam reverenter, & cum magna devotione recepimus, prout ex merito debebamus. Post hæc, defuncto dicto quondam nostro Genitore, cum prima vice ad dictas terras Sueviæ ascendimus sub Anno Domini M. CCC. XXXXXX. in die Sancti Stephani Proto-Martyris ætatis nostræ Anno XXI. in Augia Majori propè Constantiam applicavimus, ac Religiosos, & Venerabiles in Christo Abbatem, & Conventum Monasterij ibidem Ord. S. Benedicti Constantiensis Diœcesis exoravimus humiliter propter Deum, quatenus nobis corpora Sanctorum Joannis & Pauli, quæ ibidem quieverunt, nobis donare dignarentur, quæ habere desideravimus cum magna devotione, & integro desiderio nostri cordis; super quo ex gratia S. Spiritus propter Deum, & preces nostras sedulas donaverunt. Quæ quidem duo corpora, unâ cum dictis quatuor corporibus Sanctorum Gervasij & Protasij, Felicis & Adaucti, cantu laudabili, magnis orationibus, & devotione intensa, nec non ornatu eximio in Civitatem nostram Viennensem per alveum Danubij deduximus reverenter, & hæc corpora in honore omnipotentis Dei manibus nostris in hunc sarcophagum deposuimus,

mus, quem substantiâ nostrâ fecimus compari. Et hoc totum obtulimus, & donavimus purè propter Deum, & in honore Sancto-
rum omnium ad Ecclesiam S. Stephani in Vienna, in qua nos, Serenissima Catharina de Bohemia, Domini Caroli Romani Imperatoris Filia, nostra Conthoralis, nec non illustres Albertus, & Leopoldus Fratres nostri Charissimi post nostros discessus aspirante altissimo feliciter quiescemus, ut Deus omnipotens, in cujus voluntate, & potestate cuncta subsistunt, nobis, & dictis nostris Conthorali, & Fratribus, omnibusque nostris successoribus in hac vita donet, & concedat prosperitatem, & salutem, ac vitam æternam sæculo in futuro Amen. Acta sunt hæc Viennæ in Vigilia die Sanctæ Pentecostes sub Anno M. CCC. LXIII. ætatis nostræ Vicesimo quarto; Regiminis verò quinto Annis.

Præter Sex hæc Sanctorum corpora, alia quoque ingentis & numeri, & pretij S. Lipsana hæc in Ecclesia reperiuntur, tum ab eodem Rudolpho collecta, tum à successoribus ejus templo huic donata, quorum Syllabum dabo: Divisa hæc in tres classes sunt quarum prima auro, argentoque, tum & unionibus, ac gemmis varijs exornata continentur hoc ordine. 1. Argentea Christi Imago, in qua variæ olim Sanctorum reliquæ repositæ fuerant, ponderat 46. marchas argenti, eamque Anno 1496. ex antiquis argenti fragmentis in Cuvodia repertis factam fuisse intelligo. 2. Argentea pariter effigies S. Leopoldi Patroni Austriæ, in qua Reliquiæ S. Stephani Proto-Martyris: eam Anno 1641. Sena-

Senatus civicus elaborari curavit, ut sequentes insculptæ literæ indicant: S. P. Q. V. Fieri fecit. 3. Imago S. Stephani pariter ex argento, cumque iisdem literis metallo incisus: in hanc imaginem Dominus Joannes Prugger Custos, Anno 1666. sequentes reliquias imposuit nempe S. Joannis Baptistæ. 6. dentes S. Apolloniæ. S. Agathæ. Deligno S. Crucis. S. Christophori. De præsepio Domini. S. Achatij. S. Panthaleonis. S. Barbaræ Virg. & Martyr. S. Catharinæ. S. Margarethæ. S. Hedwigis & XI. millium Virginum. Ex capite item S. Georgij. 4. Argentea imago S. Stephani manu lapidem tenens, quem inter illos fuisse volunt, quibus gloriosus hic Proto-Martyr. oppressus est. 5. Caput S. Gregorij Nazianzeni argenteæ thecæ inclusum. 6. Caput S. Andreæ, qui fuit è numero 72. Discipulorum Christi, argenteæ capsæ impositum. 7. De brachio S. Stephani Regis Hungariæ pars utcunque magna, auro, argentoque solido vestita. 8. Argentea capsula in formam, modumque hierothecarum elaborata, in qua è brachio S. Euphemie lipsana Sacra sunt recondita. 9. Hierotheca argentea 23 marchas ut vulgò dicimus, ponderans, quam Anno 1615. 16. Januarij Mathias Imperator Cardinali Klesellio dono dederat. 10. Pars magna de cruce S. Andreæ Apostoli cum illius argentea effigie. 11. Ex mensali linteo, seu mappa, qua Christus in cæna ultima cum Discipulis usus dicitur, in qua hæc verba leguntur. Pars mensalis Domini: Hanc Rex Ludovicus Archiduci peramicus, Xsti mensalis partem dedit Ungariculis. 12. Ex fascijs quibus Christus involvebatur pars major, additis his verbis: Linteolum Christi Rudolphus Dux Templo talit isti. 13. Insignes Reliquiæ ex linteo, quo Christi in sepulchro corpus involvebatur, in cujus 4. partibus 4. Evangelistarum effigies cum inscriptione: Rudolpho Duci Austriæ

Austriæ de Sudario Crucifixi Ecce Moguntino venit hoc Antistite digno. 14. Capſa argentea, auróque obducta, supra quam reſurgentis ſervatoris eſſigies cum duobus cœleſtibus Genijs pari è metallo aſfabrè elaboratis, in qua liſſana Sacra SS. Gervasii & Prothaſij Martyr. item SS. Felicis, & Adaucti: hanc thecam ære ſuo curavit Dominus Wilhelmus Rechthberger Cæſaris Archiater. 15. In alia argentea theca variorum Sanctorum reliquæ. 16. Mitra pretioſiſſima unionibus copioſè ornata, quam templo Cardinalis Kleſelius donaverat. 17. Duæ capſæ argenteæ paris formæ vitris inſtruæ, quæ varia iterum SS. liſſana includunt. 18. Argentea in Hierothecæ formam elaborata capſa, in qua oſſiculum reperitur ex humeris S. Catharinæ item liſſana S. Eucherij Archi-Epiſcopi, & S. Wolſgangi Regis Angliæ. 19. Ejusdem propè formæ altera, quæ partem cinguli B. Mariæ Virginis continet. 20. Similis theca, in qua ſervantur liſſana SS. Fridolini, Prothaſij, Laurentij, Concordiæ & Gertrudis. 21. In eundem modum, formamque redacta theca argentea, in qua videtur os ex brachio S. Mauritiij. 22. Capſa argentea hierothecæ ſpeciem referens, quæ ſolennes includit reliquias ex brachio S. Proto-Martyris Stephani. 23. Vitrum copioſo argento, auróque inductum, in quo ex brachio S. Nicolai Epiſcopi Sacra liſſana continentur. 24. Vitrum auro, argentoque in hierothecæ ſpeciem exornatum, in quo fruſum clavi, quo Chriſtus cruci ſuſſixus eſt, à Mathia Cæſare, & Imperatrice Anna templo donatum, ut adjecta inſcriptio exhibet. 25. Theca argentea formæ à priori haud diverſæ, quæ S. Rochi Sacras reliquias exhibet ſumptibus Domini Raphaëlis à Niſſchen Canonici, ac Cuſtodis facta. 26. Crux argentea, auróque inducta, multis gemmis dives, quæ particulam Sanctiſſimæ crucis complectitur. 27. Alia crux eodem ex metallo cum varijs ſacris liſſanis, inter quæ & dens

unus S. Dorotheæ. 28. Theca argentea reliquias S. Urbani, S. Catharinæ, Bernardi, Ruperti, & Wilhelmi, S. item Andræ Apostoli, S. Elisabethæ, spinam item ex corona Christi unâ cum gemmis magni pretij includens. 29. Capsa in hierothecæ formam ex argento constructa, in qua reliquiæ S. Reginæ. 30. Ejusdem formæ altera varijs gemmis distincta cum varijs sanctorum lipsanis. 31. Capsa in speciem sagittæ ex argento fabricata, aurâque obducta, in qua cranium S. Sebastiani; Inscriptionē una sui parte exhibet sequentem. Reliquiæ SS. Fabiani & Sebastiani, ex altera sequens legitur: SS. Fabiane, & Sebastiane orate pro C. S. D. & R. S. N. A. Conjugibus MDCXII. 32. Aurea crux pedi insistens cupreo & inaurato. 33. Ex puro auro crux altera, in qua particula de sanctissima Christi cruce. 34. In hierothecæ speciem ex argento elaborata capsula multis pretiosis gemmis dives, quæ capillos B. Virginis Mariæ includit. Inscriptus illi olim legebatur numerus Anni 1190. at dein pretiosas has reliquias novis sumptibus vestiri curavit Reverendissimus Dominus Mathias della Massa, Cathedralis hujus Ecclesiæ Canonicus, & Senior Anno 1677. 35. Crux affabrè elaborata cum 2. Latronibus, adstantibus præterea Virgine Matre, ac charo discipulo Joanne, ad pedes verò procumbente Maria Magdalena: pretium addunt eidem 4. ingentis & formæ, & splendoris gemmæ. 36. Vitrum per elegans, quod reliquias S. Hermetis Martyris exhibet. 37. Paris formæ, sed ex argento capsula alia diversis plena sanctorum lipsanis. 38. Theca ex argento facta, in qua particula desponsa, qua Christus potatus fuit in cruce, de panno item, quo Christus fuit præcinctus, de ligno crucis. 39. Lipsana S. Reginæ, S. Stephani, S. Felicitatis, S. Ruperti, & S. Damasceni in concham miræ pulchritudinis reposita. 40. Vitrum pedi innitens argenteo, quod claudit reliquias S. Margaritæ V. & M. Item S. Lucij

cij Regis Angliæ, & particulam de capite S. Leodegardi. 41. Imago S. Catharinæ ex argento cum rota & ense, ex eodem metallo. 42. Calix, quo usus est S. Rupertus Archi-Episcopus Salisburgensis. 43. Ovum struthionis argento exornatum, in quo plura Sanctorum lippiana. 44. Simile ovum alterum basi, seu pedi argenteo impositum reliquias SS. Afræ, Georgij, & Saturnini M.M. servans. 45. Capsa argentea 4. vitris instructa, in qua integer parvus pusio ex Innocentibus illis ab Herode occisis asservatur, quæ solennes reliquiæ ipso Innocentum festo die publicæ venerationi populi exponitur. 46. Similis argentea theca, in qua gemina capita SS. Cosmæ & Damiani, quæ festo ipsorum die, dum Facultas Medica solennia sua celebrat inter tubarum, tympanorumque strepitum supplicatione publica circumferuntur. 47. In cuprea, aurôque inducta capsâ corpus S. Virginis Verenæ, quam sumptibus suis Reverendi Domini, Ecclesiæ hujus Curati Anno 1640. fieri curârunt. 48. Pretiosissima crux varias includens reliquias geminis diversis distinctas, quam pretio 225. florenorum Dominus Stephanus de Zwierschlag curatam templo est largitus. 49. Manus argentea atque inaurata, in qua reclusa lippiana S. Cunegundis Virginis. 50. Manus altera ex simili metallo, sanguinem ex brachio S. Stephani continens, quam Illustrissimus Dominus Comes Balthasar Hoies Anno 1617. fieri curavit. 51. & 52. similes manus argenteæ, aurôque inducto geminæ, in quarum una pars ex brachio S. Laurentij Martyris, in altera brachium S. Colomanni conclusum cernitur, quod Regina Gallie Elisabetha Anno 1590. argento vestiri curaverat. 53. Argentea rursus manus unionibus varij generis, pretiosôque labore ornata, quæ brachium S. Fabiani Martyris complectitur. 54. Binæ capsæ argento divites: in prima horum de interiore veste B. Virginis. Reliquiæ S. Laurentij, & officulum ex brachio S. Bartholomæi & S. Clementis Martyris. In secunda lippiana S. Philippî Apostoli, S. Ag-

S. Agnetis V. & M. S. Conradi, tres spinæ item ex corona Christi, quarum primam à Joanne Rege Galliæ acceptam, Archi-Dux & Fundator Rudolphus IV. templo dedit. His ipsis caplis addita inscriptio sequens: Suis sumptibus fieri fecit Anno 1665. Celsissimus & Reverendissimus Episcopus S. R. I. Princeps Philippus Fridericus Breüner. Constat hæc capsula utraque pretio 600. propè florenorum. 55. Reliquiæ ex S. Quirini Episcopi, & Martyris brachio, in theca argentea conclusæ. 56. Similis formæ altera ex pari metallo auro inducta, in qua reliquiæ ex brachio S. Achatij Martyris continentur. 57. Capse tres aureæ, adamantibus, unionibusque distinctæ in quibus ex corona Christi particula cum alijs olim Sanctorum Ipsiænis includebatur, sed quæ dein in alias thecas translatae sunt.

Secunda reliquiarum earum classis est, quæ nec auro, nec argento vestitæ, alijs tamen suis ornamentis non carent. Primum inter has locum obtinent corpora SS. Martyrum Chrysanthi, Cyriaci, & Marcellini Anno 1644. Romæ huc ab Urbano VIII. Celsissimo ac Reverendissimo Domino Philippo Friderico Episcopo Viennensi missa, & in hanc cathedralem S. Stephani ædem solenni pompa illata, quæ diversis tribus cistis ligneis, vitris, rubroque holoserico interiùs instructis, includuntur. 2. Corpus S. Fridolini Confessoris, qui Scotiæ, Hiberniæque Regis filius fuerat additò authenticæ membranæ inscriptò, ut sequitur: Anno Domini M CCC L VIII. XIII. Januarij Magaretha de Grynberg Abbâtissa monasterij Seconiensis, Constantiensis Diocesis donavit corpus S. Fridolini, ejus apertò Sarcophagò, qui clausus ibidem tenebatur, nongentis annis, & ultra, illustri Principi Domino Rudolpho Archi-

H

Electori Palatino R. Duc

Duci Austriæ, Primogenito Serenissimi Principis Alberti Ducis Austriæ sub Anno ætatis dicti Domini Rudolphi XIX. &c. 3. Cistæ binæ lignæ interiùs serico albo eleganter indutæ corpora SS. è Legionè S. Mauritij contegentes. 4. In similis formæ, atque eadem è materia, elaborata altera, lipsana sacra reposita sunt S. Marci Evangelistæ, & S. Victoris Martyris. 5. Cistæ pariter lignæ duæ serico, floribùsque exornatæ, in quarum prima frustum ex columna ad quam flagellatus est Xstus, in altera reliquiæ S. Georgij Martyris. 6. Lipsana S. Gonradi Martyris in haud dispari capsâ lignea. 7. Reliquiæ SS. Nominatorum variæ. 8. Ex brachio S. Hermetis, & Dorotheæ V. & M. 9. Ex ligno crucis, in qua suffixus est S. Andreas Apostolus. 10. Sancti Valentini Episcopi, Pataviæ sepulti. 11. S. Columbanii Abbatis. 12. S. Morandi. 13. Corpora Sanctorum Patricij & Mortelli. 14. Lipsana Sanctorum Januarij Episcopi, Desiderij Diaconi, Lectoris Martyrum; quæ omnia ligneis in cistis eleganter ornatis quiescunt. 15. Arca quædam lignea vitris instructa, cui inscripta leguntur verba sequentia: Reliquiæ Diversorum Sanctorum hîc repositæ in die S. Lucæ Evangelistæ Anno M. CCCC. XX. 16. Cista pariter è ligno, vitrôque constructa, quæ præter S. Fortunatæ lipsana, Evagrismi & Prisciani Martyrum corpora conteguntur. 17. Caput S. Leodegardi. 18. Caput unius ex 11000. Virginum & Martyrum. 19. Caput unius Martyris ex legionè S. Mauritij. 20. Caput S. Carphori Presbyteri & Martyris. 21. Duo capita Martyrum ex societate S. Ursulæ. 22. Caput S. Urbani Papæ & Martyris. 23. Caput aliud unius Martyris ex legionè S. Mauritij. 24. Caput S. Morandi. 25. Caput S. Constantiæ, quæ quidem capita omnia nunc in capsas ligneas deauratas vitrisque instructas collocata sunt, in quibus etiam certis temporibus venerationi publicæ exponuntur.

Terria demum classis reliquiarum, sacræque hujus
Thesauri referenda venit, quæ continet sacra lipsana
hondum vestita. imò quidem corpus S. Imbriçij. 2. Cor-
pus S. Conradî Peregrini. 3. Corpus S. Stephani de
Armenia, quæ tria corpora prius coreaceis in saccis in-
voluta jacuerant, sed Anno 1676. in ligneas quoque
capsas sunt imposita. 4. In simili capsâ corpora. SS.
Trophimi Episcopi, & Martyris ex discipulis S. Urba-
ni Papæ & Martyris, Theodori Militis, & Sophiæ Vi-
duæ. Addita quoque his lipsanis est schedula arma
gentilitia Rudolphî Archi-Ducis exhibens cum sequen-
tibus verbis: Hoc verum est. 5. Tria alia corpo-
ra Martyrum, Elisabethæ, Archemiæ, & Constantiæ.
6. Ensis quo usus est Carolus Magnus. 7. Ensis S. U-
dalrici. 8. Cuspis lanceæ, qua Judeus ligneum Christi
crucifixi simulachrum perfodit, prodigioso adhuc
illius sanguine conspersus. 9. Cuspis ex hasta,
sive lancea S. Georgij. 10. Denique cranium S. Stepha-
ni Proto-Martyris à Leopoldo Cæsare unâ cum Au-
thentica templo huic dono datum, quod pretiosè vesti-
re, auro & gemmis Leopoldus ipse destinaverat, sed mor-
te ejus intercurrente etiamnum sine ornatu in lignea
capsula servatur. Quod cum ceteris sanctis lipsanis à
me recensitis, & conspexi ipse, & osculo piò sum ve-
neratus.

TITULUS. XII.

*De Aris, Organis, & Imaginibus, quæ in
Cathedrali hac Ecclesia visuntur.*

INter cetera Augustissimi hujus templi ornâmenta,
non minùs memorandâ veniunt Altaria 38. quæ
per omnes partes pulchro ordihe collocata, mirum fa-
bricæ aliàs sumptuosæ decus, splendoremque adjiciunt.
Hæc inter & mole sua, & pretio longè eminet Ara

summa, quam deposita veteri Divo Marco, sacra Celsissimus ac Reverendissimus Princeps Dominus Philippus Fridericus à Comitibus de Breliner sumptibus suis erexit, ut Inscriptio scutis geminis albo è marmore asfabrè elaboratis scalpro incisa testatur ; primum scutum, supra portam, qua ad sacristiam, ut vulgò dicunt, Episcopalem via est, exhibet sequentem: Anno Domini M. DC. XLVII. Dominica quarta post Pascha, Ego Philippus Fridericus, Dei, & Apostolicæ sedis gratia Episcopus Viennensis S. R. I. Princeps, consecravi hoc altare à fundamentis à me erectum in honorem S. Stephani Proto-Martyris, & omnium Sanctorum, & Reliquias de ligno S. Crucis. S. Stephani Proto-Martyris. S. Joannis Baptistæ. S. Andreæ. S. Jacobi Majoris. S. Bartholomæi. S. Simonis, S. Matthæi Apostolorum & Evangelistæ. S. Laurentij. S. Sigismundi Regis. S. Adelberri Episcopi. S. Macarij. S. Mauritiij. S. Aurelij. S. Florentij. & S. Saturnini Martyrum. In scuto verò adverso, supra portam, quæ ad thesaurum sacrum est aditus: hæc leguntur: S. Augustini Ecclesiæ Doctoris. S. Wolfgangi Ratisbonensis. S. Amandi Argentinensis Episcoporum. S. Ægidij Abbatis. S. Henrici Imperatoris. S. Leopoldi Marchionis Austriæ. S. Barbaræ Virginis. S. Emerentianæ Virginis. S. Felicitatis. S. Ludmillæ Martyrum. S. Kunegundis Virginis & Imperatricis. S. Mariæ Magdalænæ. S. Elisabethæ Filiæ Regis Hungariæ, in eo inclusi, & singulis Xsti fidelibus.

delibus hodie unum Annum & in die Anniver-
sario consecrationis hujusmodi ipsum visitanti-
bus, quadraginta dies de vera indulgentia in
forma Ecclesiæ consueta, concessi. Ara hæc
Anno 1640. inchoata, perfecta tandem fuit Anno 1647.
totâque ex marmore nigro huc è Polonia adveſto ex-
surgit, varijs lemniscis, ſcalprique artiſicijs, tum & un-
decim eleganter albo è marmore exciſis ſtatujs discrimi-
nata, à præſtantiffimo eo tempore Artiſice Joanne
Jacobo Pock. Tabula verò, cui vivis coloribus D.
Stephani imago inducta cernitur, è ſtanno fuſa eſt à
Joanne Georgio Diebaldt, pretiò illi 522. florenorum
perſolutò. Coloribus hanc tabulam induxit, atque
in ea artiſice penicillo Proto-Martyrem ſaxis obrutum
exhibuit Tobias Pock, cui in laboris pretium 1280.
ſloreni, & quatuor pocula ex argento affabrè elabora-
ta, auròque inducta ceſſere. Accedit ſplendori Ma-
gniſicæ huic Aræ Tabernaculum, ut vulgò loquimur,
ſeu Arca reponendo Euchariſtico Numini deſtinata è
miri pretij lapidibus, gemmisque conſtructa, quæ ſola
7756. facile Rhenenſibus æſtimatur, tota verò ſummi
hujus altaris moles 25497. florenorum impendijs
conſtat.

Alterâ templi hujus Ara eſt S. Crucis, ad quod,
dum ſacris Auguſtiſſimi interſunt hoc in templo Cæ-
ſares, ſub ſolenni liturgia gemini ex more Myſtæ
ſacram Deo hoſtiam litant. Hanc Joannes Wolffgan-
gus Strigl urbis hujus ſenator ſumptibus ſuis erigi cu-
ravit, habetque id memoratu præ ceteris dignum,
quod ad illud Canonici recens creati ab Epifcopi vi-
ces gerente, quem vulgò Officialem dicimus, conſuetis
ſolennijs inaugurentur, ut Rituale hujus Eccleſiæ his
verbis præſcribit.

In Veſperis ſub Magnificat procedit Officia-
lis, vel alius ab Epifcopo nominatus, indutus

Rochetto, & Stolla, & byretto ad Altare S. Crucis sequente installando cum duobus chori Capellanis, & Notario, ad quem conversus Installator interrogat: Quid petis? Respondet Installandus peto, & rogo installari in Canonicum Cathedralis hujus Ecclesiæ. Officialis: Habésne præsentationem? R. Habeo. qua à Notario lectâ subjungente Officiali: Hoc ut præstes, concedat tibi omnipotens & misericors Dominus, & pergente: Ego NN. potestate mihi ab Illustrissimo & Celsissimo Principe NN. Episcopo Viennensi concessâ ad præsentationem Invietsissimi ac potentissimi DD. NN. Romanorum Imperatoris factam, per lectum te NN. in Canonicum hujus Ecclesiæ Cathedralis per Rochetti, & habitûs Canonicales immiſſionem, nec non per Byretti capiti tuo impositionem, & libri traditionem instituo, & Canonicè investio, dans tibi realem & actualem possessionem hujus Canoniatûs, & Præbendæ, tradens insuper tibi per Clavium consignationem facultatem in spiritualibus, & temporalibus, quovis modo huc spectantibus plenariè regendi, & administrandi, atque ita investitum, & institutum confirmo in nomine Sanctissimæ Trinitatis. Veni sancte Spiritus. Deincum oratione dicto ab altari procedunt ad stallum, dicente Officiali pro complemento hujus actûs: Sedem, & locum Canonicalem tibi in choro cum plenitudine juris Canonici assigno, idque

idque ut cedat ad Dei Gloriam, Ecclesiæ hujus honorem, & tuam perennem felicitatem, ex animo precor. Confidente Installando recedit Officialis. Altera verò die ijsdem ceremonijs excepta professione fidei in Capitulo installatur, nec ante hanc 2dam installationem in choro licitum est comparere.

Tertia Ara 12 Apostolorum sacris honoribus dicata à Ferdinando Primo in memoriam magni Proavi sui Friderici erecta est, haud procul sepulchrò ejusdem ingentibus sumptibus, pretiòque constructò. Decus singulare quoque aræ huic addunt è solido Porphyrite excisæ tres statux, Sanctorum nempe Christophori, Petri & Pauli. Hinc sequitur Altare 4. Passionis Dominicæ, aliàs etiam cœnæ Domini dictum, in quo Christus crucem bajulans à celeberrimo id temporis pictore Sandrart, ita eleganter coloribus expressus cernitur, ut & pietatem intuentibus, & picturæ peritis stuporem meritò, admirationemque moveat. 5. Ara, quæ à Divo Marchione Austriæ Leopoldo nomen habet, posita est liberalitate Dominorum L. B. de Ungarischitz, quorum etiam ibidem sepulchrum est. 6. Divo Jacobo Apostolo sacra Fundatorem, Autorémque habuit Admodum Reverendum Dominum Laurentium Haberele, Cathedralis hujus Ecclesiæ Cantorem, Seniorémque, cujus & corpus ibidem conditum. Altare 7. S. Floriani infra Oratorium Cæsareum, à Perillustri Domino Joanne Guiljelmo Managetta Philosophiæ, & Medicinæ Doctore, triúmque Cæsarum Archiatro positum est, qui cum reliquis è sua familia penes idem altare quiescit. 8. B. Virgini & Martyri Catharinæ Sacrum, à quo etiam Sacellum ipsum nomen retinet, soléntque ad hoc ipsum altare Dominica palmarum rami; die solenni Paschatis carnes, vinum verò festa S. Joannis Evangelistæ luce veteri Ecclesiæ more benedici. 9.

à Divo Udalrico , cujus honoribus initiatum, est no-
men obtinet. Ad hoc, quod Sacristiæ majori vicinum
est, exponebatur olim cœlestis Genij imago unâ cum ar-
denti cereo, qui à primis Vesperis S. Joannis Evange-
listæ usque ad 2das arserat, post quas à Dominis Cano-
nicis supplicatio ad hanc ipsam Aram duci, ibique Hy-
mnus ad modum cantûs Mariani compositus à Musicis
decantari consuevit, in memoriam (ut Cuspianus in
Austria sua pag. 66. meminit) quod Divus hic Evange-
lista in Insula Pathmos vivus sepulchrum inierit, Sed
ritus hos Anno 1686. Gelsissimus Princeps & Episco-
pus Ernestus interdixit, 10. Altare olim S. Mar-
co, nunc Divo Christi Nutritio Josepho consecratum
est; steterat hoc olim in medio templi, summæque
Aræ speciem, noménque gessit, donec à Principe, &
Episcopo Philippo Friderico hunc in locum transla-
tum, illiusque locò novum è marmore, ut superius
memini, positum fuit. 11. SS. Trinitatis, à Figulis
olim erectum, cujus pars media è limo formatam san-
ctissimæ Triados Imaginem exhibet, eo laboris artifi-
cio, è quo vili aliâs materiæ pretium non exiguum
accrescit. 12. S. Vito dicatum est. 13. Sacrum est Di-
vis Fabiano & Sebastiano. 14. Hoc Pictorum tribus o-
mnium Sanctorum cultui, venerationique erexit. 15.
Divi Martini dictum, quod Reverendus Dominus Ar-
noldus Brenner Curati ad D. Stephani olim munere
functus suis sumptibus posuit. 16. In Sacello S. Bla-
sij altare ejusdem Sancti honoribus Sacrum. Ad quod
altare Nuptijs, novisque sponsis à Sacerdote è recepto
Ecclesiæ more benedicitur. 17. Altare & Sacellum D.
Apostoli Bartholomæi. 18. S. Nicolai. 19. Altare
S. Margaritæ, ad quod Fabri lignarij statutis per an-
num temporibus ad Divinam conveniunt, ipso verò Di-
vi Josephi festo eo plerumque numero ad magnum
hunc Patronum suum colendum accurrunt, ut pluries
centennos numerare sit, dum inter solennem liturgiam
ad offertorium procedunt, 20. Haud procul ab hac
Divæ

Divæ Margaritæ Ara gradus aliquot ad Sacellum Sancto Joanni Baptistæ dicatum educunt, in quo ejusdem cultui Ara exsurgit. In quo sacello Sacræ Mystarum vestes, auro, argento, gemmīs, & unionibus divites, tum & pretiosus ornatus templi reliquus asservantur. 21. Infra hoc Sacellum D. Joannis Baptistæ aliud est Christi Crucifixi cultui sacrum, quod Dominus Udalricus de Tirva cum lectissima consorte sua Bertha, geminisque sorroribus Adlhaida, & Elisabetha sumptibus suis construxerat. In hoc Aræ tres exsurgunt, quorum 1. nunc Nativitati B. Virginis dicata est, at ejus olim locò altare ibidem S. Morandi fuerat, erexit hanc D. Virginis aram Dominus Guilielmus Rechtberger Medicinæ Doctör, penes quam etiam cum familia reliqua quiescit. Alterum Sacelli hujus altare, ordinéque 22 Est Divi Joannis Evangelistæ. Tertium demum atque ordine 23. Sancto Erasmo dicatum est. 24. A civibus quibusdam S. Andreæ Apostolo positum est, ad quod Dominus Arnoldus Brenner, Imaginem à celeberrimo Artifice Mathæo Manigella pictam Anno 1676. fieri curaverat. 25. Divo Maximiliano olim erectum est à Sartorum tribu, sed hoc deposito Domini Michaëlis Kurtz Mercatoris sumptibus aliud è marmore constructum, Divoque Archangelo Michaëli dicatum est, ad quod singulis per annum diebus incruenta Deo hostia litatur, annuis ad id censibus ab eodem attributis. 26. S. Ursulæ olim sacrum fuerat, at jam illius locò pretioso è marmore exsurgit aliud D. Francisci cultui initiatum. 27. E marmore eleganter erectum atque S. Catharinæ dicatum est. 28. S. Agneti, 29. Verò Apostolis Simoni & Judæ consecratum, 30. A Latomis Apostolorum Petri & Pauli honoribus positum fuit Anno 1679. 31. Sacellum S. Barbaræ cum ejusdem Ara. Reperitur in eodem sacello & Altare aliud S. Cypriani, ordinéque, 32. Quod ab Illustrissimo Domino Domino Comite de Gonzan ex hebeno erectum, multisque alijs donis, argenteisque orna-

mentis ditatum est; penes quod etiam sepulchrum sibi, suisque construxit, additis 10000. Rhenensibus, è quorum censu Annuo in dies singulos Divina, tum & Anniversarius dies obitus ab Ecclesiæ hujus, ut vulgò dicimus, Curatis aguntur. Ejusdem Comitatus liberalitate rebus hujus Ecclesiæ prægrande illud Candelabrum, ex Orichalcho affabrè elaboratum, inque templi medio è zona pendulum accessit, in quo 24. ardentis collucent cerei toties, quoties de Venerabili Altaris Sacramento per annum solennis liturgia habetur. 33. Sacellum S. Georgij unà cum ejusdem Ara, quam Dominus Theisser erexit. 34. S. Annæ ab Illustrissimo Domino L. B. de Carlshoven non multos ante annos positum est. 35. S. Brictij altare Anno M. D. XIII. ab Illustrissimo & Reverendissimo D. Episcopo Georgio à Slavonia erectum, penes quod etiam tumultatus est. 36. S. Wolfgangi sacrum. 37. Atque ordine ultimum est B. Virginis in ejusdem Sacello maximo. positum à Senatu Civico è redditibus hujus Ecclesiæ. Imaginem quæ assumptam in cælum Reginam exhibebat, Artifex præclarus Christianus Müller pinxerat, at illà jam remotà, ea quæ hodieum cernitur artifice penicillo à præstantissimo sui temporis pictore Spielberger efformata, aræque huic imposita est.

Præter recensitas has à me Aras inter ornamenta templi reliqua memoranda quoque veniunt organa, vel mole sua, vel antiquitatis nomine suspicienda, Horum primum, omnium maximum, quod haud procul à Sacristia inferiori supra altare D. Udalrici eminet; hæc inscripta sibi verba exhibet: Ductu Senatûs hujus urbis, impensis templi Divi Proto-Martyris Stephani Patroni Viennæ primi hoc insigne Musicum Organum à Purchardo cognomine Tischlinger, ejus Artis Apollinæ Magistro Primario conficitur Anno 1507. & paulo inferius.

Attonitam modò si cui mulcent Organa
mentem

Musica, & ornatos expetis usque sonos,
Eja age, nunc subeas lætus sublimia templa
Hic tua, quod doctè perbibat, auris habet.

Frequentiori usui olim, dum altare majus in medio
adhuc templi erectum steterat, quàm modò, deservijt,
tum enim ad omnes liturgias. quæ hac Sacra in æde
habebantur, resonabat; at modò non nisi sub ingres-
su Imperatoris ad templum. certisque, dum exibidem
per annum habentur, supplicationibus auditur. Qua-
re hoc ipso frequentiori antea usu destructum reparari
debuit Anno 1681. duobus Fratribus Joanni Udalrico,
& Ferdinando Römer, in laboris sui pretium quadrin-
gentis Rhenensibus persolutis. Huic à regione supra
Aram SS. Apostolis Petro & Paulo Sacram videtur orga-
num alterum minus quidem sed à vetustate sua memo-
randum, utpote quod Anno 1336. factum fuisse reperio.
Supra hoc organum è lapide sculpta cernitur Imago Ar-
chitecti cujusdam, manu exhibens, quam quidam
illius pueri esse volunt, qui imperfectæ turris Autor
invidiâ sui magistri, maloque ex illa dolo præcipitatus
sit; sed fabulam hanc esse jam superiori titulo, ut qui-
dem arbitror, satis à me ostensum est. 3. Omnium
novissimum quidem, at artificio, pretioque laboris mi-
nimè posthabendum alijs, est in ipso mulicorum chorò
ex adversa parte Cæsaris Augustissimi Oratorium res-
piciens, quod Senatus Civicus post erectam è marmo-
re Anno 1647. Aram summam poni jusserat. Ad cho-
rum hunc, tum & ad ipsum Principum Oratorium por-
ta perelegans ex albo, rubrisque maculis pulcherrimè
discriminato marmore, viam aperit, quam dein cochlea
è lapide constructa ulteriùs in editum utrumque præbet,
Oratorium verò ipsum Arculariorum operoso labore è
ligno possum, aureis lemniscis, copiosisque in o-
mnem

mnem partem vitris, & bicipite superius eminente aquila instructum, Senatus Civicus sumptibus suis fieri curaverat. A quo templo ipsi non modicum decus ornamentumque accedit.

At majus multò, illustriusque à pijs tot imaginibus, quæ & à prodigijs frequentibus, & constanti populi cultu, ac veneratione indies magis clarescunt. Primum inter has sibi meritò locum vendicat Imago B. Virginis, quæ à loco, in quo primum illustrari prodigijs cæperat, Pötschenfis hodieum dicitur. Tabulæ illa lignæ vilicolore, levique manu inducta speciem rudem quampiam illius præsefert, quam D. Evangelista Lucas pinxisse fertur, atque Mariæ Majoris vulgò nomen obtinet. Multis hæc annis in pago Gomitatûs Zabolzensis à Græci ritûs quidem, at Romanæ tamen Ecclesiæ unitis asservabatur inter ceteras templi imagines, nulla tunc singulari in veneratione habita, donec tandem ingenti miraculo illustrata, stuporem primò, mox & pietatem accurrentis populi auxit. Cùm enim Anno 1696. 4. Novembr. Ruricola quispiam (Michaël Cöry fors dicebatur) Ecclesiam pietatis ergò subiret, non sine admiratione lachrymarum instar, guttas complures excidere Imagini huic conspexit, quod & dein per 14. continuos dies observatum, at præpemis 8. Decembris ipsa nempe Immaculatæ Virginis hujus conceptionis festa luce. Hinc rumor tanti prodigij latè in vulgus sparsus multorum studia, animosque brevi advertit, nec plebis tantum, sed & Procerum, summæque nobilitatis, Cleri denique ipsius, qui cum Cæsarearum Legionum Tribunis è vicinis locis tanti prodigij vel videndi, vel explorandi causâ advolârunt, Rei demum tantæ veritate diu, multumque explorata, juratisque firmata testibus, post diligens examen miraculum hoc singulare ab Illustrissimo & Reverendissimo Domino Georgio Fenesy Agriensi tum Episcopo approbatum est, atque venerationi publicæ prodigiosa hæc Imago exposita. Sed non diu tanto pignore frui

Ungaris licuit precibus siquidem Augustissimæ Imperatricis Eleonoræ id dari debuit, ut Viennam adferretur, quod & Anno sequente Millesimo scilicet sexcentesimo nonagesimo septimo. 7. Julij factum est. Excepit piam hanc Imaginem primùm Aula suburbana, quam, æstivis temporibus Austriaci Cæsares incolunt, tum verò Religiosorum ordinum templa propè omnia, ad quæ solenni supplicationum pompa deducta, & affluenti ubique incredibili hominum multitudini, venerationis ergò per dies complures exposita fuerat, donec in principe hujus urbis templo, ac in præcipua quidem illius Ara locum stabilem Cæsaris voluntate obtinuit, ubi à frequenti quotidie populo piè hodie dum colitur, multosque favores non sine prodigij sæpius etiam specie clientibus suis exhibet, ut innumera propè anathemata, piæque tabulæ undique suffixæ testantur.

Altera ejusdem Clementissæ, Beatissimæque Angelorum Reginæ Imago est Puerum JESUM ulnis suis gestans, quæ tres propè pedes altitudine adæquat sua. Fuerat hæc jam Anno 1492. in pila, seu columna templi penes SS. Simonis & Judæ Aram cultui plebis proposita, sed non nisi à paucis annis ob prodigiosos favores cultoribus suis concessos frequentari à pio populo cepit. cui se adeò benignam, munificamque exhibet, ut plurima indies, vel è cera, vel argento muna, pictæ etiam non rarò tabulæ acceptorum beneficiorum testes appendantur, nec hora jam diei vel ulla prætereat, quin Pientissimæ Matri supplex clientum suorum turba adolvatur, amantissimam toties opitulatricem Virginem experta. Inter devotos sacræ hujus Imaginis cultores, quæ novæ jam eodem in loco erectæ Aræ imposita est, memoratu dignissima venit Augustissima Imperatrix Claudia Felicitas Leopolda I. Magni Cæsaris Consort 2da, quæ in ardentissimi amoris sui signum ingens ex argento candelabrum pensile ad ejusdem Divinissimæ Virginis cultum, veneratio-

rationémque largita est. Sunt præterea haud procul Altari Divi Wolfgangi honoribus dicatò effigies B. Virginis binæ aliæ, utraque Statuario opere è ligno efformata; utraque puerum JESUM brachijs suis complexa, quas ultra hominum memoriam à frequenti multitudine coli audio, ob gratias, favorésque plurimis sæpè sæpiùs concessos. Ad quem etiam cultum promovendum in plurium animis binæ ante easdem Imagines suspensæ lampades argenteæ perpetuis Ignibus dies, noctésque resplendent.

TITULUS Ultimus.

De Crypta Archi-Ducum Austria, de Epitaphijs item. ac alijs Inscriptionibus in hoc eodem templo reperiendis.

Spectanda hæcenus prima Sacra hujus Basilicæ exordia, progressus item præclaros, auctòsque honorum titulos, tum & cetera ejusdem ornamenta, quæ in ea temporis penuria distractus in tot alias curas deprehendere animus poterat, sincerà fide Lectorum oculis exhibuimus. Grata nunc in eos memoria, qui insighi in posteros pietate Urbem hanc nostram tam mirandæ molis templo, templum ipsum tot profusis sumptibus ornârunt, exigere à nobis videtur, ut & pioſſeorundem cineres, quos ambitu suo Divi Stephani Sacra hæc Aedes velut sinu complectitur, venerationis ergo è vetustatis tenebris erutos in lucem publicam demus. Et verò si cuiquam omnium id jure à nobis debetur, Rudolpho certè IV. id honoris; quantumcunque exigui tribuendum primò loco censui; qui primus omnium tam sumptuoso ædificio veterem hanc Ecclesiam auxit, tum & sepulchri locum successorum pijs manibus suscipiendis apparavit, in quo Serenissimorum Archi-Ducum, Cæsarumque per plura jam etiam secula

secula magni cineres quieverunt. In hac crypta, ad
 quam haud procul choro amplissimi è lapide excisi
 gradus, binisque è rubro marmore tabulis cooperti
 deducunt, in medio ossa Rudolphi ipsius cernuntur
 pelli bovinæ insuta, aureoque panno contecta, quod
 ea de causa factum arbitror, ut tantò commodius Medio-
 lano, ubi Anno M. CCC. LXV. 27. Julij pie obiit, huc ad
 nos, inque Ecclesiam à se erectam deportarentur. Epi-
 taphium illius, inscriptionesque ceteras tumulo illius
 additas, cum jam titulò tertiò superius reddiderim,
 brevitatis causâ hic loci repetere supersedeo. Ad
 lævam Rudolphi, descendantibus primò locò sese of-
 ferunt cineres Alberti vulgò dicti cum Trica, quos pel-
 lis rursus bovina, tum & pannus aureus instratus in-
 volvit. His parte una gladius gentilitium Habsbur-
 gicæ Domus scutum, tum & Provinciarum Austriaca-
 rum incisa insignia exhibens, parte verò altera crux
 è plumbo efformata incumbit, in qua sequentia verba
 leguntur: Anno Domini M. CCC. LXXXIV.
 obiit Albertus Dux Austriæ &c. in decollatio-
 ne S. Joannis. Hinc proximè sequuntur ossa Geor-
 gij Archi-Ducis pari cum superioribus modo involuta,
 cui & gladius jam propè rubigine consumptus, tum
 & crux plumbea imposita est, in qua hæc inscriptio:
 Anno Domini M. CCCC. XXXV. 16. Februa-
 rij obiit Georgius Filius Domini Alberti Quinti
 Ducis Austriæ & Marchionis Moraviæ hic se-
 pulctus. Ad lævam Rudolphi manum proximum
 videtur sepulchrum Alberti cum Trica dicti Filius, cui
 pariter præter gladium crux plumbea addita, quæ in-
 cisa sequentia exhibet: Corpus Illustris Principis
 Alberti Ducis Austriæ &c. qui plurimis virtu-
 tibus clarus obiit in Christo die Dominica
 Festo Exaltationis S. Crucis Anno Domini
 M. CCCC.

M. CCCG. IV. De hoc eodem Principe codex Antiquissimus MS. in Bibliotheca Cæsarea à me repertus, qui Ducum Austriacorum Necrologiam continet hæc breviter memorat. Anno Domini 1404. starb Herzog Albrecht des obgenandten Herzogs Albrechts Sohn ze Wienn, da er von Znaim aus dem Feldt kome; und sein gemahl war ein Fürstin von Holland, mit der liefs er ein Sohn, hiefs Albrecht, und ist begraben ze Wienn zuo sand Stephan. Rursus ad dexteram Rudolphi Fundatoris Exuvie sunt Archi-Ducis Wilhelmi, eodem, quo ceterorum esse Principum ossa diximus, modo conditæ, cui gladius cum cruce addita, in qua sequens breve Epitaphium continetur. Wilhelmus, Leopoldi Filius, Dux Austriæ &c. obiit in Christo Anno ætatis suæ XV. die 10. Julij Anno Domini M. CCCC. VI. & hic est reconditus, & positus ad dexteram Rudolphi, & desuper gladius.

Videndæ & hic sunt tres aliæ tumbæ trium Principum Austriacorum cineres concludentes, sed quorum nomina oblivio, edâxque rerum vetustas delevit, eò quod nulla iisdem inscriptio adjecta reperiatur, nisi quod supra primi tumulum parieti nomen Alberti minio inscriptum sit. Quiescit præterea hac ipsa in crypta Leopoldus IV. Archi-Dux cognomento ab alijs Grassus dictus ob corporis obesi molem, ab alijs etiam Superbus, eò, quòd ad Comitata, quæ Ratisbonæ habebantur ingentem secum Nobilium comitatum præter copiosum famulitium adduxerit, ad ejus cineres gladium additum fuisse vagina indicat, quæ sola nunc superest cum sequenti inscriptione: Leopoldus Filius Leopoldi, Dux Austriæ &c. obiit in Christo.

sto die 3. Junij Anno Domini 1411. & hic est reconditus. Sepultus & hoc eodem in loco videtur Albertus VI. Archi-Dux Austriæ, qui, ut Fuggerus testatur Anno 1463. 2. Decembris fatis concessit; nam ipsius cryptæ pavimento immissa tabula lapidea hæc verba exhibet. **Albertus Ernesti Ducis Austriæ Filius.** Mediæ inter Principum horum cineres Maximiliani II. Cæsaris proles quiescunt: singulæ singulis loculis è stanno elaboratis inclusæ, ut additæ ubique Inscriptiones indicant, quas subjungo. 1ma. **Carolus Archi-Dux Austriæ Filius Maximiliani II. Romanorum Imperatoris, Hungariæ, & Bohemiæ Regis &c.** Ex Maria Caroli V. Romanorum Imperatoris Filia. Natus Viennæ die 27. Mensis Septembris Anno Domini 1565. Obijt ibidem die Ascensionis Dominicæ 23. Mensis May Anno 1566. 2da. **Ferdinandus Archi-Dux Austriæ Filius Maximiliani Regis Bohemiæ, Archi-Ducis Austriæ &c.** ex Maria Caroli V. Romanorum Imperatoris Filia in Cicales Oppido Castiliæ 28. die Mensis Martij Anno 1551. natus. Obijt Viennæ Austriæ 25. die Mensis Junij Anno Domini 1552. Maria Erz-Herzogin zu Ostereich, Maximiliani II. Röm. Kayfers, auch zu Hungarn und Böhheim Königs Tochter. Starb den 26. Tag Martij des 1564. Jahrs, ihres Alters 6. Wochen.

Ab hoc dein tempore bellorum perpetuis motibus, perturbatisque Provinciarum, ac præcipuè Austriæ rebus adeo Cryptæ hujus memoria interciderat, ut per seculum propè integrum ignota omnibus latue-

rit; donec tandem à Domino Schnepff, qui Ferdinando III. piæ memoriæ Augustissimo Cæsari à cubiculis fuerat, sepulchri locus haud procul à minori Organo pro se suisque construi cæptus est, quo in opere, dum profundius à Murarijs foditur, cryptæ hujus Augustæ primùm muri ac iisdem perruptis tantorum Principum magni cineres denuò reperti sunt. Hujus inopinæ rei famâ in Aulam delatâ, illicò lege sancitum à Ferdinando Imperatore fuerat, ut deinceps demortuorum Principum Austriæ intestina hanc ipsam in cryptam inferantur, quod & hucusque factum esse tot Cyprea vasa argenteis operculis clausa, quæ in eadem hodièdum videre est, testantur. Singulorum verò nomina argento incisa Epitaphia exhibent, quæ ordine suo subnecto.

Intestina Ferdinandi IV. Romanorum Regis semper Augusti, nec non Hungariæ, Bohemiæ, Croatiæ & Sclavoniæ &c. Regis, Archiducis Austriæ &c. natus Viennæ 1633. die 7. Septembris Obijt Anno 1654. die 9. Julij, vixit Annos 20. Menses 10. diem unum.

Intestina Ferdinandi III. Romanorum Imperatoris, Hungariæ, Bohemiæque Regis Archiducis Austriæ &c. Ferdinandi II. Cæsaris Filius natus est Græcij 13. Julij Anno 1608. denatus Viennæ 2. Aprilis 1657.

Intestina Ferdinandi Josephi Archiducis Austriæ Filij Ferdinandi III. Imperatores ex Maria Eleonora Mantuana Caroli Filia nati 11. Februarij Anno 1657. denati 16. Junij Anno 1658.

Intestina Leopoldi Guilielmi Archiducis Austriæ Imperatoris Ferdinandi II. Filij, &c.
Fer-

Ferdinandi III. Fratris nati Neostadij in Austria 1614. die 6. Januarij denati Viennæ 1662. die 20. Novemb.

Intestina Ferdinandi Leopoldi Archiducis Austriæ Filij Leopoldi I. Imperatoris Aug. ex Margarita Hispaniarum Infante Philippi IV. Regis, & Mariæ Annæ Austriacæ Filia, nati 28. Septembris Anno 1667. Denati 13. Januarij Anno 1668.

Intestina Joannis Austriaci, Leopoldi Imperatoris, & Margaritæ Hispaniarum Filij nati, & denati Anno Domini 1670. die 20. Febr.

Intestina Mariæ Annæ Augusti Leopoldi Filiaæ natae Anno 1672. die 9. Februarij, denatae 23. Februarij.

Intestina Margaritæ Infantis Hispaniarum Philippi IV. & Mariæ Annæ Austriacæ Filiaæ, & Leopoldi Cæsaris primæ conjugis jam prægnantis uno Principe Sex mensibus, ante tempus Catharo 12. Martij Anno 1673. extincta fuit ante tertiam maturino tempore.

Præter hæc eadem incrypta reperiuntur intestina Leopoldi Magni, & utriusque Augustissimæ Conjugis, Claudiæ scilicet Felicitatis, & Eleonoræ Magdalenæ Theresiæ, quæ ultima superiori primò Anno lugentæ orbe illata sunt. Intestina item Josephi Cæsaris Gloriosissimi Principumque duorum, quos Augustissimis Fratribus Josepho & Carolo seu primitias cæle debitas præmatura fata abripuere: quorum additas inscriptiones ad manus non habeo. Superi optimi Domum hanc Augustissimam diu nobis servant incolumem, nec nisi feri posterius magnos eorum cineres Augustæ huic

cryptæ inferri , Majorumque cum Manibus confundi, lugeant.

At non ita Principum Austriacorum ossa huic uni inclusa cryptæ sunt, ut non per reliquum quoque templum complurium eorum exuviæ suis cum Epitaphiis, & inscriptionibus reperiantur; quas una cum reliquis eo ordine, quo collocatæ sunt, hic subijciam. In Sacratio ubi nunc Capituli Decanus locum suum in choro obtinet Porta olim fuerat, ad Thesaurum sacrum viam aperiens, sed quæ novis subsellijs ab Episcopo Philippo de Breuner in usum Canonicorum constructis, ita nunc occlusa est, ut nihil de illa videre jam sit, præter geminas marmoreas tabulas superius prominentes, in quarum prima hæc inscripta reperio:

Anno, Milleno, tricent. XL quoque septem
Sabto sub terna Fridericus nascitur hora
Alberti natus Ducis Australisque Joannæ
Principis, ac terna Sãbti decessit in hora
Vivis ex membris Idus quartæque Decembris.
Anno Milleno Cter LXque secundo.

- Altera verò tabula ex simili marmore Inscriptionem habet sequentem.

Anno Domini 1365. post Festum Jacobi Apostoli Dominica proxima obiit in Mediolano Dominus Rudolphus IV. Dux Austriæ, Styriæ, Carinthiæ, & Carniolæ Princeps Illustrissimus, terrarumque suarum Potentissimus, hujus Præposituræ Fundator, qui Dominam Catharinam Filiam Domini Caroli quarti Imperatoris gloriosissimi habuit in Consortem. Ille enim Rudolphus Comitatum Tyrolensem augendo adjecit ad Austriæ Principatum.

Hinc

Hinc ad partem dexteram haud procul lapideâ illâ Cochleâ, quâ ad Oratorium Cæsareum ascensus patet, lapis ingens sepulchralis cernitur binis ex Orichalcho annulis instructus, cui superius in pile, seu columna templi Scutum gentilitium cum expanso vexillo affixum est, quod insigne exhibet Illustrissimi Domini de Wimmbach Cæsarei Colonelli, qui Anno 1619. Salisburgi. 10. Aprilis obiit.

Ad Altare passionis prodigiosi laboris monumentum est Friderici Imperatoris, tanta arte, sumptibusque constructum, ut paris pretij numerare nullum Europa nostra videatur. Inchoavit hanc Augustam molem adhuc Fridericus ipse, at non nisi superiorem partem ante obitum suum perfectam vidit, quare inchoatum opus per 20. dein Annos à Filio illius Maximiliano maximis expensis continuatum est, quo absoluto dein labore Augustissimi Parentis ossa in Crypta per hos annos, quam paulò ante descripsimus, condita, hoc in sepulchrum Cæsare tanto, Filiique pietate dignum transtulit. Exsurgit insignis hæc machina ex albo, purpureisque coloris marmore, undique artificio incredibili efformatis ferarum, bestiarumque formis instructum, pluribusque quàm centenis Imaginibus ad maiestatem summam exornatum, quarum quælibet 1. & medium pedem altitudine sua æquat. Superius imminet 30. Provinciarum hæreditariarum insignia, atque in 4. Sepulchri angulis Electorum Principum pariò lapide eleganter elaboratæ Effigies, inter quas media Friderici ipsius Imago jacet, Imperatoris vestibus, coronaque ad tantam Maiestatem artificis à manu elaborata, ut intuentibus insignem venerationem etiam invitis extorqueat. Ex ore illius 5. hæc literæ prodeunt, quibus dum viveret sæpius usum esse Fridericus dicitur, nempe. A. E. J. Q. D. his alij significare Cæsarem voluisse contendunt. *Aquila, Electa, Justa, omnia vincet.* Alij interpretantur in hunc sensum: *Austria est Imperare orbi Universo, aut etiam: Austria erit in orbe*

de ultima. Imaginem Friderici circumdant scuta Gentilitia Domûs Habsburgicæ. Ad verticem verò Effigies S. Christophori Puerum JESUM humeris suis gestantis erigitur, appensæ denique à Maximiliano binæ æreæ tabulæ auro obductæ eidem sepulchro fuerant, in quibus vita, diésque obitus illius descriptus est. Aliam Imaginem præterea pictam paries vicinus Friderici hujus exhibet, infra quam sequens Inscriptio legitur :

Imperator Divus Fridericus tertius, pius, proſper, Auguſtus, Chriſtianitatis ſupremus Princeps, Hungariæ, Dalmatiæ, Croatiæ Rex. Archi-Dux Austriæ, Dux Styriæ, Carinthiæ, & Carniolæ, Comes & Princeps Sveciæ, Marchio ſupra onasum, & Burgaviæ, Comes Phirretis & Kiburg, Dominus Marchiæ, Sclavoniæ, & Portus Naonis &c. Princeps Religioliſſimus, qui Sacrum Romanum Imperium ſumma juſtitia, & virtute 53. annis ſapienter, & moderatè rexit, quique Filio ſuo Maximiliano Imperatori Glorioſiſſimo Sereniſſimam Doſnam Mariam unicam Filiam, & hæredem divi Caroli Ducis Burgundiæ potentiffimi legitimo thoro Copulavit, ex quo quidem feliciffimo connubio omnes Ducatus, Principatus, Marchionatus, Comitatus, & Dominia, quæ præſatus Carolus Dux terrâ, Marique poſſedit, Felici Domui Aſtriacæ juri perpetuo acceſſerunt, quæ & Imperator Maximilianus potenti manu & gladio Conſervavit. Ipſe Fridericus talibus, multisque alijs Imperatorijs virtutibus perſpicuus, naturæ debito perſoluto celebr.

rimis

rimis exequijs devotè celebratis in præfenti monumento reconditus est. Hic Fridericus tertius nascitur Æniponti Anno Salutis nostræ 1419. die 19. Octobris. Eligitur in Regem Romanorum Francofurti Anno 1440. die 30 Martij. Coronatur in Augustum, ac Imperatorem Aquisgrani Anno 1442. die 17. Junij, & Romæ à Papa Nicolao V. Anno 1493. sepultus in Neüs ætatis suæ 77. anno Mens. 10. die 12. Imperij Anno 53. die 7. Mensis Novembris cujus corpus in hoc Saxum reconditur.

Totum hoc augustum monumentum, quod longitudine sua 5. faciliè ulnas, latitudine verò $2\frac{1}{2}$. completur tanti à scriptoribus, rerumque peritis æstimatur, ut illud 40000. aureis constitisse autument.

Propè hoc sepulchrum marmor cernitur sepulchrale, insignia civium quorundam Viennensium exhibens, quos Leopoldus Archi-Dux Austriæ hujus nominis IV. ob seditionem in se concitatam, conjurationemque cum Ernesto illius Fratris initam Viennæ Anno M. CCCC. VIII. capite plecti jusserat, quorum nomina incisum lapidi Epitaphium refert hic à me subiectum:

Sta, fle, plange, geme mortalis homo, lege,
disce,

Quid labor, atque fides, quid mundi Gloria,
quid spes

Prolis, Divitiæ, quid honor proffit, tribu-
âtque!

Ecce brevi saxo tres Cives cerne sepultos:
Conradum Vorlauff, Kunz, Rompersdorf-
fer, & Hans Rock.

Magnificos etenim cunctis hac urbe priores,
Officijs celebres, quos ritus nomen honoris
Emeritos vexit, fortunæ sed rota fallax
Acephales, furiam dedit unâ, quos amor unus
Foedere Civili conjunxit, sic quod utrique
Hic prior ille prior, contendunt flectere
colla

Sustulit infaustum sed Vorlauff tunc prio-
ratum.

In Sacello S. Catharinæ sepulchrum est Gelsissimi
Principis & Episcopi hujus Ecclesiæ Antonij de Wolf-
rath, qui sibi id in vivis construxit, hac addita inscri-
ptione :

Fui
Abbas, Episcopus, Princeps ;
Sum

Pulvis, Umbra, nihil
Anno M. DC. XXXIX.

Sed successor illius Philippus Fridericus è Comitibus
de Breuner novo tumulum Epitaphio, nigro marmori
inserto ornavit, quod reddo :

Antonio

Religione, Prudentia, animi magnitudine, re-
rum humanarum, Divinarumque scientiâ ijs
Comparando, quos vidit, & obstupuit anti-
quitas.

Viro tribus Insulis pari

Hilariensi, Cremiphanienti, ac Pontificum Vi-
ennensi ; Augusti Imperatoris Ferdinandi II. &
Ferdinandi III. intimo Consiliario, ad ordines
Sacri

Sacri Romani Imperij Sapientissimo Legato :
Ob labores Reipublicæ Causâ fortiter susce-
ptos, & feliciter gestos, inter Imperij Princi-
pes adscito

Domi, Forisque Magno
Ut Mortuus Viveret apud posteros Philippus
Fridericus Episcopus Viennensis
In Cathedram Successor, in tumulum
Successurus posuit.
Vixit Annos LVIII. obiit Año M. DC. XXXIX.
Kalend. Aprilis

In altero Sacello Crucifixo servatori sacro exeunti-
bus ad dexteram sese offert sepulchrum Cuspiniani
Scriptoris clarissimi cum sequenti Epitaphio :

Joannes Cuspinianus Doctor, quondam ci-
vitatatis Viennensis Præfectus. Anna Maria octo
liberorum. Agnes altera Conjux.

Excolui primùm Musas, & Apollinis Artes
Nempe tui Medicus, tuncque Poeta simul.

Postea me rebus natum majoribus auxit

Cæsar, & ornavit Præsidis officio.

Illa igitur nostro sint verba inscripta sepul-
chro

Vitam vixi olim, Cuspinianus eram
Historiæ immensæ monumenta æterna re-
liqui

Vivus in his semper Cuspinianus erit.
Vixit Annis LVI. Anno M. D. XXIX. Mense
Aprilis die 19. obiit.

Nomina Liberorum.

Sebastianus Felix.	Nicolaus Chrysostomus.
Leopoldus Anastasius.	Anonymus.
Anna Theodora.	Joanna Agatha.
Helena Alexandra.	Barbara Sophia.

Rurfus infra Aram D. Virg. & Mart. Catharinæ, quæ nunc è marmore erecta est in eadem templi majori columna Epitaphium erectum est è tabula lignea Friderico Naufæ templi hujus, ac urbis Episcopo, cujus in eadem Effigies è pulpito Sacro ad populum dicentis coloribus expressa est, subjecta hac inscriptione :

Reverendissimo in Xsto P. Domino Friderico Naufæ Episcopo Viennensi, qui vitâ momentaneè Tridenti in Concilio defunctus ; inde translatus, hic sepultus est.

Antonius Mugliz Successor P.
Anno Domini M. D. LX.

Dominus ad judicium veniet *Esaiæ 3.*
Pœnitentiam agite. *Ezech. 18.*

Catholicum pavi populum sic Naufæ verbo
Ut pax Ecclesiæ toto floreret in orbe
Pars ideo sum Concilij, moriôrque Tridenti
Ossa Vienna tenet, sed Præfulis abdita chari.

Sepulchrum illius in medio templi est eo ferè loco, in quo olim summa Ara D. Marci Steterat, ut sepulchrale marmor, quod illius ossa premit sequenti inscriptione indicat :

D. Franciscus Naufæ Episcopus Viennensis
Anno Domini M. D. LII.

Penes Altare S. Bricij, quod Georgius à Sclavonia IV. hujus Ecclesiæ Episcopus erexit, ejusdem quoque ossa quiescunt in monumento à se etiamnum, dum in vivis ageret, constructo, cui dein & sequens Epitaphium est additum :

Georgius Slatkonja natione Carniolus Civitatis Lubacensis, hujus templi Pontifex, & Patensis Administrator. Divi Maximiliani Cæsaris Augustissimi à Consilio, Archi-Musicusque. Vir Peritissimus, modestissimus, integerrimus, qui in ornando Episcopatu Viennensi omnes Antecessores suos facile superavit. Vivus sibi hoc monumentum fieri Curavit Anno salutis M. D. XXII. 6. Kalend. Maij. Vixit Annis 66. Mense 1. diebus 5.

Demum propè Aram B. Virginis in Sacello ejusdem Maximo monumentum videtur è marmore eleganter excisum, & inter binas columnas ad cornu Epistolæ situm, in quo Filius Alberti II. sapientis aliàs dicti, est conditus, at quis ille fuerit omnino incertum est, Communior tamen opinio fert eum Fridericum Alberti ultimò genitum esse; Tumulo huic inscriptum reperio sequentés versus.

Alberti Ducis Australis jacet inclyta proles
Conjugis ipsius de Ferretisque Joannæ
Hoc tumultata loco populo recolenda devoto.

Ante idem Altare B. Virginis conditus est Klesellius Cardinalis, Viennensisque Episcopus, ut lapis in medio Sacelli hujus positus his inscriptis verbis indicat :

Reverendus Dominus Melchior Klesellius
Viennensis Austriac. cum ab invictissimo Cæsare Rudolpho Anno M. D. LXXIX. proprio
motu

motu in Præpositum Sanctæ Cathedralis hujus
Ecclesiæ publicaretur, ejusdem pari benignita-
te in Episcopum Anno M. D. XCVIII. XXIV.
Januarij die proclamatus. Insuper à Paulo V.
summo Pontifice Apostolici Concionatoris ti-
tulo insignitus, multis, ac varijs pro Ecclesia
Dei, & Christiana Republica susceptis labori-
bus confectus Deo animam reddidit Anno :
M. DC. XXX.

Verùm successor illius Celsissimus Princeps An-
tonius de Wolfrath eidem in rubro, albóque marmo-
re insigne aliud ad cornu Altaris hujus sinistrum libe-
ralitate Principe digna Epitaphium erexit, quod sub-
jungo.

Monumentum

Eminentissimo, & Reverendissimo Principi, &
D. D. Melchiori. S. R. E. tit. S. Mariæ de
Pace Presbytero

Cardinali Klefello

Episcopo Vienensi, & Neostadiensi, Augustissi-
mi Imperatoris Mathiæ arcanorum
Consiliorum Directori.

Hæresum Persecutori
Religionis Catholicæ hîc labentis
Restauratori.

Maximis P. P. & Imperat. Rom. ob excelsas
Ingenij, ac naturæ dotes ad summas res adhi-
bito, Eloquentiâ, Consilijs, Legationibus, &
ingentibus factis per orbem Christianum
Clarissimo

Qui

Qui utraque fortunâ domitâ exactis vitæ Annis LXXVII. Episcopatus Viennensis XXXVI. cælo jam maturus facultates suas à Deo sibi commissis Ecclesijs, corporis verò exuvias meritum suorum deinceps gloriâ vestiendus morti lubens cessit. Die XVIII. Septembr. CIO. IO. C. XXX.

Hic ad Aram B. V. M. sepultus.

Antonius

Ejus in Episcopatu Viennensi Successor, Invi-
ctissimorum Cæsarum Ferdinandi II. & Tertij
Consiliarius intimus Præfuli æternâ me-
moriâ dignissimo piè
posuit.

In eodem præterea sacello requiescunt duo alij
Glossissimi Principes, Ecclesiæque hujus Antistites Reve-
rendissimi. Philippus scilicet Fridericus è Comitibus
de Breüner, & Wildericus ex Baronibus de Wallen-
dorff. Ambo in tumbis è cupro inclusi, inque cry-
ptas suas depositi, additò utrique Epitaphio laminæ
cupreæ inciso, in hæc verba.

Requiescit in hac tumba.

Philippus Fridericus ex Comitibus de Breü-
ner Episcopus Viennensis. S R. I. Princeps.
ætatis suæ Anno LXXII. Præfuit Ecclesiæ huic
cathedrali Annis XXX. insigni zelo, salutari
verbo, & raro exemplo. Obijt in Domino.
Die XXII.

Anno M. D. C. LXIX.

Requiescit in hac tumba


Wildericus è Baronibus de Wallendorff,
Episco.

Episcopus Vienenſis. S. R. I. Princeps. S. Cæſ. Maieſtatis Conſiliarius intimus, Præpoſitus ſpi- renſis. Canonicus Metropolit. Moguntinæ, & Cathedralis Herbipolens. Ætatis ſuæ Anno LXIV. Præfuit huic cathedrali Eccleſiæ Annis XI. obiit in Domino Die IV. Septembris Anno Domini. M. D. C. LXXX.

Atque hæc quidem ſunt præclara illa templi hujus maximè ornamenta, quæ memoratu digna. & ſi quæ hætenus ſciendi cupidus latuere, in publicam vindicanda lucem exiſtimavi, duplex quidem, ut arbitror relaturus hinc laboris mei pretium, tum quòd gentes exteræ, adeò in extollendis rebus ſuis ſtudioſæ, urbis quoque noſtræ ampliſſima decora edoceantur; tum quòd eorum animis, quibus quotidiano uſu molis tam Auguſtæ ſtructura fortassis non nihil viluit, nova rurfus illius veneratio, atque ſincerior, quàm antea fuerat, opinio acceſſura videatur. Illud unum à bene- volo Lectore gratiæ locò poſtulo, ut eo animo, quo à me ſuſceptus eſt, laborem hunc, quaſcuſque ſit, æſtimet, nec vitio id mihi tribuat, quòd multa non nili obiter percurrerim, plurima fortassis etiam prætergreſ- ſus ſim, quæ accuratiori à me pertractari ſcriptione debuiffent. Obſtabant nimirum, & temporis ipſius anguſtiæ, & literarum tradendarum negotia propè quo- tidiana, tum & præfixa brevitæ, libello aliunde ſu- ſiſtis, quàm apud me initio ſtatueraſ, excurrente. Nec deerunt fortassis, qui levi hoc ſtudio meo excitati auctiore aliquando ſcriptionis genere vel ſacræ Baſi- licæ hujus res illuſtrabunt; aut certè quæ à me præter- miſſa ſunt continuato deinceps labore in lucem publi- cam majori laude famâque vindicabunt.

FINIS.

NOMI-



NOMINA OFFERENTIUM

Ordine Alphabetico.

Josephus Ferdinandus S. R. I. Comes ab
Hardegg.

Franciscus Carolus Stampfer L. B. à Waal-
chenberg.

Stephanus Balintit de Tövis, Spectabilis Un-
garus Transylvanus.

Equites & Perillustres.

Albertus de Menshengen S. R. I. Eques, & In-
fer. Austriæ Provincialis.

Antonius Paulus de Vorstern S. R. I. & Regni
Ungariæ Eques.

Carolus Franciscus Xaverius de Pallestrazzi.

Carolus Fridericus de Pfister S. R. I. Eques.

Carolus Joannes Burcard Nobilis de Cleè
S. R. I. Eques & Austriæ Inferioris Provin-
cialis.

Carolus Josephus de Fellner S. R. I. Eques.

Franciscus Aurelius de Capitolo S. R. I. Eques.

Fridericus Augustus de Welfer.

Geor.

Georgius Ferdinandus de Fellner, S. R. I. Eques.
Jacobus Nicolaus Mitlieb de Anderson.
Ignatius Antonius de Kollery.
Ignatius Ferdinandus de Puechberg Regni Un-
gariæ Provincialis.

Josephus Adamus de Rosty.
Josephus Carolus Rauchmüller de Ehrnstein
S. R. I. & Reg. Bohem. Eques.

Prænobiles, & Nobiles.

Ferdinandus Simbschön.
Georgius Henricus Rettstörp.
Godefridus Ferdinandus de Laimbeckhoven.
Ignatius Nicolaus Nagl.
Joannes Georgius Pock de Arrenholz.
Joannes Matthæus Bruckentheits.
Joannes Paulus Wimmer.
Josephus Andreasi.
Josephus Pruner.
Josephus Antonius Wimmer.
Leonardus Josephus Haider.
Maximilianus Truckmüller.
Nicolaus Thadeus Priestersperger.
Paulus Matth. Tschabuesnig.
Urbanus Bischoff.



ues.

Un-

tein

to

h.

the

the

the

the


the

the

the

the

the




800 - 0 -

30614

T.

E. Au. 11. Wie. 7. 721.

Biblioteka Jagiellońska



stdr0022751

757

T

6 AU.3.